














ନିର୍ଦ୍ଦେଶନା ପଦ୍ଧତି ।

# ଦକ୍ଷିଣାପଥ



ନିର୍ଦ୍ଦେଶନା ପଦ୍ଧତି ।

ପ୍ରଥମ ପାଠ୍ୟ ପୁସ୍ତକ



শ্রীমতী বিবেকানন্দের শ্রীচিহ্ন  
কথোপকথন




তৃতীয় সংস্করণ  
আষাঢ়, ১৩৩০ ।

*All Rights Reserved.* ]

[ মুদ্রা ৯/৮ = বাকী আছে ]

কলিকাতা,  
১নং মুখার্জী লেন,  
উদ্বোধন কার্যালয় হইতে  
স্বামী বিবেকানন্দ  
কর্তৃক প্রকাশিত।



শ্রীগৌরান্দ প্রেস,  
প্রিন্টার—অরেশচন্দ্র মজুমদার  
৭১১ নং মির্জাপুর ষ্ট্রীট, কলিকাতা।  
৭৩৩১২৩

## সূচীপত্র ।

বিষয় ।	পৃষ্ঠা ।
লণ্ডনে ভারতীয় যোগী	১
ভারতের জীবনব্রত	৯
ভারত ও ইংলণ্ড	২২
ইংলণ্ডে ভারতীয় ধর্মপ্রচারকের প্রচার কার্য	৩৫
স্বামী বিবেকানন্দের সহিত মাদ্রাসায় এক ঘটনা	৪১
ভারতের দেশের ও ভারতের মানা সমস্যা	৪৯
পাশ্চাত্যদেশে প্রথম হিন্দুসন্ন্যাসীর প্রচার কার্য ও তাঁহার মতে ভারতের উন্নতির উপায়	৬৩
জাতীয় ভিত্তিতে হিন্দুধর্মের পুনর্কৌশল	৭৭
ভারতীয় রমণী—তাহাদের অতীত, বর্তমান ও ভবিষ্যৎ	৮২
হিন্দুধর্মের সীমানা	৯২
প্রশ্নোত্তর	৯৭
হার্ভার্ড বিশ্ববিদ্যালয়ে স্বামী বিবেকানন্দ	১১৩



The Duglazar Library  
\$  
98

কথোপকথন ।

লগুনে ভারতীয় যোগী ।

( ওয়েস্টমিনিস্টার গেজেট, ২৩শে অক্টোবর, ১৮৯৫ )

কয়েক বর্ষ যাবৎ ভারতীয় দর্শন এখানকার (ইংলণ্ডের) অনেক ব্যক্তির হৃদয়ে গভীর ও ক্রমবর্দ্ধমান প্রভাব বিস্তার করিতেছে ; কিন্তু এ পর্য্যন্ত যাহারা এদেশে উহার ব্যাখ্যাভার গ্রহণ করিয়াছেন তাঁহাদের চিন্তা-প্রণালী ও শিক্ষা-দীক্ষা সম্পূর্ণ পাশ্চাত্যাবাপন্ন হওয়ায় বেদান্তজ্ঞানের গভীরতর রহস্য-সমূহ সম্বন্ধে প্রকৃতপক্ষে লোকে অতি অল্পই জানিয়াছে—তাহাও আবার নির্দিষ্ট স্বল্প কয়েকজন মাত্র । প্রাচ্য ভাবে শিক্ষিত দীক্ষিত, প্রাচ্য ভাবে গঠিত, উপযুক্ত আচার্য্যগণ বেদান্তশাস্ত্র হইতে যে গভীর তত্ত্বজ্ঞান লাভ করিয়া থাকেন, শব্দশাস্ত্রবিদগণের সাহায্যের জন্তই প্রধানতঃ প্রকাশিত ত্রুক্ষোধ্য অনুবাদগ্রন্থ হইতে সেই জ্ঞান সংগ্রহ করিবার সাহস ও অন্তর্দৃষ্টি আবার অনেকেরই নাই ।

জনৈক সংবাদদাতা আমাদিগকে লিখিতেছেন—পূর্ব্বোক্ত কারণে কতকটা ষথার্থ আগ্রহের সহিত, আর কতকটা কোতূহল-পরবশ হইয়াও বটে, আমি পাশ্চাত্য জাতির নিকটে একপ্রকার সম্পূর্ণ নূতন বলিয়া প্রতীত বেদান্তধর্ম্মের প্রচারক স্বামী বিবেকানন্দের



কথোপকথন ।

সহিত সাক্ষাৎ করিতে গিয়াছিলাম। ইনি সত্যসত্যই একজন ভারতীয় যোগী—যুগ যুগান্তর ধরিয়া সন্ন্যাসী ও যোগিগণ শিষ্য-পরম্পরাক্রমে যে শিক্ষা দিয়া আসিতেছেন, তাহাই ব্যাখ্যা করিবার জ্ঞান তিনি অকুতোভয়ে পাশ্চাত্য দেশে আগমন করিয়াছেন, এবং সেই উদ্দেশ্যে গত রজনীতে প্রিন্সেস্ হলে তিনি এক বক্তৃতা দিয়া-ছিলেন।

স্বামী বিবেকানন্দের মাথায় কাল কাপড়ের গিরালি পাগড়ী, যুথের ভাব শাস্ত্র ও প্রশ্ন—তাহাকে দেখিলেই তাঁহার মধ্যে কিছু বিশেষত্ব আছে বলিয়া বোধ হয়।

আমি জিজ্ঞাসিলাম,—

“স্বামীজি, আপনার নামের কোন অর্থ আছে কি?—যদি থাকে, তাহা কি আমি জানিতে পারি?”

স্বামীজি। “আমি এক্ষণে যে নামে (স্বামী বিবেকানন্দ) পরিচিত, তাহার প্রথম শব্দটির অর্থ সন্ন্যাসী অর্থাৎ যিনি বিধি-পূর্ব্বক সংসারাত্মক ত্যাগ করিয়া সন্ন্যাসাত্মক গ্রহণ করিয়াছেন, আর দ্বিতীয়টি একটা উপাধি—সংসারত্যাগের পর ইহা আমি গ্রহণ করিয়াছি। সকল সন্ন্যাসীই এইরূপ করিয়া থাকেন। ইহার অর্থ—“বিবেক অর্থাৎ সদসদ্বিচারের আনন্দ।”

আমি জিজ্ঞাসিলাম,—

“আচ্ছা স্বামীজি, সংসারের সকল লোকে যে পথে চলিয়া থাকে, আপনি তাহা ত্যাগ করিলেন কেন?”

তিনি উত্তর দিলেন,—

“বাল্যকাল হইতেই ধর্ম্ম ও দর্শন-চর্চায় আমার বিশেষ আগ্রহ

## লণ্ডনে ভারতীয় যোগী ।

ছিল। আমাদের শাস্ত্রের উপদেশ—মানবের পক্ষে ত্যাগই শ্রেষ্ঠতম আদর্শ। পরে রামকৃষ্ণ পরমহংস নামক একজন উন্নত ধর্ম্মাচার্যের সহিত আমার মিলন হইল—আমি দেখিলাম, আমার যাহা শ্রেষ্ঠতম আদর্শ, তাহা তিনি জীবনে পরিণত করিয়াছেন। স্মৃতরাং তাঁহার সহিত সাক্ষাৎ হইবার পর, তিনি স্বয়ং যে পথের পথিক, আমারও সেই পথ অবলম্বন করিবার প্রবল আকাঙ্ক্ষা জাগরিত হইল—আমার সন্ন্যাসগ্রহণের সঙ্কল্প স্থির হইল।”

“তবে কি তিনি একটা সম্প্রদায় স্থাপন করিয়া গিয়াছেন—আপনি এক্ষণে তাহারই প্রতিনিধিস্বরূপ?”

স্বামীজি অর্মান উত্তর দিলেন,—

“না, না, সাম্প্রদায়িকতা ও ঘোঁড়ামি দ্বারা আধ্যাত্মিক জগতে সর্ব্বত্র যে এক গভীর ব্যবধানের সৃষ্টি হইয়াছে, তাহা দূর করিবার জগুই তাঁহার সমগ্র জীবন ব্যয়িত হইয়াছিল। তিনি কোন সম্প্রদায় স্থাপন করেন নাই। বরং উহার সম্পূর্ণ বিপরীতই করিয়া গিয়াছেন। সাধারণে যাহাতে সম্পূর্ণরূপে স্বাধীনচিন্তাপরায়ণ হয়, তদ্বিবয়েরই তিনি সম্পূর্ণ পোষকতা করিতেন এবং উহার জগুই তিনি প্রাণপণে চেষ্টা করিয়া গিয়াছেন। তিনি একজন খুব বড় বোগী ছিলেন।”

“তাহা হইলে এই দেশের কোন সমাজ বা সম্প্রদায়ের সহিতই আপনার কোন সন্ধক নাই? যথা—থিওজফিক্যাল সোসাইটি, গ্রীষ্টিয়ান সায়েন্টিষ্ট \* বা অপর কোন সম্প্রদায়ের সহিত?”

---

\* Christian Scientists:—মার্কিনদেশীয় একটা ধর্ম্মসম্প্রদায়ের নাম। মিসেস্ এডি নার্মী মার্কিন মহিলা এই সম্প্রদায়ের প্রতিষ্ঠাত্রী। ইহাদের মতে

কথোপকথন ।

স্বামীজি স্পষ্ট হৃদয়স্পর্শী স্বরে বলিলেন,—“না, কিছুমাত্র না ।”  
(‘স্বামীজি যখন’ কথা কহেন, তখন তাঁহার মুখ বালকের মুখের  
মত উজ্জ্বল হইয়া উঠে—মুখখানি এতই সরল, অকপট ও  
সদ্ভাবপূর্ণ) । “আমি যাহা শিক্ষা দিই, তাহাতে আমার গুরু  
উপদেশের অনুগামী হইয়া আমাদের প্রাচীন শাস্ত্রসমূহ আমি  
নিজে বেরূপ বুঝিয়াছি, তাহাই ব্যাখ্যা করিয়া থাকি । অলৌকিক  
উপায়ে লব্ধ কোন প্রকার অলৌকিক বিষয় শিক্ষা দিবার  
আমি দাবী করি না । আমার উপদেশের মধ্যে যতটুকু তীক্ষ্ণ  
বিচার-বুদ্ধিতে উপাদেয় এবং চিন্তাশীল ব্যক্তিগণের গ্রাহ বলিয়া  
বোধ হইবে, ততটুকু লোকে গ্রহণ করিলেই আমার যথেষ্ট পুরস্কার  
হইবে ।”

তিনি বলিতে লাগিলেন,—

“সকল ধর্ম্মেরই লক্ষ্য—কোন বিশেষ মানবজীবনকে আদর্শ-  
স্বরূপ ধরিয়া স্থূলভাবে ভক্তি, জ্ঞান বা যোগ শিক্ষা দেওয়া । উক্ত  
আদর্শগুলিকে অবলম্বন করিয়া ভক্তি, জ্ঞান ও যোগ-বিষয়ক যে  
সাধারণ ভাব ও সাধনপ্রণালী রহিয়াছে, বেদান্ত তাহারই বিজ্ঞান-  
স্বরূপ । আমি ঐ বিজ্ঞানই প্রচার করিয়া থাকি এবং ঐ বিজ্ঞান  
সহায়ে, নিজ নিজ সাধনোপায়রূপে অবলম্বিত বিশেষ বিশেষ

---

রোগ, দুঃখ, পাপ প্রভৃতি মনের ভ্রমসাত্র ; সুতরাং ‘আমাদের কোন রোগ  
নাই’ একথা দৃঢ়ভাবে বিশ্বাস করিলে আমরা সর্বপ্রকার রোগমুক্ত হইব ।  
ইহারা বলেন, ‘আমরাই খ্রীষ্টের মত প্রকৃতভাবে অনুসরণ করিতেছি এবং তিনি  
যে রূপ অলৌকিক উপায়ে রোগীকে রোগমুক্ত করিতেন, আমরাও পুরোস্ত  
বিশ্বাস-সহায়ে তাহা করিতে সমর্থ’ ।

## লগুনে ভারতীয় যোগী ।

স্থানদর্শনকল প্রত্যেকে আপনাই বুঝিয়া লউক—এই কথাই বলি ।  
আমি প্রত্যেক ব্যক্তিকে তাহার নিজ নিজ অভিজ্ঞতাকেই প্রমাণ-  
স্বরূপে গ্রহণ করিতে বলিয়া থাকি, আর যেখানে কোন গ্রন্থের  
কথা প্রমাণস্বরূপে উপস্থিত করি, সেখানে বুঝিতে হইবে, সেগুলি  
চেষ্টা করিলে সংগ্রহ করা যাইতে পারে, আর সকলেই ইচ্ছা করিলে  
নিজে নিজে উহা পড়িয়া লইতে পারে । সর্বোপরি, আমি মানব  
প্রতিনিধিগণদ্বারা নিজাদেশপ্রচারকারী, সাধারণ চক্ষুর অন্তরালে  
সর্বথা অবস্থিত—পুরুষসকলের উপর বিশ্বাস বা তাহাদের উপদেশ  
বলিয়া কোনও কিছু প্রমাণস্বরূপে উপস্থাপিত করি না, অথবা  
গোপনীয় গ্রন্থ বা হস্তলিপি হইতে আমি কিছু শিখিয়াছি বলিয়া  
দাবী করি না । আমি কোন গুপ্ত সমিতির মুখপাত্র নহি, অথবা  
ঐক্য সমিতিসমূহের দ্বারা কোনরূপ কল্যাণ হইতে পারে বলিয়াও  
আমার বিশ্বাস নাই । সত্য আপনিই আপনার প্রমাণ, উহার  
অন্ধকারে লুকাইয়া থাকিবার কোন প্রয়োজন নাই, উহা অনায়াসে  
দিবালোক সহ করিতে পারে ।”

আমি জিজ্ঞাসিলাম,—

“তবে, স্বামীজি, আপনার কোন সমাজ বা সমিতি প্রতিষ্ঠা  
করিবার সঙ্কল্প নাই ?”

“না, আমার কোন প্রকার সমিতি বা সমাজ প্রতিষ্ঠিত করিবার  
ইচ্ছা নাই । আমি প্রত্যেক ব্যক্তির হৃদয়ে গূঢ়ভাবে অবস্থিত ও  
সর্বসাধারণের সম্পত্তিস্বরূপ আত্মার তত্ত্ব উপদেশ দিয়া থাকি ।  
জনকতক দৃঢ়চিত্ত ব্যক্তি আত্মজ্ঞানলাভ করিলে ও ঐ জ্ঞান  
অবলম্বনে দৈনন্দিন জীবনের কার্যাবলী করিয়া যাইলে পূর্ব পূর্ব

কথোপকথন ।

যুগের জায় আজকালকার দিনেও জগৎটাকে সম্পূর্ণ ওলটপালট করিয়া দিতে পারে। পূর্বে পূর্বে এক এক জন দৃঢ়চিত্ত মহাপুরুষ ঐক্যেই তাঁহাদের নিজ নিজ সময়ে যুগান্তর আনয়ন করিয়া-ছিলেন।”

আমি জিজ্ঞাসিলাম,—

“স্বামীজি, আপনি কি এই সবে ভারত হইতে আসিতেছেন?”  
কারণ, তাঁহার চেহারা দেখিলে প্রাচ্যদেশীয় প্রবল সূর্য্যাকিরণের কথা মনে পড়ে।

স্বামীজি বলিলেন,—

“না। ১৮৯৩ খ্রীষ্টাব্দে চিকাগোয় যে ধর্ম্ম-মহাসভা হইয়াছিল, আমি তাহাতে হিন্দুধর্ম্মের প্রতিনিধির কার্য্য করিয়াছিলাম। সেই অবধি আমি আমেরিকার যুক্তরাজ্যে ভ্রমণ ও বক্তৃতা করিতেছি। মার্কিন জাতি পরম আগ্রহ সহকারে আমার বক্তৃতা শুনিতেছে এবং আমার সহিত পরমবন্ধুত্ব আচরণ করিতেছে। তথায় আমার কার্য্য একরূপ দৃঢ়মূল হইয়াছে যে, আমাকে তথায় শীঘ্র ফিরিয়া যাইতে হইবে।”

“পাশ্চাত্য ধর্ম্মসমূহের প্রতি আপনার কিরূপ ভাব, স্বামীজি?”

“আমি এমন একটা দর্শন প্রচার করিয়া থাকি, বাহা—জগতে যত প্রকার ধর্ম্ম থাকা সম্ভব, তৎসমুদয়েরই ভিত্তিস্বরূপ হইতে পারে, আর আমার ঐ সমুদয়গুলিরই উপর সম্পূর্ণ সহানুভূতি আছে—আমার উপদেশ কোন ধর্ম্মেরই বিরোধী নহে। আমি ব্যক্তিগত জীবনের উন্নতিসাধনেই বিশেষভাবে লক্ষ্য রাখি, উহাকেই তেজস্বী করিবার চেষ্টা করি—প্রত্যেক ব্যক্তিই স্বয়ং ঈশ্বররাংশ বা

## লগুনে ভারতীয় যোগী ।

ব্রহ্ম—এ কথাই শিক্ষা দিই, আর, সর্বসাধারণকে তাহাদের অভ্যন্তরীণ এই ব্রহ্মভাব সম্বন্ধে সচেতন হইতেই আহ্বান করিয়া থাকি । জ্ঞাতসারে বা অজ্ঞাতসারে—ইহাই প্রকৃতপক্ষে সকল ধর্মের আদর্শ ।”

“এদেশে আপনার কার্য্য কি আকারে হইবে ?”

“আমার আশা এই যে, আমি কয়েকজন লোককে পূর্বোক্ত ভাবে শিক্ষা দিব—আর তাহাদের নিজ নিজ ভাবে অপরের নিকট উহা ব্যক্ত করিতে উৎসাহিত করিব ; আমার উপদেশ তাহারা যত ইচ্ছা রূপান্তরিত করুক, ক্ষতি নাই । আমি অবশ্য বিশ্বাস্ত্র মতবাদস্বরূপে কিছু শিক্ষা দিব না, কারণ, পরিণামে সত্যের জয় নিশ্চয়ই হইয়া থাকে ।”

“আমি প্রকাণ্ডে যে সমস্ত কার্য্য করি, তাহার ভার আমার দু-একটি বন্ধুর হাতে আছে । তাঁহারা ২২শে অক্টোবর সন্ধ্যা ৮।।০ টার সময় পিকাডেলি প্রিন্সেস্ হলে ইংরাজ শ্রোতৃবৃন্দের সম্মুখে আমার এক বক্তৃতা দিবার বন্দোবস্ত করিয়াছেন । চারিদিকে এই বিষয়ের বিজ্ঞাপন দেওয়া হইতেছে । বিষয়—মৎপ্রচারিত দর্শনের মূলতত্ত্ব—‘আত্মজ্ঞান’ । তাহার পর আমার উদ্দেশ্য সফল করিবার যে রাস্তা দেখিতে পাইব, তাহারই অনুসরণ করিতে আমি প্রস্তুত আছি—লোকের বৈঠকখানায় বা অগ্ন স্থলে সভায় যোগ দেওয়া, পত্রের উত্তর দেওয়া বা সাক্ষাৎভাবে বিচার করা—সমুদয়ই করিতে প্রস্তুত আছি । এই অর্থলালসা-প্রধান যুগে আমি এ কথাটা কিন্তু সকলকে বলিতে চাই, অর্থলাভের জগৎ আমার কোন্ কার্য্যই অনুষ্ঠিত হয় না ।”

কথোপকথন ।

আমি এইবার তাঁহার নিকট হইতে বিদায় লইলাম—আমার  
সহিত যত ব্যক্তির সাক্ষাৎকার হইয়াছে, ইনি তন্মধ্যে একজন  
সর্বাপেক্ষা অধিক মৌলিকভাবপূর্ণ, তদ্বিষয়ে আমার কিছুমাত্র  
সন্দেহ নাই ।

---

## ভারতের জীবনব্রত ।

( সাণ্ডে টাইম্‌স্‌, লণ্ডন, ১৮৯৬ )

ইংলণ্ডবাসীরা যে ভারতের “প্রবাল উপকূলে” \* ধর্ম-প্রচারক প্রেরণ করিয়া থাকেন, তাহা ইংলণ্ডের জনসাধারণ বিলক্ষণ অবগত আছেন । বাস্তবিক, “সমগ্র জগতে গিয়া স্বেচ্ছাচার বিস্তার কর,” যীশুখ্রীষ্টের এই আদেশ তাঁহারা এক্রপ পূর্ণভাবে প্রতিপালন করিয়া থাকেন যে, ইংলণ্ডীয় প্রধান প্রধান ধর্মসম্প্রদায়গুলির মধ্যে কোনটাই খ্রীষ্টের উপদেশ বিস্তারের এই আহ্বানানুযায়ী কার্য্য করিতে পশ্চাৎ-পদ নহেন । কিন্তু ভারতও যে ইংলণ্ডে ধর্মপ্রচারক পাঠাইয়া থাকেন, এ বিষয় ইংলণ্ডের জনসাধারণ বড় একটা জানেন না ।

সেন্ট জর্জের রোড, সাউথ ওয়েস্টে, ৬৩ নং ভবনে স্বামী বিবেকানন্দ অল্পকালের জ্ঞা বাস করিতেছেন । দৈবযোগে ( যদি ‘দৈব’ এই শব্দটা প্রয়োগ করিতে কেহ আপত্তি না করেন ) তথায় স্বামী বিবেকানন্দের সহিত আমার সাক্ষাৎ হয় । তিনি কি কার্য্য করিতেছেন এবং ইংলণ্ডে আসিবার তাঁহার উদ্দেশ্যই বা কি, এই সকল বিষয়ে কথাবার্তা কহিতে তাঁহার কোনরূপ আপত্তি না থাকায় ঐ স্থানে আসিয়া আমি তাঁহার সহিত ঐ বিষয়ে কথাবার্তা

---

\* Coralstrands :—প্রাচীনকালে যখন পাশ্চাত্য জগতের ভারতের সহিত সবিশেষ পরিচয় ছিল না, তখন ভারতের সমুদ্রতীরে যথেষ্ট প্রবাল পাওয়া যায়, ইহার এই পরিচয়ই পাশ্চাত্য উদ্ভূতরূপে জানিত । এই বাক্য সেই ধারণা হইতেই প্রচলিত হইয়াছে ।



## কথোপকথন ।

আরম্ভ করিলাম । তিনি যে আমার অনুরোধ রক্ষা করিয়া আমার সহিত ঐ ভাবে কথোপকথনে সম্মত হইয়াছেন, তাহাতে আমি প্রথমেই বিস্ময় প্রকাশ করিলাম । তিনি বলিলেন,—

“আমেরিকায় বাস করিবার কাল হইতেই এইরূপে সংবাদপত্রের তরফ হইতে সাফাৎ করিতে উপস্থিত ব্যক্তিদিগের সহিত সাফাৎ করা আমার সম্পূর্ণ অভ্যাস হইয়া গিয়াছে । আমার দেশে ঐরূপ প্রথা নাই বলিয়াই যে আমি সর্বসাধারণকে যাহা জানাইতে ইচ্ছা করি, তাহা জানাইবার জন্ত ভারতের দেশে যাইয়া, তথাকার প্রচারের প্রচলিত প্রথাগুলি অবলম্বন করিব না, ইহা কখন যুক্তি-সঙ্গত হইতে পারে না । ১৮৯৩ খ্রীষ্টাব্দে আমেরিকার চিকাগো সহরে যে ‘সমগ্র পৃথিবীর ধর্মমহাসভা’ বসিয়াছিল, তাহাতে আমি হিন্দুধর্মের প্রতিনিধি ছিলাম । মহীশূরের রাজা এবং অপর কয়েকটা বন্ধু আমায় তথায় পাঠাইয়াছিলেন । আমার বোধ হয়, আমি আমেরিকায় কিয়ৎপরিমাণে কৃতকার্য হইয়াছি বলিয়া দাবী করিতে পারি । চিকাগো ব্যতীত আমেরিকার অত্যাঁত্র বড় বড় সহরে আমি বহুবার নিমন্ত্রিত হইয়াছি । আমি দীর্ঘকাল ধরিয়া আমেরিকায় বাস করিতেছি । গত বৎসর গ্রীষ্মকালে একবার ইংলণ্ডে আসিয়াছিলাম, এ বৎসরও দেখিতেছেন— আসিয়াছি ; ইহা ব্যতীত সেই অবধিই—প্রায় তিন বৎসর— আমেরিকায় রহিয়াছি । আমার বিবেচনায় আমেরিকার সভ্যতা খুব উচ্চ ধরণের । আমি দেখিলাম, মার্কিনজাতির চিত্ত সহজেই নূতন নূতন ভাবধারণা করিতে পারে । কোন জিনিষ নূতন বলিয়াই পরিত্যাগ করে না, উহার বাস্তবিক কোন গুণাগুণ আছে কি

## ভারতের জীবনব্রত ।

না, অগ্রে পরীক্ষা করিয়া দেখে—তার পর উহা গ্রাহ্য কি ত্যাজ্য, তাহা বিচার করে ।”

“ইংলণ্ডের লোকেরা অতঃপ্রকার,—ইহাই বুঝি আপনার বলিবার উদ্দেশ্য ?”

“হাঁ, ইংলণ্ডের সভ্যতা আমেরিকা হইতে পুরাতন—শতাব্দীর পর শতাব্দী যেমন চলিয়াছে, তেমনই উহাতে নানা নূতন বিষয় সংযোজিত হইয়া উহার বিকাশ হইয়াছে। ঐরূপে অনেকগুলি কুসংস্কারও আসিয়া জুটিয়াছে। সেগুলিকে ভাঙ্গিতে হইবে। এখন যে কোন ব্যক্তি আপনাদের ভিতর কোন নূতন ভাব প্রচার করিতে চেষ্টা করিবে, তাহাকেই ঐগুলির দিকে বিশেষরূপে দৃষ্টি রাখিয়া চলিতে হইবে।”

“লোকে এইরূপ বলে বটে। আমি যতদূর জানিয়াছি, তাহাতে আপনি আমেরিকায় কোন নূতন ধর্মসম্প্রদায় বা ধর্মমত প্রতিষ্ঠা করিয়া আসেন নাই।”

“এ কথা সত্য। সম্প্রদায়ের সংখ্যা বৃদ্ধি করা আমাদের ভাবের বিরুদ্ধ; কারণ, সম্প্রদায় ত যথেষ্টই রহিয়াছে। আর সম্প্রদায় করিতে গেলে উহার তত্ত্বাবধানের জন্ত লোকের প্রয়োজন। এক্ষণে ভাবিয়া দেখুন, যাহারা সন্ন্যাস অবলম্বন করিয়াছে, অর্থাৎ সাংসারিক পদমর্যাদা, বিষয়সম্পত্তি, নাম প্রভৃতি সব ছাড়িয়াছে এবং আধ্যাত্মিক জ্ঞানান্বেষণই জীবনের উদ্দেশ্য করিয়াছে, তাহারা এরূপ কার্যের ভার লইতে পারে না। বিশেষতঃ ঐরূপ কার্য যখন অপরের দ্বারা চলিতেছে, তখন আবার ঐ ভাবে কার্যে অগ্রসর হওয়া নিষ্প্রোজন।”

## কথোপকথন ।

“আপনার শিক্ষা কি ধর্মসমূহের তুলনায় সমালোচনা করা ?”

“সকল প্রকার ধর্মের সারভাগ শিক্ষা দেওয়া বলিলে বরং মংপ্রদত্ত শিক্ষা সম্বন্ধে একটা স্পষ্টতর ধারণা হইতে পারে। ধর্মসমূহের গোণ অঙ্গগুলি বাদ দিয়া উহাদের মধ্যে যেটা মুখ্য, যেটা উহাদের মূল ভিত্তি, সেইটীর দিকে বিশেষভাবে দৃষ্টি আকর্ষণ করাই আমার কার্য্য। আমি রামকৃষ্ণ পরমহংসের একজন শিষ্য—তিনি একজন সিদ্ধ সন্ন্যাসী ছিলেন, তাঁহার জীবন ও উপদেশ আমার উপর বিশেষ প্রভাব বিস্তার করিয়াছিল। এই সন্ন্যাসীশ্রেষ্ঠ কোনও ধর্মকে কখন সমালোচনার দৃষ্টিতে দেখিতেন না ; তাহাদের ভিতর এই এই ভাব ঠিক নয়, একথা তিনি বলিতেন না। তিনি উহাদের ভালর দিকটাই দেখাইয়া দিতেন। দেখাইতেন, কিরূপে উহাদের অনুষ্ঠান করিয়া উহাদের উপদিষ্ট ভাবগুলিকে আমরা আমাদের জীবনে পরিণত করিতে পারি। কোন ধর্মের সহিত বিরোধ করা, বা তাহার বিপরীত পক্ষ আশ্রয় করা—তাঁহার শিক্ষার সম্পূর্ণ বিরুদ্ধ ; কারণ, তাঁহার উপদেশের মূল সত্যই এই যে, সমগ্র জগৎ প্রেমবলে পরিচালিত। আপনারা জানেন, হিন্দুধর্ম কখন অপর ধর্মাবলম্বীদের উপর অত্যাচার করে নাই। আমাদের দেশে সকল সম্প্রদায়ই শান্তি ও প্রেমের সহিত বাস করিতে পারে। মুসলমানদের সঙ্গে সঙ্গেই ভারতে ধর্মসম্বন্ধীয় মতামত লইয়া হত্যা, অত্যাচার প্রভৃতি প্রবেশ করিয়াছে, কিন্তু তাহাদের আসিবার পূর্ব পর্য্যন্ত ভারতে আধ্যাত্মিক রাজ্যে শান্তি বিরাজিত ছিল। দৃষ্টান্তস্বরূপ দেখুন, জৈনগণ, বাহারা ঈশ্বরের অস্তিত্বে অবিশ্বাসী এবং ঐকপ বিশ্বাসকে ভ্রান্তি বলিয়া প্রচার করে—তাহাদেরও ইচ্ছামত ধর্ম্মানুষ্ঠানে কেহ

## ভারতের জীবনব্রত ।

কোনও দিন ব্যাঘাত করে নাই ; আজ পর্য্যন্তও তাহার ভারতে রহিয়াছে । ভারতই ঐ বিষয়ে শাস্তি ও মার্দ্দবরূপ যথার্থ বীৰ্য্যের দৃষ্টান্ত দেখাইয়াছেন । যুদ্ধ, অসমসাহসিকতা, প্রচণ্ড আঘাতের শক্তি—এগুলি ধর্ম্মজগতে দুর্দলতার চিহ্ন ।”

“আপনার কথাগুলি টলষ্টয়ের \* মতের মত লাগিতেছে । ব্যক্তিবিশেষের পক্ষে এই মত অনুসরণীয় হইতে পারে—সে পক্ষেও

\* Count Leo Tolstoi ;—ইনি একজন রুশিয়াদেশবাসী প্রসিদ্ধ পরহিত-ব্রত চিন্তাশীল লেখক ও সংস্কারক । ১৮২৮ খ্রীষ্টাব্দে রুশিয়ার মস্কো সহরের ১০০ মাইল দক্ষিণ ভাগে অবস্থিত এক গ্রামে ইহার জন্ম হয় এবং ১৯১০ খ্রীষ্টাব্দে ইহার দেহত্যাগ হইয়াছে । প্রায় অর্দ্ধ শতাব্দী ধরিয়া ইনি সমগ্র মানবজাতির উপর নিজ নিঃস্বার্থ জীবনের প্রভাব বিস্তার করিয়া গিয়াছেন । দরিদ্র ব্যক্তিগণের উপর তাঁহার সহানুভূতি যে বাস্তবিক আন্তরিক ছিল, ১৮৬১ খ্রীষ্টাব্দে তাহার পরিচয় পাওয়া যায় । ঐ সময় তিনি তাঁহার জমিদারীর অন্তর্গত সমুদয় দাসগণকে মুক্তিপ্রদান করেন এবং কৃষকদিগের জন্ত বিদ্যালয় স্থাপন করিয়া স্বয়ং তাহাদিগকে অঙ্কন ও সঙ্গীতবিদ্যা এবং বাইবেলের ইতিহাস শিক্ষা দিতে থাকেন । ‘অনিষ্টকারীর প্রতি অত্যাচারণ না করিয়া তাহার প্রতি সন্তোষবোধ কর,’ যাঁদের প্রতি এই মহান উপদেশ তিনি নিজ জীবনে কার্য্যে পরিণত করিয়া ছিলেন এবং তাঁহার গ্রন্থসমূহে এই ভক্তের পুনঃপুনঃ প্রচার করিয়া গিয়াছেন । সমগ্র জগতে যুদ্ধ-বিগ্রহ স্থগিত হইয়া বাহ্যতে সর্বত্র শান্তি প্রতিষ্ঠিত হয়, ইহাই তাঁহার জীবনের এক প্রধান লক্ষ্য ছিল । তাঁহার ইচ্ছা ছিল, তাঁহার সমুদয় সম্পত্তি দরিদ্রগণকে দান করেন, কিন্তু তাঁহার পরিবারবর্গ তাঁহার ঐ সঙ্কল্প কার্য্যে পরিণত করিতে দেয় নাই । ১৮৯২ খ্রীষ্টাব্দে তিনি তাঁহার সমুদয় সম্পত্তি তাঁহার পুত্রকলহের হস্তে অর্পণ করিয়া স্বয়ং কৃষকের পরিচ্ছদে অতি সামান্য ভাবে জীবনযাপন করিতে থাকেন । শেষ অবস্থায় তিনি সম্পূর্ণরূপে সংসারের সহিত সকল সম্বন্ধ ত্যাগ করিয়া সন্ন্যাসীর ভাবে বহির্গত হন । তাঁহার ইচ্ছা ছিল—জীবনের শেষভাগে নির্জনে যথার্থ খ্রীষ্টানের স্থায় যাপন করিবেন । গৃহ হইতে বহুদূরবর্তী একটা মঠে কয়েককাল যাপনের পর তিনি আরো অধিক নির্জনে স্থানে বাসের জন্ত যাত্রা করেন । কিন্তু পশ্চিমধ্যে পথের দারুণ ক্লেশে কোন অপরিচিত রেলগুয়ে স্টেশনে প্রবল জ্বর ও কফরোগে আক্রান্ত হন । পরিশেষে এই রোগেই তাঁহার দেহত্যাগ হয় । আধুনিক বিলাসিতাপূর্ণ যুগে তিনি যে

## কথোপকথন ।

আমার নিজের সন্দেহ আছে—কিন্তু সমগ্র জাতির ঐ নিয়মে বা আদর্শে চলা কিরূপে সম্ভবে ?”

“জাতির পক্ষেও ঐ মত অতি উত্তমরূপে কার্যকরী হইবে । দেখা যায়, ভারতের কর্মফল, ভারতের অদৃষ্ট অপর জাতিসমূহ কর্তৃক বিজিত হওয়া, কিন্তু আবার সময়ে ঐ সকল বিজিতাদিগকে ধর্মবলে জয় করা । ভারত তাঁহার মুসলমান বিজিতগণকে ইতি-মধ্যেই জয় করিয়াছেন । শিক্ষিত মুসলমানগণ সকলেই সূফি \* —তাহাদিগকে হিন্দু হইতে পৃথক্ করিবার উপায় নাই । হিন্দু ভাব তাহাদের সভ্যতার হাড়ে হাড়ে বিঁধিয়া গিয়াছে—তাহারা ভারতের নিকট শিক্ষার্থীর ভাব ধারণ করিয়াছে । মোগল সম্রাট মহাত্মা আকবর কার্য্যতঃ একজন হিন্দু ছিলেন । আবার ইংলণ্ডের পালা আসিলে তাহাকেও ভারত জয় করিবে । আজ ইংলণ্ডের হস্তে তরবারী রহিয়াছে, কিন্তু ভাব-জগতে উহার উপযোগিতা ত নাইই, বরং উহাতে অপকারই হইয়া থাকে । আপনি জানেন,

একজন ঋষিকল্প ব্যক্তি ছিলেন, তাহাতে কোন সন্দেহ নাই । যথার্থ অহিংসা-ধর্মের মর্ম তিনিই উপলব্ধি করিয়াছিলেন ।

\* ৮২০ খ্রীষ্টাব্দে আবু সৈয়দ আবুলচের প্রতিষ্ঠিত মুসলমান সম্প্রদায়বিশেষ । এই সম্প্রদায়ের মতের সহিত মহম্মদের শিক্ষা অপেক্ষা বেদান্তের অদ্বৈতবাদেরই অধিক মিল আছে । ইঁহারা, জীব প্রেমযোগে পরিণামে ভগবানে লয় হয় বলিয়া থাকেন ও তদুপযোগী সাধনাদি করিয়া থাকেন । ইঁহাদের অনেকে আবার সম্পূর্ণ অদ্বৈতবাদী । ত্যাগ বৈরাগ্য ইঁহাদের এক প্রধান সাধন । অনেক পণ্ডিতের মতে ভারতীয় বেদান্তের প্রভাবেই এই মতের উৎপত্তি । মুসলমান-গণের ভারতবিজয়ের পর ভারতবাসীর সাক্ষাৎ সংস্পর্শে আসিয়া ঐ মতের যে বিশেষ পুষ্টিসাধন হইয়াছিল, তদ্বশেই সন্দেহ নাই ।

## ভারতের জীবনব্রত ।

শোপেনহাউয়ার\* ভারতীয় ভাব ও চিন্তা সম্বন্ধে কি বলিয়াছিলেন । তিনি ভবিষ্যদ্বাণী করিয়াছিলেন যে, “তমোয়ুগের” † পর গ্রীক ও ল্যাটিন বিদ্যার অভ্যুদয়ে যেমন ইউরোপখণ্ডে গুরুতর পরিবর্তন হইয়াছিল, ভারতীয় ভাব ইউরোপে সুপরিচিত হইলে তদ্রূপ গুরুতর পরিবর্তন সাধন করিবে ।”

“আমায় ক্ষমা করিবেন—কিন্তু সম্প্রতি ত ইহার বিশেষ কিছু চিহ্ন দেখা যাইতেছে না ।”

স্বামীজি গম্ভীর ভাবে বলিলেন,—

“না দেখা যাইতে পারে । কিন্তু একথাও বেশ বলা যায় যে, ইউরোপের সেই প্রাচীনকালের “জাগরণের” ‡ সময়েও অনেকে কোন চিহ্ন পূর্বে দেখে নাই, এবং উহার আবির্ভাব হইবার পরও যে উহা আসিয়াছে, তাহা বুঝিতে পারে নাই । যাহারা সময়ের লক্ষণ বিশেষভাবে অবগত, তাহারা কিন্তু বেশ বুঝিতে পারিতেছেন

---

\* শোপেনহাউয়ার ( Schopenhaur ) জনৈক বিখ্যাত জার্মান দার্শনিকের নাম । ইনি সুপরিচিত দার্শনিক কাণ্টের মতানুবর্তী হইয়া তাঁহার মতেরই সবিশেষ বিকাশ করেন বটে, কিন্তু ইহার দর্শনে বেদান্তের প্রভাব বিশেষরূপে প্রবেশ করিয়াছে । ইনি উপনিষদের পারস্র অনুবাদে ল্যাটিন অনুবাদ পাঠ করিয়া তৎপ্রতি বিশেষ ভাবে আকৃষ্ট হন এবং তিনি যে উহার নিকট বিশেষ ভাবে ঋণী তাহা বার বার নিজ গ্রন্থে স্বীকার করিয়া গিয়াছেন । ইহার মতে সমগ্র জগৎ এক ইচ্ছাশক্তির বিকাশমাত্র এবং ব্রহ্মচর্য্য সংযমাদি সহায়ে বাসনার বিনাশ করিয়া সেই অপার ইচ্ছা-সাগরে নিজ ক্ষুদ্র ইচ্ছা বিসর্জন করাই মানব-জীবনের চরম লক্ষ্য ।

† Dark Ages :—পঞ্চম হইতে পঞ্চদশ শতাব্দী পর্য্যন্ত যে সময় ইউরোপ অজ্ঞানান্ধকারে আচ্ছন্ন ছিল ।

‡ Renaissance :—পঞ্চদশ শতাব্দীর পর হইতে যখন ইউরোপে সাহিত্য-শিল্পাদি চর্চার পুনরুদ্যম হয় তৎকালই ইতিহাসে এই নামে প্রসিদ্ধ ।

## কথোপকথন ।

যে, একটী মহান্ আন্দোলন আজকাল ভিতরে ভিতরে চলিয়াছে । সম্প্রতি কয়েক বর্ষ ধরিয়া প্রাচ্যতত্ত্বানুসন্ধান অনেক দূর অগ্রসর হইয়াছে । বর্ত্তমানে ইহা পণ্ডিতদের হস্তে রহিয়াছে এবং তাঁহারা যতদূর কার্য্য করিয়াছেন, তাহা লোকের নিকট শুদ্ধ নীরস বলিয়া বোধ হইতেছে । কিন্তু ক্রমে উহা লোকে বুঝিবে—ক্রমে জ্ঞানালোকের প্রকাশ হইবে ।”

“আপনার মতে তবে ভারতই ভবিষ্যতে শ্রেষ্ঠ বিজ্ঞেতার আসন পাইবে ! তথাপি ভারত তাহার ভাবরাজি প্রচারের জন্ত ভারতেতর দেশে অধিক ধর্ম্মপ্রচারক প্রেরণ করে না কেন ? বোধ করি যত দিন না সমগ্র জগৎ আসিয়া তাহার পদতলে পড়িতেছে, ততদিন সে অপেক্ষা করিতেছে !”

“ভারত প্রাচীন যুগে ধর্ম্মপ্রচারকার্য্যে একটি প্রবল শক্তি হইয়া দাঁড়াইয়াছিল । ইংলণ্ড খ্রীষ্টধর্ম্ম গ্রহণ করিবার শত শত বর্ষ পূর্বে বুদ্ধ সমগ্র এশিয়াকে তাঁহার মতাবলম্বী করিবার জন্ত ধর্ম্মপ্রচারক পাঠাইয়াছিলেন । বর্ত্তমানকালে চিন্তাজগৎ ধীরে ধীরে ভারতের ভাব গ্রহণ করিতেছে । এক্ষণে সবে ইহার আরম্ভ হইয়াছে মাত্র । বিশেষ কোন প্রকার ধর্ম্ম অবলম্বনে অনিচ্ছুক ব্যক্তিগণের সংখ্যা খুব বাড়িতেছে, আর শিক্ষিত ব্যক্তিগণের ভিতরেই এই ভাব বিস্তৃত হইতে চলিয়াছে । সম্প্রতি আমেরিকাতে যে আদমশুমারি হইয়াছিল, তাহাতে অনেক লোক আপনাদিগকে কোনরূপ বিশেষ ধর্ম্মাবলম্বী বলিয়া শ্রেণীবদ্ধ করিতে অস্বীকৃত হইয়াছিল । আমি বলি, সকল ধর্ম্মসম্প্রদায়ই এক মূল সত্যের বিভিন্ন বিকাশমাত্র । হয় সকলগুলিরই উন্নতি হইবে, নয় সবগুলিই বিনষ্ট হইবে ।

## ভারতের জীবনব্রত ।

উহারা ঐ এক মূল সত্যরূপ কেন্দ্র হইতে ব্যাসান্বিতসকলের ত্রায় বাহির হইয়াছে, এবং বিভিন্নপ্রকৃতিবিশিষ্ট-মানব-মনের উপযোগী সত্যের প্রকাশস্বরূপ হইয়া রহিয়াছে ।”

“এখন আমরা অনেকটা মূলপ্রসঙ্গের কাছে আসিতেছি—সেই কেন্দ্রীভূত সত্যটি কি ?”

“মানুষের অভ্যন্তরীণ ব্রহ্মশক্তি । প্রত্যেক ব্যক্তিই—সে যতই মন্দপ্রকৃতি হউক না কেন, ভগবানের প্রকাশস্বরূপ । এই ব্রহ্মশক্তি আবৃত থাকে, মানুষের দৃষ্টি হইতে লুক্কায়িত থাকে । ঐ কথায় আমার ভারতীয় সিপাহীবিক্রোহের একটা ঘটনা মনে পড়িতেছে । ঐ সময়ে জনৈক মুসলমান বছর্বর্ষ ধরিয়া মোনব্রতধারী জনৈক সন্ন্যাসীকে নিদারুণ আঘাত করে । মৃত্যুর অব্যবহিত পূর্বে লোকে ঐ আঘাতকারীকে ধরিয়া তাঁহার কাছে লইয়া গিয়া বলিল, ‘স্বামিন্, আপনি একবার বলুন, তাহা হইলে এ ব্যক্তি নিহত হইবে ।’ সন্ন্যাসী অনেক দিনের মোতব্রত ভঙ্গ করিয়া তাঁহার শেষ নিঃশ্বাসের সহিত বলিলেন, ‘বৎসগণ, তোমরা বড়ই ভুল করিতেছ—ঐ ব্যক্তি যে সাক্ষাৎ ভগবান্ !’ সকলের পশ্চাতে ঐ একত্ব রহিয়াছে—উহাই আমাদের জীবনে শিক্ষা করিবার প্রধান বিষয় । তাঁহাকে গড্, আল্লা, জিহোবা, প্রেম বা আত্মা বাহাই বলুন না কেন, সেই এক বস্তুই অতি ক্ষুদ্রতম প্রাণী হইতে মহত্তম মানব পর্য্যন্ত সমুদয় প্রাণীতেই প্রাণস্বরূপে বিরাজমান । এই চিত্রটী মনে মনে ভাবুন দেখি, যেন বরফে ঢাকা সমুদ্রের মধ্যে অনেকগুলি বিভিন্ন আকারের গর্ত করা রহিয়াছে—ঐ প্রত্যেক গর্তটীই এক একটা আত্মা—এক একটা মানুষসদৃশ—নিজ নিজ বুদ্ধিশক্তির তারতম্যানু-



## কথোপকথন ।

সারে বন্ধন কাটাইয়া—ঐ বরফ ভাঙ্গিয়া বাহির হইবার চেষ্টা করিতেছে !”

“আমার বোধ হয়, প্রাচ্য ও পাশ্চাত্য উভয় জাতির লক্ষ্যের মধ্যে একটি বিশেষ প্রভেদ আছে। আপনারা সন্ন্যাস, একাগ্রতা প্রভৃতি উপায়ে খুব উন্নত ব্যক্তি গঠনের চেষ্টা করিতেছেন। আর, পাশ্চাত্য জাতির আদর্শ—সামাজিক অবস্থার সম্পূর্ণতা সাধন করা। সেইজন্য আমরা সামাজিক ও রাজনৈতিক সমস্তা সমূহের মীমাংসাতেই বিশেষ ভাবে নিযুক্ত; কারণ, সর্বসাধারণের কল্যাণের উপর আমাদের সভ্যতার স্থায়িত্ব নির্ভর করিতেছে—আমরা এইরূপ বিবেচনা করি।”

স্বামীজি খুব দৃঢ়তা ও আগ্রহের সহিত বলিলেন, —“কিন্তু সামাজিক বা রাজনৈতিক সর্ববিধ বিষয়ের সফলতার মূল ভিত্তি—মানুষের সাধুতা। পার্লামেন্ট কর্তৃক বিধিবদ্ধ কোন আইনে কখন জাতিবিশেষ উন্নত বা ভাল হয় না, কিন্তু সেই জাতির অন্তর্গত লোকগুলি উন্নত ও ভাল হইলেই জাতিও ভাল হইয়া থাকে। আমি চীনদেশে গিয়াছিলাম—এক সময়ে ঐ জাতিই সর্বাপেক্ষা চমৎকার স্মৃশ্জালবদ্ধ ছিল। কিন্তু আজ সেই চীন ছোড়ভঙ্গ কতক-গুলি সামান্য লোকের সমষ্টির মত হইয়া দাঁড়াইয়াছে। ইহার কারণ, প্রাচীনকালে উদ্ভাবিত ঐ সকল শাসনপ্রণালী পরিচালনা করিবার উপযুক্ত লোকসকল বর্তমানে ঐ জাতিতে আর জন্মিল না। ধর্ম সকল বিষয়ের মূলদেশ পর্যন্ত গিয়া উহাদের তত্ত্বাধেয়ণ করিয়া থাকে। মূলটী যদি ঠিক থাকে, তবে অঙ্গ প্রত্যঙ্গ সকলই ঠিক থাকে।”

“ভগবান্ সকলের ভিতর রহিয়াছেন, কিন্তু তিনি আবৃত

## ভারতের জীবনব্রত ।

রহিয়াছেন,—এ কথাটা যেন কি রকম অস্পষ্ট ও ব্যবহারিক জগৎ হইতে অনেক দূরবর্তী বলিয়া বোধ হয়। লোকে ত আর সন্দা সর্বদা ঐ ব্রহ্মপ্রকাশের দিকে দৃষ্টি করিয়া থাকিতে পারে না।”

“লোকে অনেক সময় পরস্পর একই উদ্দেশ্যে কার্য্য করিয়া থাকে, কিন্তু তাহা বুঝিতে পারে না। এটা স্বীকার করিতেই হইবে যে, আইন, গভর্নমেন্ট, রাজনীতি—এগুলি মানব-জীবনের চরম উদ্দেশ্য নহে। ঐ সকল ছাড়াইয়া গিয়া উহাদের চরম লক্ষ্যস্থল এমন একটা আছে—যেখানে আইনের আর কোন প্রয়োজনীয়তা থাকে না। এখানে বলিয়া রাখি, সন্ন্যাসী শব্দটিরই অর্থ—বিধিত্যাগী ব্রহ্মত্বায়েষী—কিন্তু সন্ন্যাসী বলিতে নেতিবাদী (নিহিলিষ্ট) ব্রহ্মজ্ঞানীও বলিতে পারা যায়। তবে এইরূপ শব্দ ব্যবহার করিলেই সঙ্গে সঙ্গে একটা ভুল ধারণা আসিয়া থাকে। শ্রেষ্ঠ আচার্য্যগণ একই জিনিষ শিক্ষা দিয়া থাকেন। বীণাখীষ্ট বুঝিয়াছিলেন, নিয়ম-প্রতিপালনই উন্নতির মূল নহে, যথার্থ পবিত্রতা ও চারিত্র্যসম্পন্ন হওয়াই একমাত্র বীৰ্য্যের নিদান। আপনি যে বলিতেছিলেন, প্রাচ্যদেশে আত্মার উচ্চতর উন্নতিলাভের দিকে এবং পাশ্চাত্যদেশে সামাজিক অবস্থার উন্নতিলাভের দিকে লক্ষ্য—অবগু আপনি একথা বিস্মৃত হন নাই বোধ হয় যে, আত্মা দুই প্রকার—কূটস্থ চৈতন্য—যিনি আত্মার যথার্থ স্বরূপ; আর, আভাস চৈতন্য—আপাততঃ বাহ্যকে আমাদের আত্মা বলিয়া বোধ হইতেছে।”

“বোধ হয়, আপনার ভাব এই যে, আমরা আভাসের উদ্দেশ্যে কার্য্য করিতেছি, আর আপনারা প্রকৃত চৈতন্যের উদ্দেশ্যে কার্য্য করিতেছেন?”

“মন নিজ পূর্ণতর বিকাশের জন্ত নানা সোপানের মধ্য দিয়া অগ্রসর হয় । প্রথমে উহা স্থূলকে অবলম্বন করিয়া ক্রমশঃ সূক্ষ্মের দিকে বাইতে থাকে । আরও দেখুন, সার্কজনীন ভ্রাতৃত্বাবের ধারণা মানুষে কিরূপে লাভ করিয়া থাকে । প্রথমতঃ, উহা সাম্প্রদায়িক ভ্রাতৃত্বাবের আকারে আবির্ভূত হয়—তখন উহাতে সঙ্কীর্ণ সীমাবদ্ধ, অপরকে-বাদ-দেওয়া ভাব থাকে । পরে ক্রমে ক্রমে আমরা উদারতর ভাবে, স্বপ্নতর ভাবে পৌঁছিয়া থাকি ।”

“তাহা হইলে আপনি কি মনে করেন, এই সব সম্প্রদায়, যাহা আমরা—ইংরাজেরা—এত ভালবাসি, সব লোপ পাইবে ? আপনি জ্ঞানেন বোধ হয়, জনৈক ফরাসী বলিয়াছিলেন,—‘ইংলণ্ড—এদেশে সম্প্রদায় সহস্র সহস্র, কিন্তু সার জিনিষ খুব অল্প’ ।”

“ঐ সব সম্প্রদায় যে লোপ পাইবে, তৎসম্বন্ধে আমার কোন সংশয় নাই । উহাদের অস্তিত্ব অসার বা গোণ কতকগুলি বিষয়ের উপরে প্রতিষ্ঠিত । অবশ্য উহাদের মুখ্য বা সার ভাবটী থাকিয়া যাইবে এবং উহার সাহায্যে অপর নূতন গৃহ নির্মিত হইবে । আপনার অবশ্য সেই প্রাচীন উক্তি জ্ঞান আছে যে, একটা চর্চ বা সম্প্রদায় বিশেষের ভিতর জন্মান ভাল, কিন্তু আমরণ উহার গণ্ডীর ভিতরে বদ্ধ থাকা ভাল নয় ।”

“ইংলণ্ডে আপনার কার্যের কিরূপ বিস্তার হইতেছে, অনুগ্রহ-পূর্বক বলিবেন কি ?”

“ধীরে ধীরে হইতেছে, ইহার কারণ আমি পূর্বেই বলিয়াছি । যেখানে মূল ধরিয়া কার্য, সেখানে প্রকৃত উন্নতি বা বিস্তার অবশ্যই ধীরে ধীরে হইয়া থাকে । অবশ্য ইহা বলাই বাহুল্য যে, যে কোন

## ভারতের জীবনব্রত ।

উপায়েই হউক, এই সব ভাব বিস্তৃত হইবেই হইবে এবং আমাদের অনেকের নিকট ঐ সকল প্রচারের যথার্থ সময় উপস্থিত হইয়াছে বলিয়া বোধ হইতেছে ।”

তারপর স্বামীজির মুখ হইতে কি ভাবে তাঁহার কার্য চলিতেছে, তাহার বিস্তারিত বিবরণ শুনিলাম । অনেক প্রাচীন মতের ত্রায় এই নূতন মত বিনামূল্যেই শিক্ষা দেওয়া হইয়া থাকে । ষাঁহার এই মতাবলম্বী হন, তাঁহাদের স্বেচ্ছাকৃত সাহায্য ও চেষ্টার উপরই ইহা সম্পূর্ণ নির্ভর করিয়া থাকে ।

প্রাচ্যদেশীয়-বসন-পরিহিত স্বামীজির আকৃতি মনোহর । তাঁহার সরল ও সহৃদয় ব্যবহার দেখিয়া সন্ন্যাস সম্বন্ধে লোকের সাধারণতঃ যে ধারণা, সে সব ভাব কিছুই আসে না । তিনি স্বভাবতঃই প্রিয়দর্শন । উহার সহিত তাঁহার ঐক্যপ উদার ভাব, ইংরাজী ভাষায় অসাধারণ অধিকার এবং কথোপকথনের অগাধ শক্তি— তাঁহাকে লোকের নিকট অধিকতর প্রিয় করিয়া তুলিয়াছে । তাঁহার সন্ন্যাসব্রত অর্থে নাম যশ বিষয় সম্পদ পদমর্যাদাদি সম্পূর্ণ বিসর্জন করিয়া আধ্যাত্মিক জ্ঞানলাভের জগ্ৰু অবিরাম চেষ্টা



৪-৭৪

Acc 22826

29/08/2006

## ভারত ও ইংলণ্ড ।

( ইণ্ডিয়া, লণ্ডন, ১৮৯৬ )

লণ্ডনের ইহা মুরহুমের সময় ।\* স্বামী বিবেকানন্দ, তদীয় মত ও দর্শনে আকৃষ্ট অনেক ব্যক্তির সমক্ষে বক্তৃতা করিতেছেন ও তাহাদিগকে শিক্ষা দিতেছেন ! অনেক ইংরাজ মনে করেন, ফ্রান্স ঐ বিষয়ে অল্প স্বল্প যাহা কিছু করে, তাহা ছাড়া ধর্মপ্রচার কার্যটা বুঝি ইংলণ্ডেরই একচেটিয়া । আমি ঐ কারণে স্বামীজির সহিত তাঁহার সাময়িক বাসস্থান দক্ষিণ বেলগ্রেভিয়াতে সাক্ষাৎ করিতে গেলাম । ভারতকে ত হোমচার্জ†, একজন ব্যক্তির হস্তে বিচার ও শাসন-বিভাগের ক্ষমতা থাকা, সুদান ও অ্যাংগলিকান যুদ্ধযাত্রার খরচের মীমাংসা প্রভৃতির জন্তই ইংলণ্ডের নিকট অনেক নালিশফরিয়াদ করিতে হয়—ভারতের আবার ইংলণ্ডকে বলিবার আর কি আছে, জানিবার জন্ত আমার আগ্রহ হইল ।

স্বামীজি স্থিরভাবে বলিলেন,—

“ভারত যে এখানে ধর্মপ্রচারক পাঠাইবেন, ইহা কিছু নূতন ব্যাপার নহে । যখন বৌদ্ধধর্ম নবীন তেজে অভ্যাদিত হইতেছিল,

\* London Season—পাশ্চাত্য দেশের বড় বড় সহরে ভদ্ৰলোক ও ভ্ৰমহিলাগণ গ্রীষ্মকালে সহরের বাহিরে বেড়াইতে চলিয়া যান । যে সময়ে সকলেই থাকেন, সেই সময়কেই তথাকার Season বলে । মে, জুন ও জুলাই মাস লণ্ডনের মুরহুমের সময় ।

† Home charge: ভারতের রাজস্ব হইতে প্রতি বৎসর ইংলণ্ডে যেটাকা পাঠান হয় ।

## ভারত ও ইংলণ্ড ।

—যখন ভারতের চতুস্পার্শ্ব জাতিগুলিকে তাহার কিছু শিখাইবার ছিল—তখন সম্রাট অশোক চারিদিকে ধর্মপ্রচারক পাঠাইতেন ।”

“আচ্ছা এ কথা কি জিজ্ঞাসা করা যাইতে পারে, কেন ভারত ঐরূপে ধর্মপ্রচারক প্রেরণ বন্ধ করিয়াছিলেন, আবার কেনই বা এখন আরম্ভ করিলেন ?”

“বন্ধ করিবার কারণ, ভারত ক্রমশঃ স্বার্থপর হইয়া দাঁড়াইয়া এই তত্ত্ব ভুলিয়া গিয়াছিল যে, ব্যক্তি কিম্বা জাতি উভয়েই আদান-প্রদান প্রণালীক্রমেই জীবিত থাকে ও উন্নতি লাভ করে। ভারত চিরদিন জগতে একই বার্তা বহন করিয়াছে। ভারতের বার্তা আধ্যাত্মিক—অনন্ত যুগ ধরিয়া অভ্যন্তরীণ ভাবরাজ্যেই তাহার একচেটিয়া অধিকার—স্বপ্ন বিজ্ঞান, দর্শন, ন্যায়—ইহাই ভারতের বিশেষ অধিকার। প্রকৃত পক্ষে আমার ইংলণ্ডে প্রচারকার্যে আগমন—ইংলণ্ডের ভারত গমনেরই ফলস্বরূপ। ইংলণ্ড ভারতকে জয় করিয়া শাসন করিতেছে—তাহার পদার্থবিজ্ঞান-জ্ঞান নিজের এবং আমাদের কাছে লাগাইতেছে। ভারত জগৎকে কি দিয়াছে ও দিতে পারে, মোটামুটি বলিতে গিয়া আমার একটা সংস্কৃত ও একটা ইংরাজী বাক্য মনে পড়িতেছে। কোন মানুষ মরিয়া গেলে আপনারা বলেন, ‘সে আত্মা পরিত্যাগ করিল’ (He gave up the ghost), আর আমরা বলি, ‘সে দেহত্যাগ করিল’। এইরূপ আপনারা বলিয়া থাকেন, মানুষের আত্মা আছে, তাহাতে আপনারা যেন অনেকটা ইহাই লক্ষ্য করিয়া থাকেন যে, শরীরটাই মানুষের প্রধান জিনিষ। কিন্তু আমরা বলি, মানুষ আত্মাস্বরূপ—তাহার একটা দেহ আছে। এগুলি অবশ্য জাতীয় চিন্তাতরঙ্গের উপরি-

ভাগস্থ ক্ষুদ্র বুদ্ধমাত্র, কিন্তু ইহাতেই আপনাদের জাতীয় চিন্তা-  
তরঙ্গের গতি প্রকাশ করিয়া দিতেছে। আমার ইচ্ছা হইতেছে,  
আপনাকে শোপেনহাউয়ারের ভবিষ্যদ্বাণীটী স্মরণ করাইয়া দিই  
যে, তমোযুগের অবসানে গ্রীক ও ল্যাটিন বিচার অভ্যাসে  
ইউরোপে যেরূপ গুরুতর পরিবর্তন উপস্থিত হইয়াছিল, ভারতীয়  
দর্শন ইউরোপে সুপরিচিত হইলে তদ্রূপ একটা গুরুতর পরিবর্তন  
আসিবে। প্রাচ্যতত্ত্ব-গবেষণা খুব প্রবল বেগে অগ্রসর হইতেছে।  
সত্যাবিগণের সমক্ষে নূতন ভাবশ্রোতের দ্বার উন্মুক্ত হইতেছে।”

“তবে কি আপনি বলিতে চান, ভারতই অবশেষে তাহার  
বিজেতবর্গকে জয় করিবে?”

হাঁ, ভাবরাজ্যে ! এখন ইংলণ্ডের হস্তে তরবারি—তিনি এখন  
জড়জগতের প্রভু। যেমন, ইংলণ্ডের পূর্বে আমাদের মুসলমান  
বিজেতারা ছিলেন। সম্রাট আকবর কিন্তু প্রকৃতপক্ষে একজন  
হিন্দুই হইয়া গিয়াছিলেন। শিক্ষিত মুসলমানদিগের সহিত—  
সুফিদের সহিত—হিন্দুদের সহজে প্রভেদ করা যায় না। তাহারা  
গোমাংস ভোজন করে না এবং অগ্ন্যাগ্ন নানা বিষয়ে আমাদের  
আচার-ব্যবহারের অনুসরণ করিয়া থাকে। তাহাদের চিন্তাপ্রণালী  
আমাদের দ্বারা বিশেষভাবে অনুরঞ্জিত হইয়াছে।”

“তাহা হইলে আপনার মতে দোৰ্দ্দিগুপ্রতাপ সাহেবের অদৃষ্টেও  
ভবিষ্যতে ঐরূপ হইবে? বর্তমান মুহূর্ত্তে কিন্তু তাহাকে ইহা  
হইতে অনেক দূরবর্তী বলিয়াই বোধ হয়।”

“না, আপনি যতদূর ভাবিতেছেন, ততদূর নয়। ধর্মবিষয়ে  
হিন্দু ও ইংরাজের ভাব অনেক বিষয়ে সদৃশ। আর অগ্ন্যাগ্ন ধর্ম-

## ভারত ও ইংলণ্ড ।

সম্প্রদায়ের সহিতও যে হিন্দুর ঐক্য আছে, তাহার যথেষ্ট প্রমাণ বিদ্যমান । যদি কোন ইংরাজ শাসনকর্তা বা সিভিল সার্ভ্যান্টের ভারতীয় সাহিত্য, বিশেষতঃ ভারতীয় দর্শন সম্বন্ধে বিন্দুমাত্রও জ্ঞান থাকে, তবে দেখা যায়, উহাই তাঁহার হিন্দুর সহিত সহানুভূতির কারণ হয় । ঐ সহানুভূতির ভাব দিন দিনই বাড়িতেছে । কতকগুলি লোক যে এখনও ভারতীয় ভাবকে অতি সঙ্কীর্ণ—এমন কি, কখন কখন অবজ্ঞাপূর্ণ—দৃষ্টিতে দেখিয়া থাকেন, কেবল অজ্ঞানই যে উহার কারণ, ইহা বলিলে কিছুমাত্র অত্যাঘ বলা হইবে না ।”

“হাঁ, ইহা অজ্ঞতার পরিচায়ক বটে । আপনি ইংলণ্ডে না আসিয়া যে আমেরিকায় ধর্ম প্রচার কার্যে গেলেন, ইহার কারণ কি বলিবেন ?”

“সেটী কেবল দৈবঘটনা মাত্র—জাগতিক মহামেলার সময়—জাগতিক ধর্মমহাসভা লণ্ডনে না বসিয়া চিকাগোয় বসিয়াছিল বলিয়াই আমাকে তথায় যাইতে হইয়াছিল । কিন্তু বাস্তবিক লণ্ডনেই উহার অধিবেশন হওয়া উচিত ছিল । মহীশূরের রাজা এবং আর কতকগুলি বন্ধু আমাকে তথায় হিন্দুধর্মের প্রতিনিধিরূপে পাঠাইয়াছিলেন । আমি তথায় তিন বৎসর ছিলাম—কেবল গতবর্ষের গ্রীষ্মকালে আমি লণ্ডনে বক্তৃতা দিবার জন্ত আসিয়াছিলাম এবং এই গ্রীষ্মে আসিয়াছি । মার্কিনেরা খুব একটা বড় জাত—উহাদের ভবিষ্যৎ খুব উজ্জ্বল । আমি তাহাদের প্রতি বিশেষ শ্রদ্ধাসম্পন্ন—তাহাদের মধ্যে আমি অনেক সহৃদয় বন্ধু পাইয়াছিলাম । ইংরাজদের অপেক্ষা তাহাদের কুসংস্কার অল্প—তাহারা সকল নূতন ভাবকেই গুজন করিয়া দেখিতে বা পরীক্ষা



কথোপকথন ।

করিতে প্রস্তুত—নূতনত্ব সত্ত্বেও উহার আদর করিতে প্রস্তুত । তাহারা বিশেষ আতিথেয়ও বটে । লোকের বিশ্বাস-পাত্র হইতে সেখানে অপেক্ষাকৃত অল্প সময় লাগে । আমার মত আপনিও আমেরিকার সহরে সহরে ঘুরিয়া বক্তৃতা করিতে পারেন—সর্বত্রই বন্ধু-বান্ধব জুটবে । আমি বোষ্টন, নিউইয়র্ক, ফিলাডেলফিয়া, বাণ্টিমোর, ওয়াশিংটন, ডেসমোনিস, মেমফিস এবং অন্যান্য অনেক স্থানে গিয়াছিলাম ।”

“আর প্রত্যেক জায়গায় শিষ্য করিয়া আসিয়াছেন ?”

“হাঁ, শিষ্য করিয়া আসিয়াছি—কিন্তু কোন সমাজ গঠন করি নাই । উহা আমার কার্যের অন্তর্গত নহে । সমাজ বা সমিতি ত যথেষ্টই আছে । তন্নিম্ন সম্প্রদায় করিলে উহার পরিচালনার জন্ত আবার লোকের দরকার—সম্প্রদায় গঠিত হইলেই টাকার প্রয়োজন, ক্ষমতার প্রয়োজন, মুকব্বির প্রয়োজন । অনেক সময় সম্প্রদায়সমূহ প্রভুত্বের জন্ত চেষ্টা করিয়া থাকে, কখন কখন অপরের সহিত লড়াই পর্যাস্ত করিয়া থাকে ।”

“তবে কি আপনার ধর্মপ্রচারকার্যের ভাব সংক্ষেপে এইরূপ বলা যাইতে পারে যে, আপনি বিভিন্ন ধর্মের তুলনায় আলোচনা করিয়া তাহারই প্রচার করিতে চাহেন ?”

“আমি প্রচার করিতে চাই—ধর্মের দার্শনিক তত্ত্ব—ধর্মের বাহ্য অন্তর্ধানগুলির সার বাহা, তাহাই আমি প্রচার করিতে চাই । সকল ধর্মেরই একটা মুখ্য ও একটা গৌণ ভাগ আছে । ঐ গৌণ-ভাগগুলি ছাড়িয়া দিলে বাহা থাকে, তাহাই সকল ধর্মের প্রকৃত ভিত্তিস্বরূপ, উহাই সকল ধর্মের সাধারণ সম্পত্তি । সকল ধর্মের

## ভারত ও ইংলণ্ড ।

অন্তরালে ঐ একত্ব রহিয়াছে—আমরা উহাকে গড, আল্লা, জিহোভা, আত্মা, প্রেম,—বাহা ইচ্ছা নাম দিতে পারি। সেই এক বস্তুই সকল প্রাণীর প্রাণরূপে বিরাজিত—প্রাণিজগতের অতি নিকৃষ্টতম বিকাশ হইতে সর্বোচ্চ বিকাশ মানব পর্য্যন্ত সর্বত্র। আমরা ঐ একত্বের উপরেই সকলের বিশেষভাবে দৃষ্টি আকর্ষণ করিতে চাই, কিন্তু পাশ্চাত্যে—শুধু পাশ্চাত্যে কেন, সর্বত্রই লোকে গোণবিষয়-গুলির দিকেই বিশেষভাবে দৃষ্টি করিয়া থাকে। লোকে ধর্ম্মের বাহ্য অনুষ্ঠানগুলি লইয়া, অপরকে ঠিক নিজের মত কায করাইবার জন্তই পরস্পরের সহিত বিবাদ এবং পরস্পরকে হত্যা পর্য্যন্ত করে। ভগবদ্ভক্তি ও মানব-প্রীতিই যখন জীবনের সার বস্তু, তখন এই সকল বিবাদবিসম্বাদকে কঠিনতর ভাবায় নির্দেশ না করিলেও আশ্চর্য্য ব্যাপার বলিতে হয়।”

“আমার বোধ হয়, হিন্দু কখন অস্ত্র ধর্ম্মাবলম্বীর উপর উৎপীড়ন করিতে পারে না।”

“এ পর্য্যন্ত ত কখন করে নাই। জগতে যত জাতি আছে, তন্মধ্যে হিন্দুই সর্বাপেক্ষা অধিক পরধর্ম্মসহিষ্ণু। হিন্দু গভীরধর্ম্মভাবাপন্ন বলিয়া লোকে মনে করিতে পারে যে, যে ব্যক্তি ঈশ্বরে অবিশ্বাসী, তাহার উপর সে অত্যাচার করিবে।” কিন্তু দেখুন, জৈনেরা ত ঈশ্বর-বিশ্বাস সম্পূর্ণ ভ্রমাত্মক বলিয়া মনে করে, কিন্তু এ পর্য্যন্ত কোন হিন্দুই জৈনের উপর অত্যাচার করে নাই। ভারতে মুসলমানেরাই প্রথমে পরধর্ম্মাবলম্বীর বিরুদ্ধে তরবারি গ্রহণ করিয়াছিল।”

“ইংলণ্ডে এই ‘মূল একত্ববাদ’ মত কিরূপ প্রসার লাভ করিতেছে? এখানে ত সহস্র সহস্র সম্প্রদায়।”

কথোপকথন ।

“স্বাধীন চিন্তা ও জ্ঞানের বৃদ্ধির সহিত ধীরে ধীরে ঐগুলি লোপ পাইবে। উহারা গৌণবিষয়াবলম্বনে প্রতিষ্ঠিত—সেজ্ঞ কখন চিরকাল থাকিতে পারে না। ঐ সম্প্রদায়সমূহ তাহাদের উদ্দেশ্য সাধন করিয়াছে। ঐ উদ্দেশ্য—সম্প্রদায়ান্তর্গত ব্যক্তিবর্গের ধারণা-রূষায়ী সন্ধীর্ণ ভ্রাতৃত্ববের প্রতিষ্ঠা। এখন ঐ সকল বিভিন্ন ব্যক্তির সমষ্টির মধ্যে যে ভেদরূপ প্রাচীর ব্যবধান আছে, সেগুলি ভাঙ্গিয়া দিয়া ক্রমে আমরা সার্বজনীন ভ্রাতৃত্বাবে পৌছিতে পারি। ইংলণ্ডে এই কার্য খুব ধীরে ধীরে চলিতেছে—তাহার কারণ সম্ভবতঃ এখনও উপযুক্ত সময় উপস্থিত হয় নাই। কিন্তু তাহা হইলেও ধীরে ধীরে এই ভাব প্রসারিত হইতেছে। ইংলণ্ডে ভারতে ঐ কার্য করিতে নিযুক্ত রহিয়াছে, আমি তৎপ্রতি আপনার দৃষ্টি আকর্ষণ করিতে ইচ্ছা করি। আধুনিক জাতিভেদ ভারতের উন্নতির একটা বিশেষ প্রতিবন্ধক। উহাতে সন্ধীর্ণতা ও ভেদ আনয়ন করে, বিভিন্ন সম্প্রদায়ের ভিতর একটা গাভী কাটিয়া দেয়। চিন্তার উন্নতির সঙ্গে সঙ্গে উহা চূর্ণ বিচূর্ণ হইয়া যাইবে।”

“কিন্তু কতকগুলি ইংরাজ—আর তাঁহারা ভারতের প্রতি কম সহানুভূতিসম্পন্ন নন, কিম্বা উহার ইতিহাস সম্বন্ধে খুব অজ্ঞ নন—জাতিভেদকে মুখ্যতঃ কল্যাণকর বলিয়াই মনে করেন। লোকে সহজেই বেণী রকম সাহেবোভাবাপন্ন হইয়া যাইতে পারে। আপনিই আমাদের অনেকগুলি আদর্শকে জড়বাদাত্মক বলিয়া নিন্দা করেন।”

“সত্য। কোন বুদ্ধিমান ব্যক্তিই ভারতকে ইংলণ্ডে পরিণত করিতে বাসনা করেন না। শরীরের অন্তরালপ্রদেশে যে চিন্তা

## ভারত ও ইংলণ্ড ।

রহিয়াছে, তদ্বারাই এই শরীর গঠিত হইয়াছে । সুতরাং সমগ্র জাতিটী জাতীয় চিন্তার বিকাশমাত্র, আর ভারতে উহা সহস্র সহস্র বর্ষের চিন্তার বিকাশ-স্বরূপ । সুতরাং ভারতকে সাহেবীভাবাপন্ন করা এক অসম্ভব ব্যাপার এবং উহার জ্ঞাত্য চেষ্টা করাও নির্বোধের কার্য্য । ভারতে চিরদিনই সামাজিক উন্নতির উপাদান স্পষ্টভাবে বিদ্যমান ছিল, যখনই শান্তিময় শাসন প্রণালী সংস্থাপিত হইয়াছে, অমনি উহার অস্তিত্বের পরিচয় পাওয়া গিয়াছে । উপনিষদের সময় হইতে বর্তমান কাল পর্য্যন্ত আমাদের সকল বড় বড় আচার্য্যেরাই জাতিভেদের বেড়া ভাঙ্গিবার চেষ্টা করিয়াছেন । অবশ্য মূল জাতিবিভাগকে নহে, তাঁহারা উহার বিকৃত ও অবনত ভাবটাকেই ভাঙ্গিবার চেষ্টা করিয়াছিলেন । প্রাচীন জাতিবিভাগ অতি সুন্দর সামাজিক ব্যবস্থা ছিল—বর্তমান জাতিভেদের মধ্যে যেটুকু ভাল দেখিতে পাইতেছেন, তাহা সেই প্রাচীন জাতিবিভাগ হইতেই আসিয়াছে । বুদ্ধ জাতিবিভাগকে উহার প্রাচীন মৌলিক আকারে পুনঃ প্রতিষ্ঠিত করিবার চেষ্টা করিয়াছিলেন । ভারত বারবার যখনই জাগিয়াছে, তখনই জাতিভেদ ভাঙ্গিবার প্রবল চেষ্টা হইয়াছে । কিন্তু এ কার্য্য চিরকাল আমাদেরকেই করিতে হইবে—আমাদেরকেই প্রাচীন ভারতের পরিণতি ও ক্রমবিকাশ-কল্পে নূতন ভারত গঠন করিতে হইবে ; যে কোন বৈদেশিক ভাব ঐ কার্য্যে সাহায্য করে, তাহা যেখানেই পাওয়া যাক না কেন, লইয়া আপনার করিয়া লইতে হইবে । অপরে কখন আমাদের হইয়া ঐ কার্য্য করিতে পারিবে না । সকল উন্নতিই ব্যক্তি বা জাতি-বিশেষের ভিতর হইতে হওয়া প্রয়োজন । ইংলণ্ড কেবল ভারতকে তাহার

কথোপকথন ।

নিজ উদ্ধার সাধনে সাহায্য করিতে পারে—এই পর্য্যন্ত ! আমার মতে অপরে জোর করিয়া ভারতের গলা টিপিয়া তাহার উন্নতি সাধনের চেষ্টা করিলে তাহাতে কোন ফল হইবে না । ক্রীতদাসের ভাবে কাৰ্য্য করিলে অতি উচ্চতম কাৰ্য্যেরও ফলে অবনতিই ঘটয়া থাকে ।”

“আপনি কি ভারতীয় জাতীয় মহাসমিতি আন্দোলনের ( Indian National Congress Movement ) দিকে কখন মনোযোগ দিয়াছেন ?”

“আমি ওবিষয়ে বেশী মনোযোগ দিয়াছি, বলিতে পারি না । আমার কাৰ্য্যক্ষেত্র অগ্র বিভাগে । কিন্তু আমি ঐ আন্দোলন দ্বারা ভবিষ্যতে বিশেষ শুভফল লাভের সম্ভাবনা আছে মনে করি এবং হৃদয়ের সহিত উহার সিদ্ধি কামনা করি । উহার দ্বারা ভারতের বিভিন্ন ক্ষুদ্র ক্ষুদ্র জাতি লইয়া এক বৃহৎ জাতি বা নেশন গঠিত হইতেছে । আমার কখন কখন মনে হয়, ইউরোপের বিভিন্ন দেশের অপেক্ষা ভারতে অধিক বিভিন্ন জাতি নাই । অতীতকালে ইউরোপের বিভিন্ন জাতি সকল ভারতীয় বাণিজ্যাধিকারের জন্ত বিশেষ প্রয়াস পাইয়াছে, আর এই ভারতীয় বাণিজ্য, জগতের সভ্যতা বিস্তারে একটি প্রবল-শক্তিস্বরূপে কাৰ্য্য করিয়াছে । এই ভারতীয় বাণিজ্যাধিকার লাভ মল্লুযাজাতির ইতিহাসে একরূপ ভাগ্যচক্রপরিবর্তনকারী বলিয়া নির্দেশ করা যাইতে পারে । আমরা দেখিতে পাই, ওলন্দাজ, পর্তুগীজ, ফরাসী ও ইংরাজ—ক্রমান্বয়ে উহার জন্ত চেষ্টা করিয়াছে । ভিনিসবাসীরা প্রাচ্যদেশে বাণিজ্যাধিকারে ক্ষতিগ্রস্ত হইয়া স্বদূর পাশ্চাত্য প্রদেশে ঐ ক্ষতিপূরণের

## ভারত ও ইংলণ্ড ।

চেষ্টা করাতেই যে আমেরিকার আবিষ্কার হইল ইহাও বলা যাইতে পারে ।” \*

“ইহার পরিণতি হইবে কোথায় ?”

“অবশ্য ইহার পরিণতি হইবে—ভারতের মধ্যে সাম্যতাব স্থাপনে ভারতবাসী সকলের ব্যক্তিগত সমান অধিকার লাভে । জ্ঞান কয়েকজন শিক্ষিত ব্যক্তির একচেটিয়া সম্পত্তি থাকিবে না—উহা উচ্চ শ্রেণী হইতে ক্রমে নিম্ন শ্রেণীতে বিস্তৃত হইবে । সর্বসাধারণের মধ্যে শিক্ষার চেষ্টা হইতেছে—পরে বাধ্য করিয়া সকলকে শিক্ষা দিবার বন্দোবস্ত হইবে । ভারতীয় সর্বসাধারণের মধ্যে নিহিত অগাধ কার্য্যকরী শক্তিকে ব্যবহারে আনিতে হইবে । ভারতের অভ্যন্তরে মহতী শক্তি নিহিত আছে—উহাকে জাগাইতে হইবে ।”

“প্রবল বুদ্ধকুশল জাতি না হইয়া কেহ কি কখন বড় হইয়াছে ?”

স্বামীজি মুহূর্ত্তমাত্র ইতস্ততঃ না করিয়া বলিলেন,—

“হাঁ—চীন হইয়াছে । অগ্ৰাণ্য দেশের মধ্যে আমি চীন ও জাপানেও ভ্রমণ করিয়াছি । আজ চীন একটা ছোড়ভগ্ন দলের মত হইয়া দাঁড়াইয়াছে ; কিন্তু উন্নতির দিনে উহার যেমন স্নুশ্জাল-বদ্ধ সমাজগঠন ছিল, আর কোন জাতির এ পর্য্যন্ত সেরূপ হয় নাই । অনেক বিষয়—যাহাদিগকে আমরা আজকাল আধুনিক আখ্যা দিয়া থাকি, চীনে শত শত, এমন কি, সহস্র সহস্র বর্ষ ধরিয়া

\* ভিনিস ইউরোপের সহিত আচ্যাদেশীয় বাণিজ্যের একটা প্রধান কেন্দ্র ছিল । তুর্কেরা ভিনিসবাসীদের প্রাচ্যদেশে গমনাগমনের পথ বন্ধ করিয়া দিবার পর অগ্ন পথে ভারত জাপান প্রভৃতি স্থানে গমনের একটা চেষ্টা হয় । এই ভারত গমনের পথাবিষ্কারের চেষ্টায়ই দৈবক্রমে আমেরিকা আবিষ্কার ।

কথোপকথন ।

প্রচলিত ছিল। দৃষ্টান্তস্বরূপে প্রতিযোগিতায় পরীক্ষার কথা ধরুন।”

“চীন এমন ছোড়ভঙ্গ হইয়া গেল কেন?”

“কারণ, চীন তাহার সামাজিক প্রণালীর অনুযায়ী লোক উৎপন্ন করিতে পারিল না। আপনাদের একটা চলিত কথা আছে যে, ‘পার্লিয়ামেন্টের আইনবলে মানুষকে ধার্মিক করিতে পারা যায় না।’ চীনেরা আপনাদের পূর্বেই ঐ কথা ঠেকিয়া শিথিয়া-ছিলেন। ঐ কারণেই রাজনীতি অপেক্ষা ধর্মের গুরুতর উপ-কারিতা আছে। কারণ, ধর্ম সমুদয় বিষয়ের মূলভিত্তি পর্য্যন্ত গমন করিয়া থাকে এবং উহা মানবের কার্যকলাপের মূল ভিত্তি লইয়া ব্যাপ্ত।”

“আপনি যে ভারতের জাগরণের কথা বলিতেছেন, ভারত কি তদ্বিষয়ে সচেতন?”

“সম্পূর্ণ সচেতন। জগৎ সম্ভবতঃ প্রধানতঃ কংগ্রেস আন্দোলনে এবং সমাজসংস্কারক্ষেত্রে এই জাগরণ দেখিয়া থাকে, কিন্তু অপেক্ষাকৃত ধীরভাবে কার্য্য চলিলেও ধর্মবিষয়েও ঐ জাগরণ বাস্তবিকই হইয়াছে।”

“পাশ্চাত্য ও প্রাচ্য দেশের আদর্শ এতদূর বিভিন্ন। আমাদের আদর্শ সামাজিক অবস্থার পূর্ণতা সাধন বলিয়াই বোধ হয়। আমরা এখন এই সকল বিষয়ের আলোচনাতেই ব্যতিব্যস্ত রহিয়াছি, আর প্রাচ্যেরা সেই সময়ে স্বল্প তত্ত্বসমূহের ধ্যানে নিযুক্ত। এখানে পার্লিয়ামেন্ট সুদানযুদ্ধে ভারতীয় সৈন্তের ব্যয়ভার কোথা হইতে নির্বাহ হইবে, এই বিষয়ের বিচারেই ব্যস্ত। রক্ষণশীল সম্প্রদায়ের

## ভারত ও ইংলণ্ড ।

মধ্যে ভদ্র সংবাদপত্র মাত্রেই গভর্ণমেন্টের অগ্রায় মৌমাংসার বিরুদ্ধে খুব চীৎকার করিতেছে, কিন্তু আপনি হয়ত ভাবিতেছেন, ও বিষয়টা একেবারে মনোযোগ দিবারই যোগ্য নয় ।”

স্বামীজি সম্মুখের সংবাদপত্রটি লইয়া এবং রক্ষণশীল সম্প্রদায়ের কাগজ হইতে উদ্ধৃতাংশসমূহে একবার চোক বুলাইয়া বলিলেন,—

“কিন্তু এ বিষয় আপনি সম্পূর্ণ ভুল বুঝিয়াছেন । এই বিষয়ে আমার সহানুভূতি স্বভাবতঃই আমার দেশের সহিতই হইবে । কিন্তু ইহাতে আমার একটা সংস্কৃত কিম্বদন্তী মনে পড়িতেছে— ‘বিক্রীতে করিণি কিমঙ্কুশে বিবাদঃ’ অর্থাৎ ‘হাতী বেচিয়া এক্ষণে অঙ্কুশের জ্ঞাত্য আর বিবাদ কেন ?’ ভারতই চিরকাল দিয়া আসিতেছেন । রাজনৈতিকজগৎের বিবাদ বড় অদ্ভুত । রাজনৈতির ভিতর ধর্ম্য ঢুকাইতে অনেক যুগ লাগিবে ।”

“তাহা হইলেও উহার জ্ঞাত্য অতি শীঘ্র চেষ্টা করা ত আবশ্যক ?”

“হাঁ, জগতের মধ্যে বৃহত্তম শাসনযন্ত্র মুমহান্ লণ্ডন নগরীর হৃদয়াভ্যন্তরে কোন ভাববীজ রোপণ করা বিশেষ প্রয়োজন বটে । আমি অনেক সময় ইহার কার্য্যপ্রণালী পর্য্যবেক্ষণ করিয়া থাকি— কিরূপ তেজের সহিত ও কেমন সম্পূর্ণভাবে অতি সুস্বত্নতম শিরায় পর্য্যন্ত উহার ভাবপ্রবাহ ছুটিয়াছে ! উহার ভাববিস্তার, চারিদিকে শক্তিসঞ্চালনপ্রণালী কি অদ্ভুত ! ইহা দেখিলে সমগ্র সাম্রাজ্যটী কত বৃহৎ ও উহার কার্য্য কি গুরুতর, তাহা বুঝিবার পক্ষে সাহায্য হয় । অত্যাগত বিষয়-বিস্তারের সহিত উহা ভাবও ছড়াইয়া থাকে । এই মহান্ যন্ত্রের অন্তঃস্থলে কতকগুলি ভাব প্রবেশ করাইয়া দেওয়া



কথোপকথন ।

বিশেষ প্রয়োজন, বাহাতে অতি দূরবর্তী প্রদেশে পর্য্যন্ত উহা বিস্তৃত হইতে পারে ।”

স্বামীজির আকৃতি বিশেষত্বব্যাঞ্জক । তাঁহার লম্বা চওড়া, সুন্দর গঠন, মনোহর প্রাচ্য বেশে আরো সুন্দর হইয়াছে । \* \*  
\* \* তিনি বাঙ্গালীর ঘরে জন্মিয়াছেন এবং কলিকাতা বিশ্ব-বিদ্যালয়ের একজন গ্রাডুয়েট । তাঁহার বক্তৃতাশক্তি অসাধারণ । তিনি কোন প্রকার নোট না লইয়া একেবারে দেড় ঘণ্টা ধরিয়া বক্তৃতা করিতে পারেন, একটী কথার জগৎ বিন্দুমাত্র থামিতে হয় না । \* \* \* \*

সি, এস, বি ।

— — —

## ইংলণ্ডে ভারতীয় ধর্ম প্রচারকের প্রচারকার্য ।

[ লণ্ডন হইতে প্রকাশিত ‘একো’ নামক সংবাদপত্র, ১৮৯৬ ]

\* \* \* বোধ হয় নিজের দেশে হইলে স্বামীজি গাছ-তলায়, বড়জোর কোন মন্দিরের সন্নিকটে থাকিতেন ; নিজের দেশের কাপড় পরিতেন ও তাঁহার মাথা নেড়া থাকিত । কিন্তু লণ্ডনে তিনি ওসব কিছুই করেন না । সুতরাং আমি যখন স্বামীজির সহিত দেখা করিলাম, দেখিলাম, তিনি অপরাপর লোকের জায়গায় বাস করিতেছেন । পোষাকও অস্বাভাবিক লোকেরই মত—তফাৎ কেবল যে, তিনি গেরুয়া রঙের একটা লম্বা জামা পরেন । তিনি হাসিতে হাসিতে বলিলেন, লণ্ডনের রাস্তায় যে সব ছোট-লোকের ছেলেমেয়েরা ঘুরিয়া বেড়ায়, তাঁহার পোষাক তাহাদের একেবারেই পছন্দ হয় না, বিশেষতঃ, পাগড়ি পরিলে ত আর রক্ষা নাই । তাহারা তাঁহাকে দেখিয়া যাহা বলে, সে সব উল্লেখযোগ্য নহে ।

আমি প্রথমেই ঐ ভারতীয় যোগীকে তাঁহার নাম খুব ধীরে ধীরে বানান করিতে বলিলাম ।

\* \* \* \* \*

“আপনি কি মনে করেন, আজ কাল লোকের অসার ও গোণ বিষয়েই অধিক দৃষ্টি ?”

“আমার ত তাহাই মনে হয়—অনুন্নত জাতিসমূহের মধ্যে

## কথোপকথন ।

এবং পাশ্চাত্য প্রদেশের সভ্য জাতিদের মধ্যে বাহারা অপেক্ষাকৃত কম শিক্ষিত, তাহাদের মধ্যেও এই ভাব । আপনার প্রশ্নের ভাবে বোধ হয়, ধনী ও শিক্ষিত ব্যক্তিগণের মধ্যে অল্প ভাব । বাস্তবিক তাহাই বটে । \* ধনী লোকেরা হয় ঐশ্বর্য্য ভোগে মগ্ন অথবা আরো অধিক ধনসঞ্চয়ের চেষ্টায় ব্যস্ত । তাহারা এবং সংসারকর্মে ব্যস্ত অনেক লোকে ধর্ম্মটাকে একটা অনর্থক বাজে বা মিছে জিনিষ মনে করে, আর তাহারা সরল ভাবেই একথা মনে করিয়া থাকে । চলিত ধর্ম্ম হচ্ছে দেশহিতৈষিতা আর লোকাচার । লোকে বিবাহের সময় বা কাহারও সমাধি দিবার সময়েই কেবল ধর্ম্মমন্দিরে ( চার্চে ) যায় ।”

“আপনি যাহা প্রচার করিতেছেন, তাহার ফলে কি লোকের চার্চে গতি-বিধি অধিক হইবে ?”

“আমার ত তাহা বোধ হয় না । কারণ, বাহ অলুষ্ঠান বা মতবাদের সহিত আমার কোন সম্পর্ক নাই । ধর্ম্মই যে মানব জীবনের সর্ব্বন এবং সমুদয়ের ভিতরই যে ধর্ম্ম আছে, তাহাই দেখান আমার জীবনব্রত । \* \* \* আর এখানে ইংলণ্ডে কি ভাব চলিতেছে ? ভাবগতিক দেখিয়া বোধ হয় যে, সোশ্যালিজ্‌ম †

---

\* “শিক্ষিত ব্যক্তিগণের মধ্যে অল্প ভাব”—অর্থে তাহারা ধর্ম্মের গোঁণভাবের দিকে বিশেষ ঝোক না দিয়া উহার মুখ্য ভাবকেই বিশেষভাবে অবলম্বন করিয়াছেন । “ধনীদের মধ্যে অল্প ভাব” অর্থে কিন্তু তাহারা ধর্ম্মের মুখ্য গোঁণ কিছুই ধার ধারেন না । ইতি অনুবাদক ।

† Socialism—পাশ্চাত্য দেশীয় একটা প্রবল মত । এই মতে ধনীদরিদ্র-নির্ব্বিগ্নে সকলের সম্পত্তি একত্র থাকা এবং তাহাতে সকলের সমান অধিকার হওয়া উচিত ।

## ইংলণ্ডে ভারতীয় ধর্মপ্রচারকের প্রচারকার্য।

বা অন্য কোনরূপ লোকতত্ত্ব, তাহার নাম যাহাই দিন না কেন, শীঘ্র প্রচলিত হইবে। লোকে অবশ্য তাহাদের সাংসারিক প্রয়োজনীয় বিষয়গুলির আকাজক্ষা মিটাইতে চাহিবে। তাহারা চাহিবে—যাহাতে তাহাদের কাজ পূর্বাপেক্ষা কমিয়া যায়, যাহাতে তাহারা ভাল খাইতে পায় এবং অত্যাচার ও যুদ্ধবিগ্রহ একেবারে বন্ধ হয়। কিন্তু যদি এদেশের সভ্যতা বা অন্য কোন সভ্যতা ধর্মের উপর, মানবের সাধুতার উপর প্রতিষ্ঠিত না হয়, তবে তাহা যে টিকিবে, তাহার নিশ্চয়তা কি? এটা নিশ্চিত জানিবেন যে, ধর্ম সকল বিষয়ের মূলদেশ পর্য্যন্ত গিয়া থাকে। যদি ঐটা ঠিক থাকে, তবে সব ঠিক হইল।”

“কিন্তু ধর্মের সার দার্শনিক ভাব লোকের মনে প্রবেশ করাইয়া দেওয়া ত বড় সহজ ব্যাপার নহে। লোকে সচরাচর যে সকল চিন্তা ও ভাব লইয়া থাকে, তাহারা যে ভাবে জীবন যাত্রা নির্বাহ করে, তাহার সঙ্গে ত উহার অনেক ব্যবধান।”

“সকল ধর্ম বিশ্লেষণ করিলেই দেখা যায়, প্রথমাবস্থায় লোকে ক্ষুদ্রতর সত্যকে আশ্রয় করিয়া থাকে, পরে তাহা হইতেই তদপেক্ষা বৃহত্তর সত্যে উপনীত হয়; সুতরাং অসত্য ছাড়িয়া সত্যলাভ হইল, এটা বলা ঠিক নয়। সমুদয় সৃষ্টির অন্তরালে এক বস্তু বিরাজমান, কিন্তু লোকের মন নিতান্ত ভিন্ন ভিন্ন প্রকারের। ‘একঃ সদ্ভিপ্রা বহুধা বদন্তি’।—‘যথার্থ বস্তু একটাই’—জ্ঞানিগণ উহাকে নানারূপে বর্ণনা করিয়া থাকেন। আমার বলিবার উদ্দেশ্য এই যে, লোকে সঙ্কীর্ণতর সত্য হইতে ব্যাপকতর সত্যে অগ্রসর হইয়া থাকে সুতরাং অপরিণত বা নিম্নতম ধর্মসমূহও মিথ্যা নহে, সত্য; তবে

## কথোপকথন ।

উহাদের মধ্যে সত্যের ধারণা বা অনুভূতি অপেক্ষাকৃত অস্পষ্ট বা অপকৃষ্ট—এই মাত্র। লোকের জ্ঞানবিকাশ ধীরে ধীরে হইয়া থাকে। এমন কি, ভূতোপাসনা পর্য্যন্ত সেই নিত্য সত্য সনাতন ব্রহ্মেরই বিকৃত উপাসনা মাত্র। ধর্ম্মের অগ্ৰাণ্ণ যে সকল রূপ আছে, তাহাদের মধ্যেও অল্প বিস্তর সত্য বর্তমান। সত্য কোন ধর্ম্মেই পূর্ণরূপে বর্তমান নাই।”

“আপনি ইংলণ্ডে এই যে ধর্ম্মপ্রচার করিতে আসিয়াছেন, তাহা আপনারই উদ্ভাবিত কি না, এ কথা জিজ্ঞাসা করিতে পারি কি?”

“উহা আমার কথনই নহে। আমি রামকৃষ্ণ পরমহংস নামক জনৈক ভারতীয় মহাপুরুষের শিষ্য। আমাদের দেশের কতকগুলি মহাত্মার মত তিনি বিশেষ পণ্ডিত ছিলেন না বটে, কিন্তু অতিশয় পবিত্রাত্মা ছিলেন—এবং তদীয় জীবন ও উপদেশ বেদান্তদর্শনের ভাবে বিশেষরূপে অনুরঞ্জিত ছিল। বেদান্তদর্শন বলিলাম—কিন্তু উহাকে ধর্ম্মও বলিতে পারা যায়, কারণ, প্রকৃতপক্ষে উহা ‘ধর্ম্ম’ ও ‘দর্শন’ উভয়ই। সম্প্রতি নাইনটিছ সেঞ্চুরি পত্রের একটী সংখ্যায় অধ্যাপক ম্যাক্সমুলার মদীয় আচার্য্যদেবের যে বিবরণ লিখিয়াছেন, তাহা অনুগ্রহপূর্ব্বক পড়িয়া দেখিবেন। ১৮৩৪ খৃষ্টাব্দে হুগলি জেলায় শ্রীরামকৃষ্ণের জন্ম হয়, আর ১৮৮৬ খৃষ্টাব্দে তাঁহার দেহ-ত্যাগ হয়। কেশবচন্দ্র সেন এবং অগ্ৰাণ্ণ ব্যক্তির জীবনের উপর তিনি প্রবল প্রভাব বিস্তার করিয়াছিলেন। শরীর ও মনের সংযম অভ্যাস করিয়া তিনি আধ্যাত্মিক জগতে গভীর অন্তর্দৃষ্টি লাভ করিয়াছিলেন। তাঁহার মুখ সাধারণ লোকের মত ছিল না—উহাতে বালকবৎ কমনীয়তা, গভীর নম্রতা এবং অদ্ভুত প্রশান্ত ও

ইংলণ্ডে ভারতীয় ধর্মপ্রচারকের প্রচারকার্য ।

মধুর ভাব প্রকাশ পাইত । কেহ তাঁহার মুখ দেখিয়া বিচলিত না হইয়া থাকিতে পারিত না ।”

“তবে দেখিতেছি, আপনার উপদেশ বেদ হইতে গৃহীত ।”

“হাঁ, বেদান্তের অর্থ বেদের শেষভাগ, উহা বেদের তৃতীয় অংশ—উহার নাম উপনিষদ । প্রাচীন ভাগে যে সকল ভাব বীজাকারে অবস্থিত দেখিতে পাওয়া যায়, সেই বীজগুলিই উহাতে সুপরিণত হইয়াছে । বেদের অতি প্রাচীন ভাগের নাম সংহিতা—উহা অতি প্রাচীন ধরনের সংস্কৃত ভাষায় রচিত—যাক্ষের নিরুক্ত নামক অতি প্রাচীন অভিধানের সাহায্যেই কেবল উহা বুঝা যাইতে পারে ।”

\* \* \* \*

“আমাদের—ইংরাজদের—বরণ ধারণা, ভারতকে আমাদের নিকট হইতে অনেক শিক্ষা করিতে হইবে । ভারত হইতে ইংরাজ যে কিছু শিখিতে পারে, এ সম্বন্ধে সাধারণ লোক একরূপ অজ্ঞ বলিগেও হয় ।”

“তা সত্য বটে । কিন্তু পণ্ডিতেরা অতি উত্তমরূপই জ্ঞানেন, ভারত হইতে কতদূর শিক্ষা পাওয়া যাইতে পারে, আর ঐ শিক্ষা কতদূরই বা প্রয়োজনীয় । আপনি দেখিবেন, ম্যাক্সমুলার, মোনিয়র উইলিয়ামস, স্মার উইলিয়ম হাণ্টার বা জর্মন প্রাচ্যতত্ত্ববিৎ পণ্ডিতেরা ভারতীয় সংস্কৃত বিজ্ঞানকে অবজ্ঞা করেন না ।”

\* \* \* \*

স্বামীজি ৩৯ নং ভিক্টোরিয়া ষ্ট্রাটে বক্তৃতা দিয়া থাকেন । সকলেই ইচ্ছা করিলে বক্তৃতা শুনিতে আসিতে পারেন, কাহারও

কথোপকথন ।

আসিবার বাধা নাই, আর প্রাচীন “প্রেরিতদিগের যুগে”র \* মত নূতন শিক্ষা বিনামূল্যে প্রদত্ত হইয়া থাকে । এই ভারতীয় ধর্মপ্রচারকটীর দেহের গঠন অসাধারণ সুন্দর । ইংরাজী ভাষায় তাঁহার সম্পূর্ণ অধিকার আছে, বলিলে যথার্থ বর্ণনা করা হয় ।

সি, এস, বি ।

---

---

\* Apostolic Age :—যে সময়ে Apostles ( যীশু খৃষ্টের দ্বাদশ শিষ্য ) বা প্রেরিতগণ এবং তাঁহাদের শিষ্যগণ ধর্মপ্রচারকার্যে নিযুক্ত ছিলেন ।

## স্বামী বিবেকানন্দের সহিত মাদুরায় একঘণ্টা ।

( হিন্দু, মান্দ্রাজ, ফেব্রুয়ারি ১৮৯৭ । )

প্রশ্ন । আমার যতদূর জানা আছে, ‘জগৎ মিথ্যা’ এই মতবাদ পশ্চাত্তুল্লিখিত কয়েক প্রকারে ব্যাখ্যাত হইয়া থাকে :—

( ক ) অনন্তের তুলনায় নশ্বর নামরূপের স্থায়িত্ব এত অল্প যে, তাহা বলিবার নয় ।

( খ ) দুইটী প্রলয়ের অন্তর্গত কাল অনন্তের তুলনায় ঐক্যপ ।

( গ ) যেমন শুদ্ধিতে রজতজ্ঞান বা রজুতে সর্পজ্ঞান ভ্রমাবস্থায় সত্য, আর ঐ জ্ঞান মনের অবস্থাবিশেষের উপর নির্ভর করে, তদ্রূপ বর্তমানে এই জগতেরও একটা আপাতপ্রতীয়মান সত্যতা আছে, উহারও সত্যতাজ্ঞান মনের অবস্থা-বিশেষের উপর নির্ভর করে, কিন্তু পরমার্থতঃ ( চরমে বা পরিণামে ) মিথ্যা ।

( ঘ ) বক্ষ্যাপুত্র বা শশশৃঙ্গ যেরূপ মিথ্যা, জগতও তদ্রূপ একটা মিথ্যা ছায়ামাত্র ।

এই কয়েকটী ভাবের মধ্যে অদ্বৈত বেদান্ত দর্শনে ‘জগৎ মিথ্যা’ এই মতটী কোন্ ভাবে গৃহীত হইয়াছে ?

উত্তর । অদ্বৈতবাদীদের ভিতর অনেক শ্রেণী আছে—প্রত্যেকটীই কিন্তু ( উপরোক্ত ) ঐ সকলের মধ্যে কোন না কোন একটী ভাবে অদ্বৈতবাদ বুঝিয়াছেন । শঙ্কর ( গ ) ভাবানুযায়ী এই মত শিক্ষা দিয়াছেন । তাঁহার উপদেশ এই—এই জগৎ আমাদের



## কথোপকথন ।

নিকট যে ভাবে প্রতিভাত হইতেছে, তাহা সবই বর্তমান জ্ঞানের পক্ষে ব্যবহারিক ভাবে সত্য ; কিন্তু যখনই মানবের জ্ঞান উচ্চ আকার ধারণ করে, তখনই উহা একেবারে অন্তর্হিত হয় । সম্মুখে একটা স্থাণু দেখিয়া আপনার ভূত বলিয়া তাহাকে ভ্রম হইতেছে । সেই সময়ের জ্ঞান সেই ভূতের জ্ঞানটী সত্য ; কারণ, যথার্থ ভূত হইলে উহা আপনার মনে বেক্রপ কার্য্য করিত, যে ফল উৎপাদন করিত, ইহাতেও ঠিক সেই ফল হইতেছে । যখনই আপনি বুঝিবেন, উহা স্থাণুমাত্র, তখনই আপনার ভূতজ্ঞান চলিয়া যাইবে । স্থাণু ও ভূত—উভয় জ্ঞান একত্র থাকিতে পারে না । একটী যখন বর্তমান থাকে, তখন অপরটী থাকে না ।

প্র । শঙ্করের কতকগুলি গ্রন্থে ( ঘ ) ভাবটীও কি গৃহীত হয় নাই ?

উ । না । অত্ৰ কোন কোন ব্যক্তি শঙ্করের ‘জগৎ মিথ্যা’ এই উপদেশটির মর্ম্ম ঠিক ঠিক ধরিতে না পারিয়া উহাকে লইয়া বাড়াবাড়ি করিয়াছেন, তাঁহারাই তাঁহাদের গ্রন্থে ( ঘ ) ভাবটীকে গ্রহণ করিয়াছেন । ( ক ) ও ( খ ) ভাবদ্বয় অত্ৰায় কয়েক শ্রেণীর অদ্বৈতবাদীর গ্রন্থের বিষেষত্ব বটে, কিন্তু শঙ্কর উহাদের অনুমোদন কখনও করেন নাই ।

প্র । এই আপাত-প্রতীয়মান সত্যতার কারণ কি ?

উ । স্থাণুতে ভূত-দ্রাস্তির কারণ কি ? জগৎ প্রকৃতপক্ষে সর্বদাই একরূপ রহিয়াছে, আপনার মনই ইহাতে নানা অবস্থা-বৈচিত্র্য সৃষ্টি করিতেছে ।

প্র । ‘বেদ অনাদি অনন্ত’ এ কথাটির বাস্তবিক তাৎপর্য্য কি ?

স্বামী বিবকানন্দের সহিত মাদুরায় একঘণ্টা ।

উহা কি বৈদিক মন্ত্ররাজির সম্বন্ধে বুঝিতে হইবে ? যদি বেদমন্ত্রে নিহিত সত্যকে লক্ষ্য করিয়াই বেদ অনাদি অনন্ত বলা হইয়া থাকে, তবে জায়, জ্যামিতি, রসায়ন প্রভৃতি শাস্ত্রও অনাদি অনন্ত ; কারণ, তাহাদের মধ্যেও ত সনাতন সত্য রহিয়াছে ?

উ । “এমন এক সময় ছিল, যখন বেদের অন্তর্গত আধ্যাত্মিক সত্যসমূহ অপরিণামী ও সনাতন, কেবল মানবের নিকট অভিযান্ত্রিক হইয়াছে মাত্র—” এই ভাবে বেদসমূহ অনাদি অনন্ত বিবেচিত হইত । পরবর্ত্তী কালে বোধ হয় যেন অর্থজ্ঞানের সহিত বৈদিক মন্ত্রগুলিই প্রাধান্য লাভ করিল এবং ঐ মন্ত্রগুলিকেই ঈশ্বরপ্রসূত বলিয়া লোকে বিশ্বাস করিতে লাগিল । আরও পরবর্ত্তী কালে মন্ত্রগুলির অর্থেই প্রকাশ পাইল যে, তাহাদের মধ্যে অনেকগুলি কখন ঈশ্বরপ্রসূত হইতে পারে না ; কারণ, ঐগুলি মানবজাতিকে—প্রাণিগণকে যজ্ঞাদান ইত্যাদি নানাবিধ অশুচি কার্যের বিধান দিয়াছে, অপিচ উহাদের মধ্যে অনেক আঘাতে গল্পও দেখিতে পাওয়া যায় । বেদ ‘অনাদি অনন্ত’ একথার যথার্থ তাৎপর্য এই যে, উহা দ্বারা মানবজাতির নিকট যে বিধি বা সত্য প্রকাশিত হইয়াছে, তাহা নিত্য ও অপরিণামী । জায়, জ্যামিতি, রসায়ন প্রভৃতি শাস্ত্রও মানবজাতির নিকট নিত্য অপরিণামী নিয়ম বা সত্য প্রকাশ করিয়া থাকে, আর সেই অর্থে উহারাও অনাদি অনন্ত । কিন্তু এমন সত্য বা বিধিই নাই, যাহা বেদে নাই ; আর আমি আপনাদের সকলকেই আহ্বান করিতেছি যে উহাতে ব্যাখ্যাত হয় নাই, এমন কি সত্য আছে, দেখাইয়া দিন ।

প্র । অদ্বৈতবাদীদের মুক্তির ধারণা কিরূপ ? আমার

## কথোপকথন ।

জিজ্ঞাসার উদ্দেশ্য এই তাঁহাদের মতে কি ঐ অবস্থায় জ্ঞান থাকে ? অদ্বৈতবাদীদের মুক্তি ও বৌদ্ধ-নির্কীর্ণে কোন প্রভেদ আছে কি ?

উ । মুক্তিতে একপ্রকার জ্ঞান থাকে, উহাকে আমরা ‘তুরীয় জ্ঞান’ বা জ্ঞানাতীত অবস্থা বলিয়া থাকি । উহার সহিত আপাদের বর্তমান জ্ঞানের প্রভেদ আছে । মুক্তি অবস্থায় কোনরূপ জ্ঞান থাকে না, বলা যুক্তিবিরুদ্ধ । আলোকের মত জ্ঞানেরও তিন অবস্থা—মূঢ় জ্ঞান, মধ্যবিধ জ্ঞান ও অধিমাত্র জ্ঞান । যখন—আলোক-পরমাণুর কম্পন অতি প্রবল হয়, তখন উহার উজ্জ্বল্য এত অধিক হয় যে, উহা চক্ষুকে ধাঁধিয়া দেয়—আর অতি ক্ষীণতম আলোকেও যেমন কিছু দেখিতে পাওয়া যায় না, উহাতেও তদ্রূপ কিছুই দেখা যায় না । জ্ঞান সম্বন্ধেও তাহাই । বৌদ্ধেরা যাহাই বলুন না কেন, বৌদ্ধ নির্কীর্ণেও ঐ প্রকার জ্ঞান বিद्यমান । আমাদের মুক্তির সংজ্ঞা অস্তিত্বাত্মক, বৌদ্ধ-নির্মাণের সংজ্ঞা নাস্তিত্বাত্মক ।

প্র । অবস্থাতীত ব্রহ্ম জগৎসৃষ্টির জ্ঞাত অবস্থা-বিশেষ আশ্রয় করেন কেন ?

উ । এই প্রশ্নটাই অযৌক্তিক, সম্পূর্ণ ত্রায়াশাস্ত্রবিরুদ্ধ । ব্রহ্ম ‘অবাঙ্মনসগোচরম্,’ অর্থাৎ বাক্যের দ্বারা বা মনের দ্বারা তাঁহাকে ধরিতে পারা যায় না । যাহাই দেশ-কাল-নিমিত্তের অতীত প্রদেশে অবস্থিত, তাহাকেই মানব-মনের দ্বারা ধারণা করিতে পারা যায় না ; আর দেশকালনিমিত্তের অন্তর্গত রাজ্যেই যুক্তি ও অনুসন্ধানের অধিকার । তাহাই যদি হয়, তবে যে বিষয় মানব-বুদ্ধি দ্বারা ধারণা

স্বামী বিবেকানন্দের সহিত মাদুরায় একঘণ্টা ।

করিবার কোন সম্ভাবনা নাই, তৎসম্বন্ধে জানিবার ইচ্ছা বৃথা চেষ্টা মাত্র ।

প্র । দেখা যায়—অনেকে বলেন, পুরাণগ্রন্থ সকলের আপাত-প্রতীয়মান অর্থের পশ্চাতে গুহ্য অর্থ আছে । তাঁহারা বলেন, ঐ সকল গুহ্য ভাবই পুরাণে রূপকচ্ছলে উপদিষ্ট হইয়াছে । কেহ কেহ আবার বলেন যে, পুরাণের মধ্যে ঐতিহাসিক সত্য কিছুমাত্র নাই—উচ্চতম আদর্শসমূহ বুদ্ধাইবার জন্ত পুরাণকার কতকগুলি কাল্পনিক চরিত্রের সৃষ্টি করিয়াছেন মাত্র । দৃষ্টান্তস্বরূপ বিষ্ণুপুরাণ, রামায়ণ বা ভারতের কথা ধরুন । এখন জিজ্ঞাস্য এই, বাস্তবিক কি ঐগুলির ঐতিহাসিক সত্যতা কিছু আছে, অথবা উহারা কেবল দার্শনিক সত্যসমূহের রূপকভাবে বর্ণনা, অথবা মানবজাতির চরিত্র নিয়মিত করিবার জন্ত উচ্চতম আদর্শসমূহেরই দৃষ্টান্ত, কিম্বা উহার মিন্টন, হোমর প্রভৃতির কাব্যের ন্যায় উচ্চভাবাত্মক কাব্যমাত্র ?

উ । কিছু না কিছু ঐতিহাসিক সত্য সকল পুরাণেরই মূল ভিত্তি । পুরাণের উদ্দেশ্য—নানাভাবে পরম সত্যসম্বন্ধে শিক্ষা দেওয়া । আর যদিও তাহাতে কিছুমাত্র ঐতিহাসিক সত্য না থাকে, তথাপি উহারা যে উচ্চতম সত্যের উপদেশ দিয়া থাকে, সেই হিসাবে আমাদের নিকট খুব উচ্চ প্রামাণ্য গ্রন্থ । দৃষ্টান্তস্বরূপ রামায়ণের কথা ধরুন—অনুল্লঙ্ঘনীয় প্রামাণ্য গ্রন্থস্বরূপে উহাকে মানিতে হইলেই যে রামের ন্যায় কেহ কখন যথার্থ ছিলেন স্বীকার করিতে হইবে, তাহা নহে । রামায়ণ বা মহাভারতের মধ্যে যে ধর্ম্মের মাহাত্ম্য বোঝিত হইয়াছে, তাহা রাম বা কৃষ্ণের অস্তিত্ব-নাস্তিত্বের উপর নির্ভর করে না ; স্মরণ্য ইহাদের অস্তিত্বে অবিশ্বাসী হইয়াও

## কথোপকথন ।

রামায়ণ-মহাভারতকে মানবজাতির নিকট উপদিষ্ট মহান্ ভাবসমূহ সম্বন্ধে উচ্চ প্রামাণ্য গ্রহণ বলিয়া স্বীকার করিতে পারা যায় । আমাদের দর্শন উহার সত্যতার জ্ঞান কোন ব্যক্তি বিশেষের উপর নির্ভর করে না । দেখুন, কৃষ্ণ জগতের সমক্ষে নূতন বা মৌলিক কিছুই শিক্ষা দেন নাই, আর রামায়ণকারও এমন কথা বলেন না যে, আমাদের বেদাদি শাস্ত্রে যাহা আদৌ উপদিষ্ট হয় নাই, এমন কিছু তত্ত্ব তিনি শিখাইতে চান । এইটী বিশেষভাবে লক্ষ্য করিবেন, খ্রীষ্টধর্ম খ্রীষ্ট ব্যতীত, মুসলমানধর্ম মহম্মদ এবং বৌদ্ধধর্ম বুদ্ধ ব্যতীত তিষ্ঠিতে পারে না, কিন্তু হিন্দুধর্ম কোন ব্যক্তিবিশেষের উপর একেবারে নির্ভর করে না । আর, কোন পুরাণে বর্ণিত দার্শনিক সত্য কতদূর প্রামাণ্য, তাহার বিচার করিতে হইলে ঐ পুরাণে বর্ণিত ব্যক্তিগণ বাস্তবিকই ছিলেন, অথবা তাঁহারা কাল্পনিক চরিত্রমাত্র, এ বিচারে কিছুমাত্র অবশ্যকতা নাই । পুরাণের উদ্দেশ্য ছিল মানবজাতির শিক্ষা— আর যে সকল ঋষি ঐ পুরাণসমূহ রচনা করিয়াছিলেন, তাঁহারা কতকগুলি ঐতিহাসিক চরিত্র লইয়া তাঁহাদের ইচ্ছামত যত কিছু ভাল বা মন্দ গুণ তাহাদের উপর আরোপ করিতেন—তাঁহারা এইরূপে মানবজাতির পরিচালনার জ্ঞান ধর্মবিধান দিয়া গিয়াছেন । রামায়ণে বর্ণিত দশমুখ রাবণের অস্তিত্ব—একটা দশমাখাযুক্ত রাক্ষস অবশ্যই ছিল, ইহা—মানিতেই হইবে, এমন কি কিছু কথা আছে ? দশমুখ বলিয়া কোন ব্যক্তি বাস্তবিকই থাকুন, বা উহা কবিকল্পনাই হউক, ঐ চরিত্রসহায়ে এমন কিছু শিক্ষা দেওয়া হইয়াছে যাহা আমাদের সবিশেষ প্রাণিধানের যোগ্য । আপনি এক্ষণে কৃষ্ণকে আরও মনোহর ভাবে বর্ণনা করিতে পারেন, আপনার বর্ণনা

স্বামী বিবেকানন্দের সহিত মাছুরায় একঘণ্টা ।

আদর্শের উচ্চতার উপর নির্ভর করিবে, কিন্তু পুরাণে নিবদ্ধ মহোচ্চ দার্শনিক সত্যসমূহ চিরকালই একরূপ ।

প্র । যদি কোন ব্যক্তি adept ( সিন্ধ ) হন, তবে কি তাঁহার পক্ষে তাঁহার পূর্ব পূর্ব জন্মের ঘটনাসমূহ স্মরণ করা সম্ভব ? পূর্ব জন্মের স্থূল মস্তিষ্ক—যাহার মধ্যে তাঁহার পূর্বানুভূতির সংস্কারসমূহ সঞ্চিত ছিল—এক্ষণে তাহা আর নাই, এজন্মে তিনি একটা নূতন মস্তিষ্ক পাইয়াছেন । তাহাই যদি হইল, তবে বর্তমান মস্তিষ্কের পক্ষে অধুনা অবর্তমান অপর যন্ত্রের দ্বারা গৃহীত সংস্কার-সমূহকে গ্রহণ করা কিরূপে সম্ভব হইতে পারে ?

স্বামীজি । আপনি adept (সিন্ধ) বলিতে কি লক্ষ্য করিতেছেন ?

সংবাদদাতা । যিনি নিজের ‘গুহ্য’ শক্তিসমূহের ‘বিকাশ’ করিয়াছেন ।

স্বামীজি । ‘গুহ্য’ শক্তি কিরূপে ‘বিকাশপ্রাপ্ত’ হইবে, তাহা আমি বুঝিতে পারিতেছি না । আপনাব্য ভাব আমি বুঝিতেছি, কিন্তু আমার বিশেষ ইচ্ছা যে, যে সকল শব্দ ব্যবহার করিতে হইবে, সেগুলির অর্থে যেন কোনরূপ অনির্দিষ্ট বা অস্পষ্ট ভাবের ছায়ামাত্র না থাকে । যেখানে যে শব্দটি যথার্থ উপযোগী, সেখানে যেন ঠিক সেই শব্দটি ব্যবহৃত হয় । আপনি বলিতে পারেন, ‘গুহ্য’ বা ‘অব্যক্ত’ শক্তি ‘ব্যক্ত’ বা ‘নিরাবরণ’ হয় । বাঁহাদের অব্যক্ত শক্তি ব্যক্ত হইয়াছে, তাঁহারা তাঁহাদের পূর্বজন্মের ঘটনাসমূহ স্মরণ করিতে পারেন কারণ, মৃত্যুর পর যে সূক্ষ্ম শরীর থাকে, তাহাই তাঁহাদের বর্তমান মস্তিষ্কের বীজস্বরূপ ।

কথোপকথন ।

প্র। অহিন্দুকে হিন্দুধর্মাবলম্বী করা কি হিন্দুধর্মের মূলভাবের  
অবিরোধী আর চণ্ডাল যদি দর্শন শাস্ত্রের ব্যাখ্যা করে, ব্রাহ্মণ কি  
তাহা শুনিতে পারেন ?

উ। অহিন্দুকে হিন্দু করা হিন্দুধর্ম আপত্তিকর জ্ঞান করেন  
না। যে কোন ব্যক্তি তিনি শূদ্রই হউন আর চণ্ডালই হউন—  
ব্রাহ্মণের নিকট পর্য্যন্ত দর্শন শাস্ত্রের ব্যাখ্যা করিতে পারেন। অতি  
নীচ ব্যক্তির নিকট হইতেও—তিনি যে কোন জাতি হউন বা যে  
কোন ধর্মাবলম্বী হউন—সত্য শিক্ষা করা যাইতে পারে।

স্বামীজি তাঁহার এই মতের স্বপক্ষে খুব প্রামাণ্য সংস্কৃত শ্লোক  
সমূহ উদ্ধৃত করিলেন।

এই স্থানেই কথাবার্তা বন্ধ হইল, কারণ, তাঁহার মন্দির দর্শনে  
যাইবার নিদ্ধারিত সময় উপস্থিত হইয়াছিল। তিনি স্মরণাং  
উপস্থিত ভদ্রলোকগণের নিকট বিদায় গ্রহণ করিয়া মন্দির দর্শনে  
যাত্রা করিলেন।

## স্বামী বিবেকানন্দের সহিত কথোপকথন ।

ভারতের দেশের ও ভারতের নানা সমস্যা ।

( ‘হিন্দু’ মাসিক, ফেব্রুয়ারী ১৮৯৭ সাল । )

আমাদের জনৈক প্রতিনিধি চিৎলিপট স্টেশনে স্বামীজির সহিত  
ট্রেনে সাক্ষাৎ করেন এবং তাঁহার সহিত ট্রেনে মাদ্রাজ পর্য্যন্ত  
আসেন । গাড়ীতে উভয়ের নিম্নলিখিত কথোপকথন হইয়াছিল ।

“স্বামীজি, আপনি আমেরিকায় কেন গেছলেন ?”

“বড় শক্ত কথা । সংক্ষেপে এর উত্তর দেওয়া কঠিন ? এখন  
আমি এর আংশিক উত্তর মাত্র দিতে পারি । ভারতের সব  
জায়গায় আমি ঘুরেছিলুম ;—দেখলুম, ভারতে যথেষ্ট ঘোরা হয়েছে ।  
তখন অল্প অল্প দেশে যাবার ইচ্ছা হোল । আমি জাপানের দিক  
দিয়ে আমেরিকায় গেছলুম ।”

“আপনি জাপানে কি দেখলেন ? জাপান যে উন্নতির পথে  
চলেছে, ভারতের কি তার অনুসরণ করবার কোন সম্ভাবনা আছে,  
মনে করেন ?”

কোন সম্ভাবনা নাই, যদি না ভারতের ত্রিশ কোড় লোক  
মিলে একটা জাতি হয়ে দাঁড়ায় । জাপানীর মত এমন স্বদেশ-  
হিতৈষী ও শিল্পপটু জাত আর দেখা যায় না আর তাদের একটা  
বিশেষত্ব এই যে, ইউরোপ ও অল্প স্থানে একদিকে যেমন শিল্পের



## কথোপকথন ।

বাহার, অপরদিকে আবার তেমনি অপরিষ্কার, কিন্তু জাপানীদের যেমন শিল্পের সৌন্দর্য্য তেমনি আবার তারা খুব পরিষ্কার পরিচ্ছন্ন । আমার ইচ্ছে, আমাদের যুবকেরা জীবনের মধ্যে অন্ততঃ একবারও জাপানে বেড়িয়ে আসে । যাওয়াও কিছু শক্ত নয় । জাপানীরা হিন্দুদের সবই খুব ভাল বলে মনে করে আর ভারতকে তীর্থস্বরূপ বোলে বিশ্বাস করে । সিংহলের বৌদ্ধধর্ম্ম আর জাপানের বৌদ্ধধর্ম্ম ঢের তফাত । জাপানের বৌদ্ধধর্ম্ম বেদান্ত ছাড়া আর কিছুই নয় । সিংহলের বৌদ্ধধর্ম্ম নাস্তিকবাদে দূষিত, জাপানের বৌদ্ধধর্ম্ম আস্তিক ।”

“জাপান হঠাৎ এরকম বড় হোল কি কোরে ? এর রহস্যটা কি ?”

“জাপানীদের আত্মপ্রত্যয় আর তাদের স্বদেশের উপর ভাল-বাসা । যখন ভারতে এমন লোক জন্মাবে, যারা দেশের জন্ত সব ছাড়তে প্রস্তুত আর যাদের মন মুখ এক, তখন ভারত সব বিষয়ে বড় হবে । মানুষ নিয়েই ত দেশের গৌরব । শুধু দেশে আছে কি ? জাপানীরা সামাজিক ও রাজনৈতিক বিষয়ে যেমন সাচ্চা, তোমাদেরও যখন তাই হবে, তোমরাও তখন জাপানীদের মত বড় হবে । জাপানীরা তাদের দেশের জন্তে সব ত্যাগ কর্তে প্রস্তুত । তাইতেই তারা বড় হয়েছে । তোমরা যে কামিনী-কাঞ্চনের জন্তে সব ত্যাগ কর্তে প্রস্তুত !”

“আপনার কি ইচ্ছে যে ভারত জাপানের মত হোক ?”

“তা কখনই নয় । ভারত ভারতই থাকবে । ভারত কেমন কোরে জাপান বা অগ্র জাতের মত হবে ? যেমন সঙ্গীতে একটা

স্বামী বিবেকানন্দের সহিত কথোপকথন ।

কোরে প্রধান স্রব থাকে, সেইরূপ প্রত্যেক জাতেরই একটা একটা মুখ্য ভাব থাকে, অথ অথ ভাবগুলো তার অন্তর্গত । ভারতের মুখ্য ভাব হচ্ছে ধর্ম । সমাজ-সংস্কার বলুন, আর যাই বলুন, সবই গোণ । লোকে বলে হৃদয়টা ভেঙ্গে গেলে চিন্তার প্রবাহ আসে । ভারতের হৃদয়ও এক সময়ে নিশ্চয় ভাঙবে, তখন ধর্মতরঙ্গ খেলতে থাকবে ! ভারত ভারতই । আমরা জাপানীদের মত নয়, আমরা হিন্দু । ভারতের হাওয়াটাতেই কেমন শান্তি এনে দেয় । আমি এখানে সর্বদা কাজ করছি, কিন্তু এরি মধ্যে আমি বিশ্রাম লাভ করছি । ভারতে ধর্মকার্য্য করলে শান্তি পাওয়া যায়, এখানে সাংসারিক কার্য্য করতে গেলে শেষে মৃত্যু হয়—বহুমূত্র হয়ে ।”

“বাক্ জাপানের কথা । আচ্ছা, স্বামীজি, আপনি আমেরিকায় গিয়ে প্রথমে কি দেখলেন ?”

“গোড়া থেকে শেষ পর্য্যন্ত আমি ভালই দেখেছিলুম । কেবল মিশনারি আর ‘চার্চ মাগী’ গুলো ছাড়া আমেরিকানরা সকলেই বড় আতিথেয়, সংস্কার ও সহৃদয় ব্যক্তি ।”

“‘চার্চ মাগী’—এ কি স্বামীজি ?”

“মার্কিন স্ত্রীলোকেরা যখন বে কর্ম্মীর জন্ত উঠে পড়ে লাগে, তখন সব রকম সমুদ্রতীরবর্ত্তী স্থানের জায়গায় \* ঘুরতে থাকে আর একটা পুরুষ পাকড়াবার জন্ত যত রকম কৌশল করবার

---

\* আমেরিকায় সমুদ্রের ধারে ভাল ভাল স্বাস্থ্যকর স্থানে স্থানের জন্ত রীতিমত বন্দোবস্ত থাকে । বড় বড় লোকে সেখানে স্বাস্থ্য পরিবর্তনের জন্ত মাঝে মাঝে গিয়া বাস করে । এই সব স্থানে বড় লোকের ছেলে বা মেয়ের সঙ্গে আলাপ হবার সুবিধে হয় । অনেকের সেইখান থেকেই ভবিষ্যৎ বিবাহ স্থির হয়ে যায় ।

## কথোপকথন ।

করে । সব চেষ্ঠা কোরে সখন বিফল হয়, তখন সে চার্চে যোগ দেয়, তখন তাদের ওখানে ‘ওল্ড মেড’ বলে । তাদের মধ্যে অনেকে বেজায় চার্চের গৌড়া হয়ে দাঁড়ায় । তারা ভয়ানক গৌড়া । তারা পুরুতদের মুটোর ভেতর । পুরুতদের সঙ্গে মিলে তারা সংসারটাকে নরকে পরিণত করে, আর ধর্মটাকে নকড়া ছকড়া কোরে ফেলে । এদের বাদ দিলে, আমেরিকানরা বড় ভাল লোক । তারা আমায় বড় ভালবাসতো, আমিও তাদের বড় ভালবাসি । আমি যেন তাদেরই একজন, এই রকম বোধ কর্তুম ।”

“চিকাগো ধর্মমহাসভা হয়ে কি ফল দাঁড়াল, আপনার ধারণা ?”

“আমার ধারণা, চিকাগো ধর্মমহাসভার উদ্দেশ্য ছিল—জগতের সামনে অগ্রীশ্চান ধর্ম সকলকে হীন প্রতিপন্ন করা । কিন্তু দাঁড়াল অগ্রীশ্চান ধর্মের প্রাধান্য—আর গ্রীশ্চান ধর্মই হীন প্রতিপন্ন হোলো । সুতরাং গ্রীশ্চানদের দৃষ্টিতে ঐ সভার মহা উদ্দেশ্য সিদ্ধি হয়নি । দেখ না কেন, এখন প্যারিসে আর একটা মহাসভা হবার কথা হচ্ছে, কিন্তু রোমান ক্যাথলিকরা, যারা চিকাগো মহাসভার উত্তোক্তা ছিলেন, তাঁরাই এখন যাতে প্যারিসে ধর্মমহাসভা না হয়, তার বিশেষ চেষ্ঠা কছেন । কিন্তু চিকাগো সভা দ্বারা ভারতীয় চিন্তার বিশেষরূপ বিস্তারের সুবিধা হয়েছে ! উহাতে বেদান্তের তরঙ্গ বিস্তার হবার সুবিধা হয়েছে—এখন সমগ্র জগৎ বেদান্তের বস্তায় ভেসে যাচ্ছে । অবশ্য আমেরিকানরা চিকাগো সভার এই পরিণামে বিশেষ সুখী—কেবল গৌড়া পুরুত আর ‘চার্চমাগী’ গুলো ছাড়া ।”

স্বামী বিবেকানন্দের সহিত কথোপকথন ।

“ইংলণ্ডে আপনার প্রচারকার্যের কিরূপ আশা দেখছেন, স্বামীজি ?”

“খুব আশা আছে। দশ বৎসরও যেতে হবে না—অধিকাংশ ইংরাজই বেদান্তী হবে। আমেরিকার চেয়ে ইংলণ্ডে বেশী আশা। আমেরিকানেরা ত দেখেছো সব বিষয়ই একটা হজুক কোরে তোলে। ইংরাজেরা হজুগে নয়। বেদান্ত না বুঝলে গ্রীচানেরা তাদের নিউটেণ্টামেন্টও বুঝতে পারে না। বেদান্ত সব ধর্মেরই যুক্তিসঙ্গত ব্যাখ্যাস্বরূপ। বেদান্তকে ছাড়লে সব ধর্মই কুসংস্কার। বেদান্তকে ধল্লে সবই ধর্ম হয়ে দাঁড়ায়।”

“আপনি ইংরাজ-চরিত্রে বিশেষ কি গুণ দেখলেন ?”

“ইংরাজেরা কোন বিষয় বিশ্বাস কল্লেই তৎক্ষণাৎ কাজে লেগে যায়। ওদের কাজের শক্তি অসাধারণ। ইংরাজ পুরুষ বা মহিলা অপেক্ষা উন্নত নরনারী সমগ্র জগতে দেখতে পাওয়া যায় না। এই জগত্বেই তাদের উপর আমার বাস্তবিক বিশ্বাস। অবশ্য প্রথম তাদের মাথায় কিছু ঢোকান বড় কঠিন; অনেক চেষ্টাচরিত্র করে উঠে পড়ে লেগে থাকলে তবে তাদের মাথায় একটা ভাব ঢোকে, কিন্তু একবার দিতে পারলে আর সহজে উহা বেরোয় না। ইংলণ্ডে কোন মিশনরি বা অন্য কোন লোক আমার বিরুদ্ধে কিছু বলেনি—একজনও আমার কোন রকম নিন্দে করবার চেষ্টা করেনি। আমি দেখে আশ্চর্য হলাম, অধিকাংশ বন্ধুই ‘চার্লস অফ ইংলণ্ডের’ অন্তর্ভুক্ত। আমি জেনেছি যে সব মিশনরি এ দেশে আসে, তারা ইংলণ্ডের খুব নিম্ন শ্রেণীভুক্ত। কোন ভদ্র ইংরাজ তাদের সঙ্গে মেশে না। এখানকার মত ইংলণ্ডেও জাতের খুব কড়াকড়।

## কথোপকথন ।

আর চার্চের অন্তর্ভুক্ত ইংরাজ সব ভদ্র শ্রেণীভুক্ত । আপনার সঙ্গে তাঁদের মতভেদ থাকতে পারে, কিন্তু তাতে আপনার সঙ্গে তাঁদের বন্ধুত্ব হবার কিছু ব্যাধাত হবে না । এই জন্তে আমি আমার স্বদেশবাসীকে এই একটা পরামর্শ দিতে চাই যে, মিশনারীরা কি, তা ত এখন জেনেছি । এখন এই কর্তব্য যে, এই গালাগালবান্ধ মিশনারিদের মোটেই আমল না দেওয়া । আমরাই ত ওদের আঙ্কারা দিইছি । এখন ওদের মোটে গ্রাহ্যের মধ্যে না আনাই কর্তব্য ।”

“স্বামীজি, অল্পগ্রহ কোরে আপনি আমায় কি আমেরিকা ও ইংলণ্ডের সমাজসংস্কারকদের কার্য্যপ্রণালী কি রকম, এ সম্বন্ধে কিছু বলবেন ?”

“সব সমাজ-সংস্কারকেরা, অন্ততঃ তাঁদের নেতারা এখন তাঁদের সাম্যবাদ প্রভৃতির একটা ধর্ম্মভিত্তি বার করবার চেষ্টা কচ্ছেন—আর সেই ধর্ম্মভিত্তি কেবল বেদান্তেই পাওয়া যায় । অনেক দলপতি, যারা আমার বক্তৃতা শুনতে আসতেন, আমায় বলেছেন, নূতন ভাবে সমাজ গঠন কতে হলে বেদান্তকে ভিত্তিস্বরূপ নেওয়া দরকার ।”

“ভারতের জনসাধারণ সম্বন্ধে আপনার কি ধারণা ?”

“আমরা ভয়ানক গরীব । আমাদের জনসাধারণ লৌকিক বিজ্ঞায় বড় অজ্ঞ । কিন্তু তারা বড় ভাল । কারণ, এখানে দারিদ্র্য একটা রাজদণ্ডযোগ্য অপরাধ বোলে বিবেচিত হয় না । এরা ছুঁদস্তও নয় । আমেরিকা ও ইংলণ্ডে অনেক সময় আমার পোষাকের দরুণ জনসাধারণ খেপে অনেকবার আমাকে ঝারঝাড়

স্বামী বিবেকানন্দের সহিত কথোপকথন ।

যোগাড়ই করেছিল । কিন্তু ভারতে কারো অসাধারণ পোষাকের দরুণ জনসাধারণ খেপে মাত্তে উঠেছে, এরকম কথা ত কখন শুনিনি ! অত্যাশ্চর্য সব বিষয়েও আমাদের জনসাধারণ, ইউরোপের জনসাধারণের চেয়ে ঢের সভ্য ।

“ভারতীয় জনসাধারণের উন্নতির জন্ত কি করা ভাল আপনি বলেন ?”

“তাদের লৌকিক বিজ্ঞা শেখাতে হবে । আমাদের পূর্ব-পুরুষেরা যে প্রণালী দেখিয়ে গেছেন, তারই অনুসরণ কত্তে হবে অর্থাৎ বড় বড় আদর্শগুলি ধীরে ধীরে সাধারণের ভিতর বিস্তার কত্তে হবে । ধীরে ধীরে তাদের তুলে নাও ধীরে ধীরে তাদের সমান করে নাও । লৌকিক বিজ্ঞাও ধর্মের ভেতর দিয়ে শেখাতে হবে ।”

“কিন্তু স্বামীজি, আপনি কি মনে করেন, এ কাজ সহজে হতে পারে ?”

“অবশ্য এটা ধীরে ধীরে কাজে পরিণত কৰ্ত্তে হবে । কিন্তু যদি আমি অনেকগুলি স্বার্থত্যাগী যুবক পাই, যারা আমার সঙ্গে কাজ কত্তে প্রস্তুত, তা হলে কালই এটা হতে পারে । কেবল এই কাজে যে পরিমাণে উৎসাহ ও স্বার্থত্যাগ করা হবে, তারই উপর ইহার শীঘ্র বা বিলম্বে সিদ্ধি নির্ভর করছে ।”

“কিন্তু যদি বর্তমান হীনাবস্থা তাদের ভূতকর্ম্যজন্ত হয়, তবে স্বামীজি, আপনি কিরূপে মনে করেন, সহজে ইহা ঘুচবে আর আপনার তাহাদিগকে কিরূপেই বা সাহায্য করবার ইচ্ছা ?”

স্বামীজি মুহূর্তমাত্র চিন্তার অবসর না লইয়াই উত্তর দিলেন—

“কর্ম্মবাদই অনন্তকাল মানবের স্বাধীনতার ঘোষণা কচ্ছে । যদি

## কথোপকথন ।

কর্মের দ্বারা আপনাদিগকে হীন অবস্থায় আনতে পারি, এ কথা সত্য হয়, তবে কর্মের দ্বারা আমাদের অবস্থার উন্নতি সাধনও নিশ্চয়ই সাধ্যমত। আরও কথা এই, জনসাধারণ কেবল যে নিজের কর্মের দ্বারাই আপনাদের এই হীনাবস্থা এনেছে, তা নয়। স্বতরাং তাহাদিগকে উন্নতি করবার আরও সুবিধা দিতে হবে। আমি সব জাতকে একাকার কত্তে বলি না। জাতি-বিভাগ খুব ভাল। এই জাতিবিভাগ-প্রণালীই আমরা অনুসরণ কত্তে চাই। জাতিবিভাগ যথার্থ কি, তা লাখে একজন বোঝে কিনা সন্দেহ। পৃথিবীতে এমন কোন দেশ নেই, যেখানে জাত নাই। ভারতে আমরা জাতিবিভাগের মধ্য দিয়া উহার অতীত অবস্থায় গিয়ে থাকি। জাতিবিভাগ ঐ মূলস্থত্রের উপরই প্রতিষ্ঠিত। ভারতে এই জাতিবিভাগ-প্রণালীর উদ্দেশ্য হচ্ছে, সকলকে ব্রাহ্মণ করা—ব্রাহ্মণই আদর্শ মানুষ। যদি ভারতের ইতিহাস পড়ে দেখ, তবে দেখবে, এখানে বরাবরই নিম্নজাতিকে উন্নত করবার চেষ্টা হয়েছে। অনেক জাতিকে উন্নত করা হয়েছেও। আরও অনেক হবে। শেষে সকলেই ব্রাহ্মণ হবে। এই আমাদের কার্য্য-প্রণালী। কাকেও নামাতে হবে না—সকলকে ওঠাতে হবে। আর এইটাই প্রধানতঃ ব্রাহ্মণদের কত্তে হবে, কারণ, প্রত্যেক অভিজাত সম্প্রদায়েরই কর্তব্য নিজের মূলোচ্ছেদ করা। \* আর যত শিগুগির তাঁরা এটা করেন, ততই সকলের পক্ষেই ভাল। এ

---

\* অভিজাত সম্প্রদায় যদি আপনাদের ধন, বিদ্যা, বুদ্ধি প্রভৃতি সর্বসাধারণের ভিতর ছড়িয়ে দেন, তবে অভিজাত সম্প্রদায় বোলে আলাদা কিছুই থাকে না। কায়েই উহাদের মূলোচ্ছেদ হয়।

স্বামী বিবেকানন্দের সহিত কথোপকথন ।

বিষয়ে দেরী করা উচিত নয়, বিন্দুমাত্র কালক্ষেপ করা উচিত নয় । ইউরোপ আমেরিকার জাতিবিভাগের চেয়ে ভারতের জাতিবিভাগ অনেক ভাল । অবশ্য আমি একথা বলি না যে ইহা একেবারে সম্পূর্ণ ভাল । যদি জাতিবিভাগ না থাকতো, তবে তোমরা থাকতে কোথায় ? জাতিবিভাগ না থাকলে তোমাদের বিত্তা ও আর আর জিনিষ কোথায় থাকতো ? জাতি-বিভাগ না থাকলে ইউরোপীয়-দের পড়বার জন্তে এ সব শাস্ত্রাদি কোথায় থাকতো ? মুসলমানরা ত সবই নষ্ট করে ফেলতো । ভারতীয় সমাজ স্থিতিশীল কবে দেখেছো ? ইহা সর্বদাই গতিশীল । কখন কখন, যেমন বিজাতীয় আক্রমণের সময়, এই গতি খুব মৃদু হয়েছিল, অল্প সময়ে আবার দ্রুত । আমি আমার স্বদেশীকে এই কথা বলি ! আমি তাদের গাল দিই না । আমি অতীতের দিকে দেখি । আর দেখতে পাই, দেশকাল অবস্থা বিবেচনা করলে কোন জাতেই এর চেয়ে মহৎ কর্ম কোত্তে পাত্তো না । আমি বলি, তোমরা বেশ কোরেছো, এখন আরও ভাল করবার চেষ্টা কর ।”

“জাতিবিভাগের সঙ্গে কর্মকাণ্ডের সম্বন্ধ বিষয়ে আপনার কি মত, স্বামীজি ?”

“জাতিবিভাগ-প্রণালীও ক্রমাগত বদলাচ্ছে, ক্রিয়াকাণ্ডও ক্রমাগত বদলাচ্ছে । কেবল মূল তত্ত্ব বদলাচ্ছে না । আমাদের ধর্ম কি, জ্ঞান্তে গেলে বেদ পড়তে হবে । বেদ ছাড়া আর সব শাস্ত্রই যুগভেদে বদলে যাবে । বেদের শাসন নিত্য । অত্যাগ শাস্ত্রের শাসন নির্দিষ্ট সময়ের জন্ত সীমাবদ্ধ । যেমন, কোন স্মৃতি একযুগের জন্ত আর একটা স্মৃতি আর এক যুগের জন্ত । বড় বড়



## কথোপকথন ।

মহাপুরুষ, অবতারেরা—সর্বদাই আশ্রয় আর কি ভাবে কাজ কত্তে হবে, দেখিয়ে যাচেন । কতকগুলি মহাপুরুষ নিম্নজাতির উন্নতির চেষ্টা কোরে গেছেন, কেউ কেউ, যেমন মধবাচার্য্য, স্ত্রীলোকদিগকে বেদ পড়বার অধিকার দিয়েছেন । জাতিবিভাগ কখন যেতে পারে না, তবে উহাকে মাঝে মাঝে নূতন ছাঁচে ঢালতে হবে । প্রাচীন সমাজপ্রণালীর ভিতর এমন জীবনীশক্তি আছে, যাতে সহস্র সহস্র নূতন প্রণালী গঠিত হতে পারে । জাতিবিভাগ উঠিয়ে দেবার ইচ্ছা করাও পাগলামি মাত্র । পুরাতনেরই নব বিবর্তন বা বিকাশ—ইহাই নূতন কার্য্যপ্রণালী ।”

“হিন্দুদের কি সমাজসংস্কারের দরকার নেই ?”

“খুব আছে । প্রাচীনকালে বড় বড় মহাপুরুষেরা উন্নতির নূতন নূতন প্রণালী বার কতেন, আর রাজারা আইন কোরে সেইটে চালিয়ে দিতেন । প্রাচীনকালে ভারতে এই রকম কোরেই সমাজের উন্নতি হতো । বর্তমান কালে এই রকম সামাজিক উন্নতি কোত্তে গেলে এমন একটা শক্তি চাই, যার কথা লোকে নেবে । এখন হিন্দু রাজা নেই, এখন লোকদের নিজেদেরই সমাজের সংস্কার, উন্নতি প্রভৃতির চেষ্টা কত্তে হবে । সুতরাং আমাদের ততদিন অপেক্ষা কত্তে হবে, যতদিন না লোকে শিক্ষিত হয়ে নিজেদের অভাব বোঝে, আর নিজেদের সমস্তা নিজেরাই পূরণ কোত্তে প্রস্তুত ও সমর্থ হয় । কোন সংস্কারের সময় সংস্কারের পক্ষে লোক খুব অল্পই পাওয়া যায়, এর চেয়ে আর দুঃখের বিষয় কিছু হতে পারে না । এই জন্য কেবল কতকগুলি কাল্পনিক সংস্কারে, ( যা কখন কার্য্যে পরিণত হবে না ) ব্যথা শক্তিক্ষয় না করে, আমাদের

স্বামী বিবেকানন্দের সহিত কথোপকথন ।

উচিত, একেবারে মূল থেকে প্রতীকারের চেষ্টা করা—এমন একদল লোক তৈরী করা, যারা আপনাদের আইন আপনারাই কোরবে। অর্থাৎ এর জগ্রে লোকদের শিক্ষা দিতে হবে—তাতে তারা নিজেদের সমস্তা নিজেরাই পূরণ কোরে নেবে। তা না হোলে এ সকল সংস্কার আকাশকুসুমই থেকে যায়। নূতন প্রণালী এই যে, নিজেদের দ্বারায় নিজেদের উন্নতি সাধন। ইহা কার্যো পরিণত কোত্তে সময় লাগবে, বিশেষতঃ ভারতবর্ষে; কারণ, প্রাচীনকালে এখানে বরাবরই রাজার অব্যাহত শাসন ছিল।”

“আপনি কি মনে করেন, হিন্দুসমাজ ইউরোপীয় সমাজের রীতিনীতি গ্রহণ কোত্তে কৃতকার্য হোতে পারে?”

“না, সম্পূর্ণরূপে নয়। আমি বলি যে, গ্রীক মন—যা ইউরোপীয় জাতির বহির্দুখীন শক্তিতে প্রকাশ পাচ্ছে—তার সঙ্গে হিন্দুধর্ম যোগ হোলে তাই ভারতের পক্ষে সমাজের আদর্শ হবে। উদাহরণস্বরূপ দেখুন, মিছামিছি শক্তিক্ষয়, আর দিনরাত কতকগুলো বাজে কাল্পনিক বিষয়ে বাক্যব্যয় না কোরে ইংরাজদের কাছ থেকে আত্মমাত্র নেতার তৎক্ষণাৎ আদেশ প্রতিপালন, ঈর্ষ্যাভাব, অদম্য অধ্যবসায় ও নিজেতে অনন্ত বিশ্বাস শেখা আমাদের পক্ষে বিশেষ দরকার। একজন ইংরাজ কাকেও নেতা বোলে স্বীকার কোল্লো তাকে সব অবস্থায় মেনে চলবে, সব অবস্থায় তার আজ্ঞা-ধীন হবে। ভারতে সবাই নেতা হোতে চায়, হুকুম তামিল কর্কার কেউ নেই। সকলেরই উচিত, হুকুম কর্কার আগে হুকুম তামিল কোত্তে শেখা। আমাদের ঈর্ষ্যার অন্ত নাই। আর যতই আমরা হীনশক্তি, ততই আমরা ঈর্ষ্যাপরায়ণ। যতদিন না এই ঈর্ষ্যা ঘেঁষ

## কথোপকথন ।

বায় ও নেতার আজাবহতা হিন্দুরা শিক্ষা করে, ততদিন একটা সমাজসংহতি হোতেই পারে না। ততদিন আমরা এই রকম ছোড়ভঙ্গ হয়ে থাকবো, কিছুই কোত্তে পারবো না। ইউরোপের কাছ থেকে ভারতের শিখতে হবে, বহিঃপ্রকৃতি জয় আর ভারতের কাছ থেকে ইউরোপের শিখতে হবে, অন্তঃপ্রকৃতি জয়। তাহলে আর হিন্দু, ইউরোপীয় বোলে কিছু থাকবে না, উভয়প্রকৃতিজয়ী এক আদর্শ মনুষ্যসমাজ গঠিত হবে। আমরা মনুষ্যত্বের একদিক ওরা আর একদিক বিকাশ কোরেছে। এই দুইটার মিলনই দরকার। মুক্তি, যা আমাদের ধর্মের মূলমন্ত্র, তার প্রকৃত অর্থই দৈহিক, মানসিক, আধ্যাত্মিক সব রকম স্বাধীনতা।”

“স্বামীজি, ক্রিয়াকাণ্ডের সঙ্গে ধর্মের কি সম্বন্ধ?”

“ক্রিয়াকাণ্ড হচ্ছে ধর্মের ‘কিণ্ডার গার্টেন’ বিভাগ। জগতের এখন যে অবস্থা, তাতে উহা এখন সম্পূর্ণ আবণ্টক। তবে লোককে নূতন নূতন অনুষ্ঠান দিতে হবে। কতকগুলি চিন্তাশীল ব্যক্তির উচিত, এই কাজের ভার লওয়া। পুরাতন ক্রিয়াকাণ্ড উঠিয়ে দিতে হবে, নূতন নূতন প্রবর্তন কত্তে হবে।”

“তবে আপনি ক্রিয়াকাণ্ড একেবারে উঠিয়ে দিতে বলেন, দেখছি।”

“না, আমার মূলমন্ত্র গঠন, বিনাশ নয়। বর্তমান ক্রিয়াকাণ্ড থেকে নূতন নূতন ক্রিয়াকাণ্ড কোত্তে হবে। সকল বিষয়েরই অনন্ত উন্নতি হবার সম্ভাবনা রয়েছে। ইহাই আমার বিশ্বাস। একটা পরমাণুর পশ্চাতে সমগ্র জগতের শক্তি রয়েছে। হিন্দু জাতির ইতিহাসে বরাবর কখনই বিনাশের চেষ্টা হয়নি, গঠনেরই চেষ্টা

স্বামী বিবেকানন্দের সহিত কথোপকথন ।

হয়েছে । এক সম্প্রদায় বিনাশের চেষ্টা কোল্লেন, তার ফলে ভারত থেকে তাড়িত হলেন—তাদের নাম বৌদ্ধ । আমাদের শঙ্কর, রামানুজ, চৈতন্য প্রভৃতি অনেক সংস্কারক হয়েছেন । তাঁরা সকলেই খুব বড় দরের সংস্কারক ছিলেন—তাঁরা সর্বদাই গঠনই করেছিলেন, তাঁরা যে দেশ-কাল অনুসারে সমাজ গঠন করেছিলেন । ইহাই আমাদের কার্য্যপ্রণালীর বিশেষত্ব । আমাদের আধুনিক সংস্কারক সকলেই ইউরোপীয় বিনাশকারী সংস্কার চালাতে চেষ্টা করেন—এতে কারও কোন উপকার হবেও না, হয়ও নি । কেবল একজন মাত্র আধুনিক সংস্কারক সম্পূর্ণ গঠনকারী ছিলেন—রাজা রামমোহন রায় । হিন্দু জাতি বরাবরই বেদান্তের আদর্শ কার্য্যে পরিণত করার চেষ্টা করে চলেছে । গুভাদৃষ্টই হউক, আর দুরদৃষ্টই হউক, সব অবস্থায় বেদান্তের এই আদর্শকে কার্য্যে পরিণত করবার প্রাণপণ চেষ্টাই—ভারতজীবনের সমগ্র ইতিহাস । যেখানে এমন কোন সংস্কারক সম্প্রদায় বা ধর্ম্ম উঠেছে, যারা বেদান্তের আদর্শ ছেড়ে দিয়েছে, তারা তৎক্ষণাৎ একেবারে উড়ে গেছে ।”

“আপনার এখানকার কার্য্যপ্রণালী কিরূপ ?”

“আমি আমার সঙ্কল্প কার্য্যে পরিণত করবার জন্ত দুটি শিক্ষালয় কতে চাই,—একটি মাদ্রাজে, আর একটি কলকাতায় । আর আমার সঙ্কল্প সংক্ষেপে বলতে গেলে এই বলতে হয় যে, বেদান্তের আদর্শ প্রত্যেকের জীবনে পরিণত করবার চেষ্টা—তা তিনি সাধুই হোন, অসাধুই হোন, জ্ঞানীই হোন, অজ্ঞানই হোন, ব্রাহ্মণই হোন আর চণ্ডালই হোন ।”

এইবার আমাদের প্রতিনিধি ভারতের রাজনৈতিক সমস্তা

কথোপকথন ।

সম্মুখে কতকগুলি প্রশ্ন করিলেন, কিন্তু তাহার কোন উত্তর পাবার  
আগেই ট্রেন মাদ্রাজের এগমোর স্টেশনের প্লাটফর্মে লাগিল ।  
এইটুকু মাত্র স্বামিজীর মুখ হতে শোনা গেল, তিনি ভারত ও  
ইংলণ্ডের সমস্যাসমূহের রাজনীতির সঙ্গে জড়ানোর ঘোর বিরোধী ।  
আমাদের প্রতিনিধি বিদায় গ্রহণ করিলেন ।

---

# পাশ্চাত্যদেশে প্রথম হিন্দু সন্ন্যাসীর প্রচারণার্য্য ও তাঁহার মতে ভারতের উন্নতির উপায় ।

( মান্দ্রাজ টাইম্‌স্, ফেব্রুয়ারি, ১৮৯৭ )

গত কয়েক সপ্তাহ ধরিয়া মান্দ্রাজের হিন্দুসাধারণ, পরম  
আগ্রহের সহিত জগদ্বিখ্যাত-কীর্তি হিন্দু-সন্ন্যাসীশ্রেষ্ঠ স্বামী  
বিবেকানন্দের আগমন প্রতীক্ষা করিতেছে। সকলের মুখেই তাঁহার  
নাম এখন শুনা যাইতেছে। মান্দ্রাজের স্কুল, কলেজ, হাইকোর্ট,  
সমুদ্রতীর, রাস্তাঘাট ও বাজারে শত শত অনুসন্ধিৎসু ব্যক্তি সকলকে  
জিজ্ঞাসা করিয়া বেড়াইতেছে, ‘স্বামিজি কবে আসিবেন।’  
মফঃস্বলের অনেক ছাত্র এখানে বিশ্ববিদ্যালয়ের পরীক্ষার্থ আসিয়া-  
ছিল—পরীক্ষান্তে বাটিতে ফিরিবার জন্ত পিতামাতার সাগ্রহ  
আহ্বান সত্ত্বেও স্বামিজিকে দেখিবার অপেক্ষায় তাহারা এখানে  
এখনও বসিয়া আছে এবং হোটেলের খরচ বাড়াইতেছে। কয়েক  
দিনের ভিতরেই স্বামিজী আমাদের নিকট আসিবেন। মান্দ্রাজ  
প্রেসিডেন্সির অত্র স্বামিজি যেক্রপ অভ্যর্থনা পাইয়াছেন, হিন্দু  
সাধারণের ব্যয়ে এই মহাপুরুষের বাসের জন্য নির্দিষ্ট ক্যাম্প্ কার্ণাণে  
বিজয়গোতক যে সকল তোরণ নির্মিত হইয়াছে ও অত্রায় যে  
সমস্ত আয়োজন চলিতেছে এবং মাননীয় জজ সুব্রহ্মণ্য আয়ারের  
তায় প্রধান প্রধান হিন্দু ভদ্র মহোদয়গণ এই অভ্যর্থনা-ব্যাপারে

## কথোপকথন ।

বেরূপ আগ্রহ দেখাইতেছেন, তাহা দেখিয়া মনে হয়, এখানে স্বামীজির অভ্যর্থনা খুব জমকালো গোছের হইবে। মাদ্রাজই সর্ব্বাঙ্গে স্বামীজির উচ্চ প্রতিভা, বুদ্ধিতে পারিয়া তাঁহার চিকাগো যাইবার সমুদয় বন্দোবস্ত করিয়া দিয়াছিল। অতএব মাতৃভূমির গৌরব বৃদ্ধির জন্ত যিনি এতদূর করিয়াছেন, সেই মহাপুরুষকে— কারণ, তিনি যে একজন মহাপুরুষ, তাহা নিঃসন্দেহ—অভ্যর্থনা করিবার স্মরণ ও গৌরব মাদ্রাজ এক্ষণে আবার পাইবে। চারি বর্ষ পূর্ব্বে যখন স্বামীজি এখানে পদার্পণ করেন, তখন তিনি প্রকৃত পক্ষে একজন অজ্ঞাতনামা পুরুষ ছিলেন। সেন্ট টোমের একটা অপরিচিত বাঙ্গলায় তিনি প্রায় দুইমাস কাটাইয়াছিলেন—যত দিন ছিলেন, ধর্ম্মবিষয়ে কথাবার্তা কহিতেন এবং যাহারা তাঁহার নিকট আসিত, তাহাদিগকে শিক্ষা দিতেন। কয়েকজন শিক্ষিত বুদ্ধিমান যুবক তখনই তাঁহাকে দেখিয়া বলিয়াছিল যে, তাঁহার ভিতর এমন কিছু শক্তি রহিয়াছে, যাহাতে তাহাকে সাধারণ সকলের অপেক্ষা শ্রেষ্ঠ করিবে, যাহাতে তাঁহাকে সমগ্র মানবজাতির নেতৃপদের বিশেষভাবে যোগ্য করিয়া তুলিবে। লোকে তখন এই যুবকবৃন্দকে ‘বিপথপরিচালিত উৎসাহীর দল,’ ‘কল্লনারাজ্য-সঞ্চরণশীল পুনরুত্থানকারীর দল’ প্রভৃতি বলিয়া ঘৃণা করিয়াছিল। এখন তাহারা ‘তাহাদের স্বামী’কে—তাহারা তাঁহাকে ঐ নামে নির্দেশ করিতেই ভালবাসে—ইউরোপ আমেরিকা-ব্যাপী যশ লইয়া তাহাদের নিকট ফিরিয়া আসিতে দেখিয়া পরম সন্তোষ লাভ করিতেছে। স্বামীজির প্রচারকার্য্য মুখ্যতঃ অধ্যাত্মবিষয়ক। তিনি একটা দৃঢ়ভাবে বিশ্বাস করেন যে, আধ্যাত্মিকতার জন্মভূমি

পাশ্চাত্য দেশে প্রথম হিন্দু সন্ন্যাসীর প্রচার ।

ভারতের ভবিষ্যৎ খুব উজ্জ্বল । বেদান্তোক্ত মহান্ সত্য বলিয়া তিনি যাহা নির্দেশ করিয়া থাকেন, পাশ্চাত্য দেশ যে দিন দিন তাহার অধিকতর আদর করিবে, এসম্বন্ধে তিনি হৃদয়ে প্রবল আশা রাখেন । তাঁহার মূলমন্ত্র “বিরোধ নহে—সহায়তা,” “বিনাশ নহে, পরভাব স্বায়ত্তাকরণ” “প্রতিদ্বন্দ্বিতা নহে, সময় ও শান্তি ।” অগ্ন্যাত্ত ধর্ম্ম-মতাবলম্বী ব্যক্তিগণের সহিত তাঁহার যতই মতভেদ থাকুক, কারণ, কেহ কেহ তাঁহার প্রচার কার্য্য, কেহ কেহ এমন কি, তাঁহার বক্তৃতাশক্তি লইয়া পর্য্যাপ্ত উপহাস করিয়াছে, খুব কম লোকেই একথা অস্বীকার করিতে সাহস করিবে যে, স্বামীজি হিন্দুগণের সঙ্গুণের দিকে পাশ্চাত্য জগতের দৃষ্ট খুলিয়া দিয়া দেশের সুসন্তানের কাজ করিয়াছেন । লোকে চিরকাল তাঁহাকে এই বলিয়া স্মরণ করিবে যে, তিনিই প্রথম হিন্দু সন্ন্যাসী, যিনি সমুদ্র পার হইয়া পাশ্চাত্য দেশে অকুতোভয়ে তাঁহার ধারণানুযায়ী ধর্ম্ম সময়ের বার্তা বহন করিয়াছিলেন । গত শনিবার আমাদের পত্রের জ্ঞৈনিক ভারতীয় প্রতিনিধি স্বামীজির নিকট হইতে পাশ্চাত্য দেশে তাঁহার ধর্ম্ম প্রচারের সফলতার বিবরণ জানিবার জন্ত তাঁহার সহিত সাক্ষাৎ করিয়াছিলেন । স্বামীজির শিষ্য সাক্ষেতিক লেখনবিৎ গুডউইন আমাদের প্রতিনিধিকে উক্ত মহাপুরুষের সহিত পরিচয় করাইয়া দিলেন । তিনি তখন একখানি সোফায় বসিয়া সাধারণ লোকের মত জলযোগ করিতেছিলেন । স্বামীজি আমাদের প্রতি-নিধিকে অতি ভদ্রভাবে অভ্যর্থনা করিয়া পার্শ্ববর্ত্তী একখানি চেয়ারে বসিতে বলিলেন । তিনি দেখিলেন, স্বামীজি গৈরিক-বসন পরিহিত ও তাঁহার আকৃতি ধীর স্থির শান্ত মহিমাব্যঞ্জক । তাঁহাকে



## কথোপকথন ।

দেখিয়া বোধ হইল, যেন যে কোন প্রণয় করা হইবে, তাহারই উত্তর দানে তিনি প্রস্তুত : আমাদের প্রতিনিধি সাক্ষাতিক লিপি ( Short-hand ) দ্বারা স্বামীজির কথাগুলি লিখিয়া লইয়াছিলেন, আমরা এস্থলে তাহাই প্রকাশ করিতেছি । অবশ্য একথা বলাই বাহুল্য যে, কোন ব্যক্তির সহিত কথাবার্তার রিপোর্ট প্রকাশ করিলেই যে তাহার সকল মতামতে সম্মতি প্রকাশ করা হইল, একথা ঠিক নহে ।

আমাদের প্রতিনিধি জিজ্ঞাসিলেন,

“স্বামীজি, আপনার বাল্যজীবন সম্বন্ধে আমি কি কিছু জানিতে পারি ?”

স্বামীজি বলিলেন, ( তাহার উচ্চারণে একটু বাঙ্গালী ধাঁজ পাওয়া যায় )

“কলিকাতায় বিদ্যালয়ে অধ্যয়নকাল হইতেই আমার প্রকৃতি ধর্মপ্রবণ ছিল । জীবনের ঐ কাল হইতেই আমার সকল জিনিষ পরীক্ষা করিয়া লওয়া স্বভাব ছিল—শুধু কথায় আমার তৃপ্তি হইত না । উহার কিছু কাল পরেই রামকৃষ্ণ পরমহংসের সহিত আমার সাক্ষাৎ হয়—তাঁহার সহিত দীর্ঘকাল বাস করিয়া তাঁহার নিকটেই আমি ধর্ম শিক্ষা করি । আমার পিতার ( গুরু ? ) দেহত্যাগের পর আমি ভারতে ভ্রমণ করিতে আরম্ভ করিলাম এবং কলিকাতায় একটা ক্ষুদ্র মঠ স্থাপন করিলাম । ভ্রমণ করিতে করিতে আমি মাদ্রাজে আসি, এবং মহীশূরের স্বর্গীয় রাজা, এবং রামনাদের রাজার নিকট সাহায্য লাভ করি ।”

“আপনি পাশ্চাত্য দেশে হিন্দুধর্ম প্রচার করিতে যাইলেন কেন ?”

পাশ্চাত্য দেশে প্রথম হিন্দু সন্ন্যাসীর প্রচার।

“আমার অভিজ্ঞতা সঞ্চয়ের ইচ্ছা হইয়াছিল। আমার মতে আমাদের জাতীয় অবনতির মূল কারণই—অপরাপর জাতির সহিত না মেশা। উহাই ঐ অবনতির একমাত্র কারণ। পাশ্চাত্যের সহিত আমরা কখন পরস্পরের ভাব তুলনায় আলোচনা করিবার সুযোগ পাই নাই। আমরা চিকাল কুপমণ্ডুক হইয়া রহিয়াছি।”

“আপনি পাশ্চাত্য দেশে বোধ হয় অনেক স্থানে ভ্রমণ করিয়াছেন?”

“আমি ইউরোপের অনেক স্থানে ভ্রমণ করিয়াছি—জার্মানিও ফ্রান্সেও গিয়াছি, তবে ইংলণ্ড ও আমেরিকাতেই আমার প্রধান কাৰ্য্যক্ষেত্র ছিল। প্রথমটা আমি একটু মুক্ছিলে পড়িয়াছিলাম। তাহার কারণ, ভারতবর্ষ হইতে বাঁহারা তথায় গিয়াছিলেন, তাঁহারা প্রায় সকলেই ভারতের লোকের বিরুদ্ধ পক্ষ অবলম্বন করিয়া-ছিলেন। আমার কিন্তু চিরকাল ধারণা, ভারতবাসীই সমগ্র জগতের মধ্যে সর্বাপেক্ষা নীতিপরায়ণ ও ধার্মিক জাতি। সেজ্ঞ হিন্দুর সহিত অণু কোন জাতিরই ঐ বিষয়ে তুলনা করাটা সম্পূর্ণ ভুল! সাধারণের নিকট হিন্দুজাতির শ্রেষ্ঠত্ব প্রচারের জন্ত প্রথম প্রথম অনেকে আমার ভয়ানক নিন্দাবাদ আরম্ভ করিয়াছিল এবং আমার বিরুদ্ধে নানা মিথ্যাকথারও সৃষ্টি করিয়াছিল। তাহারা বলিত, আমি একজন জুয়াচোর, আমার এক আধটা নয়, অনেকগুলি স্ত্রী ও এক পাল ছেলে আছে! কিন্তু ঐ সকল ধর্মপ্রচারকগণ সম্বন্ধে যতই আমি অভিজ্ঞতা লাভ করিলাম, ততই তাহারা ধর্মের নামে যে কতদূর অধর্ম করিতে পারে, তদ্বিষয়ে আমার চক্ষু খুলিয়া গেল। ইংলণ্ডে ঐরূপ মিশনারির উৎপাত কিছুমাত্র ছিল না। উহাদের

কেহই তথায় আমার সহিত লড়াই করিতে আসে নাই । মিষ্টার লাণ্ড আমেরিকায় আমার নামে গোপনে নিন্দা করিতে গিয়াছিলেন, কিন্তু লোকে তাঁহার কথা শুনিতে চাহিল না । কারণ, আমি তখন লোকের বড়ই প্রিয় হইয়া উঠিয়াছিলাম । আমি যখন পুনরায় ইংলণ্ডে আসিলাম, তখন ভাবিয়াছিলাম, এই মিশনরি তথায় আমার বিরুদ্ধে লাগিবেন, কিন্তু ‘টুথ’ সংবাদপত্র তাঁহাকে চুপ করাইয়া দিল । ইংলণ্ডের সামাজিক প্রণালী ভারতের জাতি-বিভাগ অপেক্ষাও কঠোরতর । ইংলিশ চার্চের প্রচারকদিগের সকলেরই ভদ্রবংশে জন্ম—মিশনরিদিগের অধিকাংশের কিন্তু তাহা নহে । তাঁহারা আমার সহিত যথেষ্ট সহানুভূতি প্রকাশ করিয়াছিলেন । আমার বোধ হয়, প্রায় ত্রিশ জন ইংলিশ চার্চের প্রচারক ধর্মবিষয়ক সর্বপ্রকার বিবাদাস্পদ কূট বিষয়ে আমার সহিত সম্পূর্ণ একমত । কিন্তু আমি দেখিয়াছি, ইংলণ্ডের প্রচারক বা পুরোহিতগণ ঐ সকল বিষয়ে আমার সহিত মতভেদ হইলেও কখন গোপনে আমার নিন্দাবাদ করেন নাই—ইহাতে আমার আনন্দ ওবিস্ময় উভয়ই হইয়াছিল । জাতিবিভাগ ও বংশপরম্পরাগত শিক্ষার উহাই গুণ ।”

“আপনি পাশ্চাত্য দেশে ধর্মপ্রচারে কতদূর কৃতকার্য হইয়াছিলেন ?”

“আমেরিকার অনেক লোকে—ইংলণ্ড অপেক্ষা অনেক বেশী লোকে—আমার সহিত সহানুভূতি প্রকাশ করিয়াছিল । নিম্নজাতীয় মিশনরিগণের নিন্দা তথায় আমার কার্যের সহায়তাই করিয়াছিল । আমেরিকা পৌঁছবার কালে আমার কাছে টাকাকড়ি বিশেষ ছিল

পাশ্চাত্য দেশে প্রথম হিন্দু সন্ন্যাসীর প্রচার ।

না ।—ভারতের লোকে আমার কেবল ঘাইবার ভাড়াটা মাত্র দিয়াছিল । তাহা অতি অল্প দিনের খরচ হইয়া যায় । সেজন্য এখানে যেমন সেখানেও তদ্রূপ সাধারণের দয়ার উপর নির্ভর করিয়াই আমার বাস করিতে হইয়াছিল । মার্কিনেরা বড়ই আতিথেয় । আমেরিকার এক-তৃতীয়াংশ লোক খ্রীষ্টিয়ান । অবশিষ্ট সকলের কোন ধর্ম নাই, অর্থাৎ তাহারা কোন বিশেষ সম্প্রদায়ভুক্ত নহে ; কিন্তু তাহাদের মধ্যেই বিশিষ্ট ধার্মিক লোক দেখিতে পাওয়া যায় । তবে বোধ হয়, ইংলণ্ডে আমার যেটুকু কাজ হইয়াছে, তাহা পাকা হইয়াছে । যদি আমি কাল মরিয়া যাই এবং কার্য্য চালাইবার জন্য সেখানে কোন সন্ন্যাসী পাঠাইতে না পারি, তাহা হইলেও ইংলণ্ডের কার্য্য চলিবে । ইংরেজ খুব ভাল লোক । অতি বাল্যকাল হইতেই তাহাকে সমুদয় ভাব চাপিয়া রাখিতে শিক্ষা দেওয়া হয় । ইংরেজের মস্তিষ্ক একটু মোটা, ফরাসী বা মার্কিনের মত চট করিয়া সে কোন জিনিষ ধরিতে পারে না । কিন্তু ইংরাজ ভারী দৃঢ়কর্মা । মার্কিন জাতির এখনও এত অধিক বয়স হয় নাই যে, তাহারা ত্যাগ মাহাত্ম্য বুঝিবে । ইংলণ্ড শত শত যুগ ধরিয়া বিলাসিতা ও ঐশ্বর্য্য ভোগ করিয়াছে—সেজন্য তথায় অনেকেই এখন ত্যাগের জন্য প্রস্তুত ! প্রথমবার ইংলণ্ডে ঘাইয়া যখন আমি বক্তৃতা আরম্ভ করি, তখন আমার ক্লাসে বিশ ত্রিশ জন মাত্র ছাত্র আসিত । তথা হইতে আমার আমেরিকা চলিয়া যাওয়ার পরেও ঐরূপ ক্লাস চলিতে থাকে । পরে পুনরায় যখন আমেরিকা হইতে ইংলণ্ডে ফিরিয়া গেলাম, তখন আমি ইচ্ছা করিলেই এক সহস্র শ্রোতা পাইতাম । আমেরিকায় উহা অপেক্ষাও অনেক অধিক

## কথোপকথন ।

যে শ্রোতা পাইতাম, কারণ, আমি আমেরিকায় তিন বৎসর ও ইংলণ্ডে এক বৎসর মাত্র কাটাইয়াছিলাম । আমি ইংলণ্ডে একজন ও আমেরিকায় একজন সন্ন্যাসী রাখিয়া আসিয়াছি । অত্যাশ্চর্য্য দেশেও ঐক্যপ্রেম প্রচারকার্য্যের জন্য আমার সন্ন্যাসী পাঠাইবার ইচ্ছা আছে ।”

“ইংরাজ জাতি বড় কঠোর কর্ম্মী ! তাহাদিগকে যদি একটা ভাব দিতে পারা যায়, অর্থাৎ ঐ ভাবটী যদি তাহারা যথার্থই ধরিয়া থাকে, তবে নিশ্চিত জানিবেন, উহা বৃথায় বাইবে না । এদেশের লোকে এখন বেদে জলাঞ্জলি দিয়াছে ; সমুদয় ধর্ম্ম ও দর্শন এখন এদেশে রান্নাঘরে ঢুকিয়াছে । ‘ছুৎমার্গ’ই ভারতের বর্তমান ধর্ম্ম—এ ধর্ম্ম ইংরাজ কোন কালেই লইবে না ; কিন্তু আমাদের পূর্ব্ব-পুরুষদের চিন্তাসমূহ এবং তাহারা দার্শনিক ও আধ্যাত্মিক জগতে যে অপূর্ব্ব তত্ত্বসমূহের আবিষ্কার করিয়াছিলেন, তাহা প্রত্যেক জাতিই গ্রহণ করিবে । ইংলিশ চার্চের বড় বড় মাতব্বর ব্যক্তি সকল বলিতেন, আমার চেষ্টায় বাইবেলের ভিতর বেদান্তের ভাব প্রবিষ্ট হইয়া গিয়াছে । আধুনিক হিন্দুধর্ম্ম আমাদের প্রাচীন ধর্ম্মের অবনত ভাব মাত্র । পাশ্চাত্য দেশে আজকাল যে সকল দার্শনিক গ্রন্থ প্রণীত হইতেছে, তাহাদের মধ্যে এমন একখানিও নাই, যাহাতে আমাদের বৈদান্তিক ধর্ম্মের কিছু না কিছু প্রসঙ্গ নাই । হার্বার্ট স্পেন্সরের গ্রন্থে পর্য্যন্তও ঐক্যপ্রেম আছে । এখন দর্শনরাজ্যে অদ্বৈতবাদেরই কাল পড়িয়াছে—সকলেই এখন উহার কথা কয় । তবে ইউরোপে তাহারা উহাতেও নিজেদের মৌলিকত্ব দেখাইতে চায় । এদিকে হিন্দুদের প্রতি তাহারা অতিশয় ঘৃণা

পাশ্চাত্য দেশে প্রথম হিন্দু সন্ন্যাসীর প্রচার ।

প্রকাশ করিয়া থাকে, কিন্তু আবার হিন্দুদের প্রচারিত সত্য সকল লইতেও ছাড়ে না । অধ্যাপক ম্যাক্সমুলার একজন পুরা বৈদান্তিক, তিনি বেদান্তের জ্ঞান যথেষ্ট করিয়াছেন । তিনি পুনর্জন্মবাদ বিশ্বাস করেন ।”

“আপনি ভারতের পুনরুদ্ধারের জ্ঞান কি করিতে ইচ্ছা করেন ?”

“আমার মনে হয়, দেশের ইতর সাধারণ লোককে অবহেলা করাই আমাদের প্রবল জাতীয় পাপ এবং তাহাই আমাদের অবনতির একটা কারণ । যতদিন না ভারতের সর্বসাধারণ উত্তমরূপে শিক্ষিত হইতেছে, উত্তমরূপে থাইতে পাইতেছে, অভিজাত ব্যক্তির যতদিন না তাহাদের উত্তমরূপে যত্ন লইতেছে, ততদিন যতই রাজনীতির আন্দোলন করা হউক না কেন, কিছুতেই কিছু ফল হইবে না । ঐ সকল জাতিরা আমাদের শিক্ষার জ্ঞান (রাজকর-রূপে) পয়সা দিয়াছে । আমাদের ধর্ম্মলাভের জ্ঞান (শারীরিক পরিশ্রমে) বড় বড় মন্দির নির্মাণ করিয়া দিয়াছে । কিন্তু এই সকলের বিনিময়ে তাহারা চিরকাল লাখিই খাইয়া আসিয়াছে । তাহারা প্রকৃতপক্ষে আমাদের ক্রীতদাসস্বরূপ হইয়া আছে । যদি আমরা ভারতের পুনরুদ্ধার করিতে ইচ্ছা করি, তাহা হইলে আমাদের দিগকে তাহাদের জ্ঞান কার্য্য অবশ্য করিতে হইবে । আমি যুবক-গণকে ধর্ম্মপ্রচারকরূপে শিক্ষিত করিবার জ্ঞান প্রথমে দুইটা কেন্দ্রীয় শিক্ষালয় বা মঠ স্থাপন করিতে চাই—একটা মাদ্রাজে ও অপরটা কলিকাতায় । কলিকাতারটা স্থাপন করিবার মত টাকার জোগাড় আমার আছে । আমার উদ্দেশ্য সিদ্ধির জ্ঞান ইংরাজেরাই (বিদেশীরাই) টাকা দিতে প্রতিশ্রুত আছেন ।”

## কথোপকথন ।

“উদীয়মান যুবক সম্প্রদায়ের উপরে আমার বিশ্বাস । তাহাদের ভিতর হইতেই আমি কর্ম্মী পাইব । তাহারাই সিংহের শ্রায় বিক্রমে দেশের যথার্থ উন্নতিকল্পে সমুদয় সমস্তা পূরণ করিবে । বর্তমানে অন্ত্যেষ্টেয় আদর্শটীকে আমি একটা স্থানির্দিষ্ট আকারে ব্যক্ত করিয়াছি এবং উহা কার্য্যাতঃ সফল করিবার জন্ত আমার জীবন সমর্পণ করিয়াছি । যদি আমি ঐ বিষয়ে সিক্কিলাভ না করি, তাহা হইলে আমার পরে আমা অপেক্ষা শ্রেষ্ঠ ব্যক্তি কেহ ভবিষ্যতে জন্মগ্রহণ করিয়া উহা কার্য্যে পরিণত করিবে । আমি উহার জন্ত প্রাণপণে চেষ্টা করিয়াই সন্তুষ্ট থাকিব । আমার মতে বর্তমান ভারতের সমস্তা সমাধান একমাত্র দেশের সর্বস্বসাধারণকে তাহাদের অধিকার প্রদানেই সম্পন্ন হইবে । জগতের মধ্যে ভারতের ধর্ম্মই সর্বশ্রেষ্ঠ, অথচ দেশের সর্বস্বসাধারণকে কেবল কতকগুলো ভূয়া জিনিষ দিয়াই আমরা চিরকাল ভুলাইয়া আসিয়াছি । সম্মুখে অনন্ত উৎস প্রবাহিত থাকিলেও, আমরা তাহাদিগকে পয়ঃপ্রণালীর জলমাত্র পান করিতে দিয়াছি । দেখুন না, মাল্জাজের গ্রাজুয়েটগণ একজন নিম্নজাতীয় লোককে স্পর্শ পর্য্যন্ত করিবেন না, কিন্তু নিজেদের শিক্ষার সহায়তাকল্পে তাহার নিকট হইতে ( রাজকর বা অগ্র কোন উপায়ে ) টাকা লইতে প্রস্তুত । আমি প্রথমেই ধর্ম্ম প্রচারকগণের শিক্ষার জন্ত পূর্বোক্ত দুইটি শিক্ষালয় স্থাপন করিতে ইচ্ছা করি—তাহারা সর্বস্বসাধারণকে ধর্ম্ম ও লৌকিক বিদ্যা উভয়ই শিখাইবে । তাহারা এক কেন্দ্র হইতে অগ্র কেন্দ্র বিস্তার করিবে—এইরূপে ক্রমে আমরা সমগ্র ভারতে ছাইয়া পড়িব । আমাদের সর্বাপেক্ষা গুরুতর প্রয়োজন—নিজের উপর বিশ্বাসসম্পন্ন হওয়া ; এমন কি, ভগবানে

পাশ্চাত্য দেশে প্রথম হিন্দু সন্ন্যাসীর প্রচার ।

বিশ্বাস করিবার পূর্বেও সকলকে আত্মবিশ্বাসসম্পন্ন হইতে হইবে ।  
ভ্রুংখের বিষয়, ভারতবাসী আমরা দিন দিন এই আত্মবিশ্বাস  
হারাইতেছি । সংস্কারকগণের বিরুদ্ধে আমার ঐ জন্তুই এত  
আপত্তি । গোঁড়াদের ভাব অপরিণত হইলেও, তাহাদের নিজেদের  
প্রতি অধিক বিশ্বাস আছে । সেজন্তু তাহাদের মনের তেজও বেশী ।  
কিন্তু এখনকার সংস্কারকেরা ইউরোপীয়দিগের হাতের পুতুল মাত্র  
হইয়া দাঁড়াইয়া তাহাদের অহমিকার পোষকতাই করিয়া থাকে ।  
অগ্ৰাভ্য দেশের সহিত তুলনায় আমাদের দেশের জনসাধারণ দেবতা-  
স্বরূপ । ভারতই একমাত্র দেশ, যেখানে দারিদ্র্য পাপ বলিয়া গণ্য  
নহে । নীচ বর্ণের ভারতবাসীদেরও শরীর দেখিতে সুন্দর—  
তাহাদের মনেরও কমনীয়তা যথেষ্ট । কিন্তু অভিজাত আমরা  
তাহাদিগকে ক্রমাগত ঘৃণা করিয়া আসার দরুণই তাহারা আত্ম-  
বিশ্বাস হারাইয়াছে । তাহারা মনে করে, তাহারা দাস হইয়াই  
জন্মিয়াছে । তাহাদিগকে তাহাদের অধিকার প্রদান করিলেই  
তাহারা তাহাদের নিজের উপর নির্ভর করিয়া উঠিয়া দাঁড়াইবে ।  
ইতর সাধারণকে ঐরূপে অধিকার প্রদান করাই মার্কিন সভ্যতার  
মহত্ত্ব । হাঁটুভাঙ্গা, অর্দ্ধাশনক্রিষ্ট, হাতে একটা ছোট ছড়ি ও এক পুঁটলি  
কাপড় চোপড় লইয়া সবে মাত্র জাহাজ হইতে আমেরিকায় নামি-  
তেছে, এতাদৃশ্যকার একজন আইরিশম্যানের সহিত তাহার কয়েক  
মাস আমেরিকায় বাসের পরের অবস্থা ও আকারের তুলনা করুন ।  
দেখিবেন, তাহার তখন সে সভ্য ভাব গিয়াছে—সে সদর্পে বেড়াইয়া  
বেড়াইতেছে । কারণ—সে এমন দেশ হইতে আসিয়াছিল,  
যেখানে সে আপনাকে দাস বলিয়া জানিত ; এখন এমন স্থানে



আসিয়াছে, যেখানে সকলেই পরস্পর ভাই ভাই ও সমানাধিকার-প্রাপ্ত ।”

“বিশ্বাস করিতে হইবে যে আত্মা—অবিনাশী, অনন্ত ও সর্ব-শক্তিমান্ । আমার বিশ্বাস—গুরুর সহিত সাক্ষাৎ সংস্পর্শে আসিয়া গুরুগৃহবাসেই প্রকৃত শিক্ষা হইয়া থাকে । গুরুর সহিত সাক্ষাৎ সংস্পর্শে না আসিলে কোনরূপ শিক্ষাই হইতে পারে না । আমাদের বর্তমান বিশ্ববিদ্যালয়গুলির কথা ধরুন । পঞ্চাশ বৎসর উহাদের প্রতিষ্ঠা হইয়াছে—কিন্তু ফলে কি দাঁড়াইয়াছে ? উহারা একজনও মৌলিকভাবসম্পন্ন ব্যক্তি প্রসব করে নাই । উহারা কেবলমাত্র পরীক্ষাসজ্জকরূপে দণ্ডায়মান রহিয়াছে । সাধারণের কল্যাণের জ্ঞান আত্মত্যাগের ভাব আমাদের ভিতর এখনও কিছুমাত্র বিকাশপ্রাপ্ত হয় নাই ।”

“মিসেস বেসান্ট ও থিওসফি সম্বন্ধে আপনার কি মত ?”

“মিসেস বেসান্ট একজন খুব ভাল জ্ঞানীলোক । আমি তাঁহার লগুনের লজে ( Lodge—বক্তৃতাগৃহ ) বক্তৃতা দিতে নিমন্ত্রিত হইয়াছিলাম । আমি সাক্ষাৎ সম্বন্ধে তাঁহার বিষয়ে বিশেষ কিছু জানি না । তবে আমাদের ধর্মসম্বন্ধে তাঁহার জ্ঞান বড় অল্প । তিনি এদিক্ ওদিক্ হইতে একটু আধটু ভাব সংগ্রহ করিয়াছেন মাত্র । সম্পূর্ণভাবে হিন্দুধর্ম আলোচনায় তাঁহার অবসর হয় নাই । তবে তিনি যে একজন পরম অকপট মহিলা, তাহা তাঁহার পরম শত্রুতেও স্বীকার করিবে । ইংলণ্ডে তিনি সর্বশ্রেষ্ঠ বক্তা বলিয়া পরিগণিত হইয়া থাকেন । তিনি একজন সন্ন্যাসিনী । কিন্তু আমি ‘মহাত্মা,’ ‘কুথুমি’ প্রভৃতিতে বিশ্বাসী নহি । তিনি থিওজফিক্যাল

পাশ্চাত্য দেশে প্রথম হিন্দু সন্ন্যাসীর প্রচার ।

সোসাইটীর সংস্রব ছাড়িয়া দিন এবং নিজের পায়ে নিজে দাঁড়াইয়া যাহা সত্য মনে করেন, তাহা প্রচার করুন ।”

সমাজ সংস্কার সম্বন্ধে কথা পড়িলে স্বামীজি বিধবা-বিবাহ সম্বন্ধে নিজের মত এই ভাবে প্রকাশ করিলেন :—

“আমি এখনও এমন কোন জ্ঞাতি দেখি নাই, যাহার উন্নতি বা শুভাশুভ অদৃষ্ট তাহার বিধবাগণের পতিসংখ্যার উপর নির্ভর করিয়াছে ।”

আমাদের প্রতিনিধি জানিতেন, কয়েক জন ব্যক্তি স্বামীজির সহিত সাক্ষাৎকার লাভের জন্ত নীচের তলায় অপেক্ষা করিতে-ছিলেন । সুতরাং তিনি যে সংবাদপত্রের তরফ হইতে এইরূপ উৎপীড়ন সহ্য করিতে দয়া পূর্বক সম্মত হইয়াছিলেন, তজ্জন্ত তাঁহাকে ধন্যবাদ প্রদান করিয়া আমাদের প্রতিনিধি এইবার বিদায় গ্রহণ করিলেন ।

এখানে বলা বাইতে পারে, স্বামীজির সঙ্গে মিষ্টার ও মিসেস্ জে, এইচ, সেভিয়ার, মিষ্টার টি, জি, হ্যারিসন ( কলম্বো নিবাসী জনৈক বৌদ্ধ ভদ্রলোক ) এবং মিষ্টার জে, জে, গুডউইন আছেন । প্রকাশ যে, মিষ্টার ও মিসেস্ সেভিয়ার স্বামীজির সহিত এখানে আসিয়াছেন হিমালয়বাসের জন্ত । স্বামীজির যে সকল পাশ্চাত্য শিষ্যের ভারতবাসের ইচ্ছা হইবে, তাহাদের জন্ত তথায় একটা বাসস্থান নির্মাণ করিবার তাঁহাদের সংকল্প আছে । বিশ বৎসর ধরিয়া মিষ্টার ও মিসেস্ সেভিয়ার কোন বিশেষ ধর্ম্মমতের অনুসরণ করেন নাই । সর্বসম্প্রদায়ের সাধারণ প্রচারকদিগের নিকট তাঁহারা যে সকল মত শুনিতেন, তাহাতে তাঁহাদের সন্তোষ হইত না । স্বামীজি

## কথোপকথন ।

প্রদত্ত কয়েকটা বক্তৃতা শুনিয়াই তাঁহাদের প্রাণে ধারণা হয় যে, তাঁহারা এক্ষণে এমন এক ধর্ম পাইয়াছেন, যাহাতে তাঁহাদের হৃদয় ও বুদ্ধিবৃত্তি উভয়ই তৃপ্ত হইয়াছে । তাহার পর তাঁহারা সুইজারলণ্ড, জার্মানি ও ইতালিতে স্বামীজির সঙ্গে সঙ্গে বেড়াইয়া এক্ষণে ভারত-বর্ষে আসিয়াছেন । মিষ্টার গুডউইন ইংলণ্ডে সংবাদপত্র পরিচালনা করিতেন, চৌদ্দমাস পূর্বে নিউইয়র্কে তাঁহার সহিত স্বামীজির প্রথম সাক্ষাৎ হয় । ক্রমে তিনিও স্বামীজির শিষ্য হইয়া সংবাদপত্রের সংশ্লষ ত্যাগ করেন । এক্ষণে স্বামীজির সেবাতেই তিনি মন প্রাণ সমর্পণ করিয়াছেন এবং সাঙ্কেতিক লিপি দ্বারা তাঁহার বক্তৃতা সকল লিখিয়া লইয়া থাকেন । তিনি বাস্তবিক সর্ব প্রকারেই স্বামীজির শিষ্যত্ব গ্রহণ করিয়াছেন এবং বলেন, আমি আশা করি, আমরণ স্বামীজির সঙ্গে থাকিব ।

# জাতীয় ভিত্তিতে হিন্দুধর্মের পুনর্বোধন ।

( প্রবুদ্ধ ভারত, সেপ্টেম্বর, ১৮৯৮ । )

সম্প্রতি ‘প্রবুদ্ধ ভারতে’র জনৈক প্রতিনিধি কতকগুলি বিষয়ে স্বামী বিবেকানন্দের মতামত জানিবার জন্ত তাঁহার সহিত সাক্ষাৎ করিয়াছিলেন । তিনি সেই আচার্য্যশ্রেষ্ঠকে জিজ্ঞাসা করেন,—

“স্বামীজি, আপনার মতে আপনার ধর্মপ্রচারের বিশেষত্ব কি ?”

স্বামীজি প্রশ্ন শুনিবামাত্র উত্তর করিলেন, “পরব্যুহভেদ (aggression), অবশ্য এই শব্দ কেবল আধ্যাত্মিক অর্থেই ব্যবহার করিতেছি । অত্যাচার সমাজ ও সম্প্রদায় ভারতের সর্বত্র প্রচার করিয়াছেন, কিন্তু বুদ্ধের পর আমরাই প্রথম ভারতের সীমা লঙ্ঘন করিয়াছি এবং সমগ্র জগতে ধর্মপ্রচারের তরঙ্গ প্রবাহিত করিতে চেষ্টা করিতেছি ।”

“আর ভারতের পক্ষে আপনার ধর্ম্মান্দোলন কোন্ উদ্দেশ্য সাধন করিবে বলিয়া আপনি মনে করেন ?”

“হিন্দুধর্ম্মের সাধারণ ভিত্তিসমূহ আবিষ্কার এবং ঐ গুলিকে জাতীয় দৃষ্টিসমক্ষে জাগ্রত করিয়া দেওয়া । বর্তমান কালে হিন্দু বলিতে ভারতের তিনটী সম্প্রদায় বুঝায় । ১ম, গোঁড়া বা গতানুগতিক সম্প্রদায় ; ২য়, মুসলমান আমলের সংস্কারক সম্প্রদায়সমূহ

## কথোপকথন ।

এবং ওয়, বর্তমান কালের সংস্কারক সম্প্রদায়সমূহ । আজকাল দেখি, উত্তর দক্ষিণ পর্য্যন্ত সকল হিন্দু কেবল একটা বিষয়ে একমত—গোমাংস ভোজনে সকল হিন্দুরই আপত্তি ।”

“বেদবিধায়ে কি সকলেই একমত নহে ?”

“মোটেরই না । ঠিক এইটাই আমরা পুনরায় জাগাইতে চাই । ভারত এখনও বুদ্ধের ভাব আত্মসাৎ করিতে পারে নাই । বুদ্ধের বাণী শুনিয়া প্রাচীন ভারত মদ্রমুগ্ধবৎই হইয়াছে, নব বলে সঞ্জীবিত হয় নাই ।”

“বর্তমান কালে ভারতে বৌদ্ধ ধর্ম্মের প্রভাব আপনি কি বিষয়ে প্রতিভাত দেখিতেছেন ?”

“বৌদ্ধধর্ম্মের প্রভাব ত সর্বত্র জাজ্জল্যমান দেখা যায় । আপনি দেখিবেন, ভারত কখন কোন কিছু পাইয়া হারায় না, কেবল উহাকে আশ্রয় করিতে—নিজের রক্তমাংস করিয়া লইতে—উহার সময়ের প্রয়োজন হয় । বুদ্ধ যজ্ঞে প্রাণিবধের মূলে কুঠারাঘাত করিলেন ভারত সেই ভাব আর ঝাড়িয়া ফেলিতে পারেন নাই । বুদ্ধ বলিলেন, ‘গোবধ করিও না’,—এখন দেখুন আমাদের পক্ষে গোবধ অসম্ভব ব্যাপার হইয়া দাঁড়াইয়াছে ।”

“স্বামীজি, আপনি পূর্বে যে তিন সম্প্রদায়ের নাম করিলেন, তন্মধ্যে আপনি নিজেকে কোন্ সম্প্রদায়ভুক্ত মনে করেন ?”

স্বামীজি বলিলেন,—“আমি উক্ত সমুদয় সম্প্রদায়ভুক্ত । আমরাই ঠিক গোঁড়া হিন্দু ।”

এই কথা বলিয়াই তিনি সহসা প্রবল আবেগভরে ও গম্ভীরভাবে বলিলেন, “কিন্তু ‘ছুৎমার্গের’ সহিত আমাদের কিছুমাত্র সংশ্রব

## জাতীয় ভিত্তিতে হিন্দুধর্মের পুনর্বোধন ।

নাই। উহা হিন্দুধর্ম নহে, উহা আমাদের কোন শাস্ত্রে নাই। উহা প্রাচীন আচারের অননুমোদিত একটি কুসংস্কার—  
আর চিরদিনই উহা জাতীয় অভ্যাদয়ের প্রতিবন্ধকতাচরণ করিয়াছে।”

“তাহা হইলে আপনি আসল চান এই জাতীয় অভ্যাদয়?”

“নিশ্চিত। ভারত কেন সমগ্র আৰ্য্যজাতির পশ্চাদ্দেশে পড়িয়া থাকিবে, তাহার কি কোন যুক্তি আপনি নির্দেশ করিতে পারেন? ভারত কি বুদ্ধিবৃত্তিতে হীন? কলাকৌশলে? উহার শিল্প, উহার গণিত, উহার দর্শনের দিকে দেখিলে আপনি কি উহাকে কোন বিষয়ে হীন বলিতে পারেন? কেবল প্রয়োজন এইটুকু যে, তাহাকে মোহনিদ্রা হইতে—শত শত শতাব্দীব্যাপী দীর্ঘ নিদ্রা হইতে—জাগিতে হইবে এবং জগতের সমগ্র জাতির মধ্যে তাহার যে প্রকৃত কার্য্য, তাহা গ্রহণ করিতে হইবে।”

“কিন্তু ভারত চিরদিনই গভীর অন্তর্দৃষ্টিসম্পন্ন। উহাকে কার্য্যকুশল করিবার চেষ্টা করিতে গেলে উহা নিজের একমাত্র সম্বল—ধর্মরূপ পরম ধন হারাইতে পারে, আপনার এরূপ আশঙ্কা হয় না কি স্বামীজি?”

“কিছু মাত্র হয় না। অতীতের ইতিহাসে দেখা যায় যে, এতদিন ধরিয়া ভারতের আধ্যাত্মিক বা অন্তর্জীবন ও পাশ্চাত্য দেশের বাহ্য জীবন বা কর্ম্মকুশলতা বিকাশপ্রাপ্ত হইয়া আসিয়াছে। এ পর্য্যন্ত উভয়ের বিপরীত পথে উন্নতির দিকে অগ্রসর হইতে-ছিল; এক্ষণে উভয়ে সম্মিলনের কাল উপস্থিত হইয়াছে। রামকৃষ্ণ পরমহংস গভীর অন্তর্দৃষ্টিপরায়ণ ছিলেন, কিন্তু বহির্জগতেও তাঁহার

কথোপকথন ।

মত কক্ষতৎপরতা আর কাহার আছে ? ইহাই রহস্য । জীবন,  
—সমুদ্রের তায় গভীর হইবে বটে, আবার আকাশের মত প্রশস্ত  
হওয়াও চাই ।”

স্বামীজি বলিতে লাগিলেন :—

“আশ্চর্যের বিষয় অনেক সময় দেখা যায়, বহিরের পারিপার্শ্বিক  
অবস্থাগুলি সক্ষীর্ণতার পরিপোষক ও উন্নতির প্রতিকূল হইলেও  
আধ্যাত্মিক জীবন খুব গভীরভাবে বিকাশপ্রাপ্ত হইয়াছে । কিন্তু  
এই দুই বিপরীত ভাবের পরস্পর একত্রাবস্থান আকস্মিক মাত্র,  
অপরিহার্য্য নহে । আর যদি আমরা ভারতে ঐ বিষয়টার প্রতীকার  
করিতে পারি, তবে সমগ্র জগৎও ঠিক পথে চলিবে । কারণ,  
মূলে আমরা কি সকলেই এক নহি ?”

“স্বামীজি, আপনার শেষ মন্তব্যগুলি শুনিয়া আর একটা প্রশ্ন  
মনে উদয় হইতেছে । এই প্রবুদ্ধ হিন্দুধর্মে শ্রীরমেক্ষের স্থান  
কোথায় ?”

স্বামীজি বলিলেন,—

“এ বিষয়ের মীমাংসার ভার আমার নহে । আমি কখন কোন  
ব্যক্তিবিশেষকে প্রচার করি নাই । আমার নিজের জীবন এই  
মহাত্মার প্রতি অগাধ শ্রদ্ধাভক্তিবশে পরিচালিত, কিন্তু অপরে  
আমার এই ভাব কতদূর গ্রহণ করিবে, তাহা তাহারাই নিজেরাই  
স্থির করিবে । যতই বড় ইউক, কেবল একটা নির্দিষ্ট জীবনখাত  
দিয়াই চিরকাল জগতে ঐশ্বর্য্যস্রোত প্রবাহিত হয় না । প্রত্যেক  
যুগকে নূতন করিয়া আবার ঐ শক্তি লাভ করিতে হইবে । কারণ,  
আমরাও কি সকলে ব্রহ্মস্বরূপ নহি ?”

জাতীয় ভিত্তিতে হিন্দুধর্মের পুনর্বোধন ।

“ধন্যবাদ । আমার আপনাকে আর একটামাত্র প্রশ্ন জিজ্ঞাসা করিবার আছে । আপনি আপনার নিজ জাতির পক্ষে আপনার প্রচারকার্যের উদ্দেশ্য ও সার্থকতা বর্ণন করিয়াছেন । এই ভাবে উহার প্রণালীটি এখন বর্ণনা করিবেন কি ?”

স্বামীজি বলিলেন,

“আমাদের কার্য্যপ্রণালী অতি সহজেই বর্ণিত হইতে পারে । ঐ প্রণালী আর কিছুই নহে, কেবল জাতীয় জীবনাদর্শকে পুনরায় স্থাপিত করা । বুদ্ধ ত্যাগ প্রচার করিলেন, ভারত শুনিল, কিন্তু ছয় শতাব্দী যাইতে না যাইতে সে তাহার সর্বোচ্চ গৌরবশিখরে আরোহণ করিল । ইহাই রহস্য । ত্যাগ ও সেবাই ভারতের জাতীয় আদর্শ—ঐ দুইটা বিষয়ে উহাকে উন্নত করুন, তাহা হইলে অবশিষ্ট যা কিছু আপনা আপনিই উন্নত হইবে । এদেশে ধর্মের নিশান যতই উচ্চ করা হউক, কিছুতেই পর্যাপ্ত হয় না । কেবল ইহার উপরেই ভারতের উদ্ধার নির্ভর করিতেছে ।”



# ভারতীয় রমণী—তাহাদের অতীত, বর্তমান ও ভবিষ্যৎ ।

( প্রবুদ্ধ ভারত, ডিসেম্বর, ১৮৯৮ । )

আমাদের প্রতিনিধি লিখিতেছেন,—

একদিন রবিবার অতি প্রত্যুষে আমি অবশেষে সম্পাদক মহাশয়ের আদেশ প্রতিপালনে সমর্থ হইলাম । ভারতীয় রমণীগণের অবস্থা ও অধিকার এবং তাহাদের ভবিষ্যৎ সম্বন্ধে স্বামী বিবেকানন্দের মতামত জানিবার জন্ত হিমালয়ের একটা সুন্দর উপত্যকায় তাঁহার সহিত সাক্ষাৎ করিলাম ।

আমি যখন স্বামীজির নিকট আমার আগমনের উদ্দেশ্য বিবৃত করিলাম, তখন তিনি বলিলেন, “চলুন, একটু বেড়াইয়া আসা যাক্ ।” তখনই আমরা বেড়াইতে বাহির হইলাম । আহা কি মনোহর দৃশ্য ! এমন দৃশ্য সমগ্র জগতে বিরল ।

আমরা কখন রবিকরোজ্জ্বল, অথবা ছায়াবিশিষ্ট পথের মধ্য দিয়া, কখন নিস্তরু পল্লীগ্রামের মধ্য দিয়া, কখন ক্রীড়াশীল বালক-বালিকাগণের মধ্য দিয়া এবং কখনও সুবর্ণবর্ণ শস্তক্ষেত্রের মধ্য দিয়া চলিতে লাগিলাম । কোথাও দেখিলাম, দীর্ঘকায় মহীরুহ-সমূহ যেন উপরের নীলাকাশ ভেদ করিয়া উঠিয়াছে, আবার অন্য স্থানে কৃষকবালারা হাতে কাণ্ডে লইয়া শীতের সম্মল পকশির ভুট্টা কাটিবার জন্ত ক্ষেত্রে খুঁকিয়া কাজ করিতেছে,—দেখিতে পাইলাম ।

ভারতীয় রমণী—তাহাদের অতীত, বর্তমান ও ভবিষ্যৎ ।

কখন বা দেখিলাম, কোনও পথ আপেলের বাগানের দিকে গিয়াছে—তথায় রাশীকৃত রক্তিম আপেলফল চয়ন করিয়া বৃক্ষতলে বাছিয়া রাখা হইয়াছে । আবার ক্ষণকাল পরেই আমরা খোলা মাঠে পড়িলাম—দেখিলাম—সম্মুখে অলম্বালা ভেদ করিয়া আকাশ প্রান্ত হইতে হিমালীস্তুর গন্তীর সৌন্দর্য বিস্তার করিতেছে ।

অবশেষে আমার সঙ্গী মৌনভঙ্গ করিয়া বলিতে লাগিলেন,

“নারীর সম্বন্ধে আৰ্য্য ও সেমিটিক \* আদর্শ চিরদিনই সম্পূর্ণ বিপরীত । সেমাইটদের মধ্যে স্ত্রীলোকের উপস্থিতি উপাসনার ঘোর বিঘ্নস্বরূপ বলিয়া বিবেচিত । তাহাদের মতে স্ত্রীলোকের কোনরূপ ধর্ম্মকর্মে অধিকার নাই, এমন কি, আহারের জন্ত পক্ষী মারাও + তাহাদের পক্ষে নিষিদ্ধ । আৰ্য্যদের মতে সহধর্ম্মিণী ব্যতীত পুরুষে কোন ধর্ম্মকার্য্য করিতে পারে না ।”

আমি এইরূপ অপ্রত্যাশিত ও সাফ কথায় আশ্চর্য্যান্বিত হইয়া বলিলাম,—

“কিন্তু স্বামীজি, হিন্দুধর্ম্ম কি আৰ্য্যধর্ম্মেরই অঙ্গবিশেষ নহে ?”

স্বামীজি ধীরে ধীরে বলিলেন,—

“আধুনিক হিন্দুধর্ম্ম পৌরাণিকতাবহুল, অর্থাৎ উহার উৎপত্তি কাল বৌদ্ধধর্ম্মের পরবর্ত্তী । দয়ানন্দ সরস্বতী দেখাইয়া দিয়াছিলেন

---

\* হিব্রু, আসীরিয় প্রভৃতি কয়েকটি ভাষাভাষী জাতিকে সেমিটিক জাতি বলে । অনেকের অনুমান—ইহারা আদমের পুত্র শেম হইতে উৎপন্ন ।

+ যাহাদী ধর্ম্মে বৃথামাংস-ভোজন নিষিদ্ধ । এই জন্ত তাহারা কোন পশু বা পক্ষী প্রথমে দেবোদ্দেশ্যে বলি দিয়া পরে খাইয়া থাকে । ওল্ড টেষ্টামেন্ট ও স্বামীজি কৃত ‘প্রাচ্য ও পাশ্চাত্য’ দেখুন ।

## কথোপকথন ।

যে, গার্হপত্য অগ্নিতে আহুতি দানরূপ বৈদিক ক্রিয়ার অনুষ্ঠান, যে সহধর্মিণী ব্যতীত হইতে পারে না, তাহারই আবার শালগ্রাম শিলা অথবা গৃহদেবতাকে স্পর্শ করিবার অধিকার নাই । ইহার কারণ এই যে, এই সকল পূজা পরবর্ত্তী পৌরাণিক সময় হইতে প্রচলিত হইয়াছে ।”

“তাহা হইলে আমাদের মধ্যে নরনারীর যে অধিকারবৈষম্য দেখা যায়, তাহা আপনি সম্পূর্ণরূপে বৌদ্ধধর্মের প্রভাবসম্ভূত বলিয়া মনে করেন ?”

স্বামীজি বলিলেন,—

“যদি কোথাও বাস্তবিকই অধিকারবৈষম্য থাকে, সে ক্ষেত্রে আমি ঐক্যপন্থী মনে করি । পাশ্চাত্য সমালোচনার আকস্মিক স্রোতপাতে এবং তুলনায় পাশ্চাত্য নারীদের অবস্থাপার্থক্য দেখিয়াই যেন আমরা আমাদের দেশে নারীদের হীন দশা অতি সহজেই মানিয়া না লই । বহু শতাব্দীর বহু ঘটনাবিপর্യാয়ের দ্বারা নারীদিগকে একটু আড়ালে রক্ষা করিতে আমরা বাধ্য হইয়াছি । এই সত্যের প্রতি লক্ষ্য রাখিয়াই আমাদের সামাজিক রীতিনীতি পরীক্ষা করিতে হইবে, স্ত্রীজাতির হীনতারূপ সিদ্ধান্তের প্রয়োগ করিয়া নহে ।”

“তাহা হইলে, স্বামীজি আমাদের সমাজে নারীগণের বর্ত্তমান অবস্থায় কি আপনি সম্পূর্ণ সন্তুষ্ট ?”

স্বামীজি বলিলেন,—

“না—তা’ কখনই নহে । কিন্তু নারীদিগের স্বত্বকে আমাদের হস্তক্ষেপ করিবার অধিকার তাহাদিগকে শিক্ষা দেওয়া পর্য্যন্ত ;

ভারতীয় রমণী—তাহাদের অতীত, বর্তমান ও ভবিষ্যৎ ।

নারীগণকে এমন যোগ্যতা অর্জন করাইতে হইবে, যাহাতে তাহারা নিজেদের সমস্তা নিজেরাই নিজেদের ভাবে মীমাংসা করিয়া লইতে পারে । তাহাদের হইয়া অপর কেহ এ কার্য্য করিতে পারে না, করিবার চেষ্টা করাও উচিত নহে । আর জগতের অগ্রাগ্র স্থানের নারীগণের গ্রায় আমাদের নারীগণও এ যোগ্যতালাভে সমর্থ ।”

“আপনি নারীজাতির অধিকারবৈষম্যের কারণ বলিয়া বৌদ্ধধর্মের উপরে দোষারোপ করিতেছেন ; জিজ্ঞাসা করি, কিরূপে বৌদ্ধধর্ম নারীজাতির অবনতির কারণ হইল ?”

স্বামীজি বলিলেন,—

“সেই কারণের সৃষ্টি বৌদ্ধধর্মের অবনতির সময় ঘটিয়াছিল । প্রত্যেক আন্দোলনেই কোন অসাধারণ বিশেষত্ব থাকে বলিয়াই তাহার জয় ও অভ্যুদয় হয়, কিন্তু আবার উহার অবনতির সময়, যাহা লইয়া তাহার গৌরব, তাহাই তাহার দুর্বলতার প্রধান উপাদান হয় । নরশ্রেষ্ঠ ভগবান্ বুদ্ধের সম্প্রদায়গঠন ও পরিচালন-শক্তি অদ্ভুত ছিল, আর ঐ শক্তিতে তিনি জগৎ জয় করিয়াছিলেন । কিন্তু তাঁহার ধর্ম কেবল সন্ন্যাসীসম্প্রদায়ের উপযোগী ধর্ম মাত্র । তাহা হইতে এই অশুভ ফল হইল যে, সন্ন্যাসীর ভেক পর্য্যন্ত সম্মানিত হইতে লাগিল । আবার তিনিই সর্ব প্রথম মঠপ্রথা অর্থাৎ এক ধর্মসদনে সজ্বরূপে বাস করিবার প্রথা প্রবর্তিত করিলেন । ইহার জন্ত তাঁহাকে বাধ্য হইয়া নারীজাতিকে পুরুষাপেক্ষা নিম্নাধিকার দিতে হইল, কারণ, বড় বড় মঠস্বামীনীগণ কতকগুলি নির্দিষ্ট মঠাধ্যক্ষের অনুমতি ব্যতীত কোন গুরুতর বিষয়ে হস্তক্ষেপ করিতে

## কথোপকথন ।

পারিতেন না । ইহাতে উদ্দিষ্ট আশু ফললাভ অর্থাৎ—তঁাহার ধর্ম-সংজ্ঞের মধ্যে স্মৃষ্ণলা স্থাপন—হইয়াছিল, ইহা আপনি বুঝিতে পারিতেছেন । কেবল সুদূর ভবিষ্যতে ইহার যে ফল হইয়াছিল, তাহারই জ্ঞান অনুশোচনা করিতে হয় ।”

“কিন্তু বেদে ত সন্ন্যাসের বিধি আছে ?”

“অবশ্যই আছে, কিন্তু সে সময় ঐ বিষয়ে নরনারীর কোন প্রভেদ করা হয় নাই । যাজ্ঞবল্ক্যকে জনক রাজার সভায় কিরূপ প্রশ্ন করা হইয়াছিল, তাহা আপনার স্মরণ আছে ত ? \* তাঁহার প্রধান প্রশ্নকর্ত্রী ছিলেন বাকপটু কুমারী বাচরুবী—তখনকার কালে এইরূপ মহিলাগণকে ব্রহ্মবাদিনী বলা হইত । তিনি বলিয়াছিলেন, আমার এই প্রশ্নব্দয় দক্ষ ধাতুকের হস্তস্থিত দুইটী শাণিত তীরের জায় ; এই স্থলে তাঁহার নারীত্ব সম্বন্ধে কোনরূপ প্রশংসা পর্য্যন্ত তোলা হয় নাই । আর আমাদের প্রাচীন আরণ্য শিক্ষাপরিষদসমূহে বালকবালিকার যেরূপ সমানাধিকার ছিল, তদপেক্ষা অধিকতর সামান্য আর কি হইতে পারে ? আমাদের সংস্কৃত নাটকগুলি পড়ুন—শকুন্তলার উপাখ্যান পড়ুন, তার পর দেখুন—টেনিসনের ‘প্রিন্সেস’† হইতে আর আমাদের নূতন কিছু শিথিব্য আর আছে কি না ।”

---

\* বৃহদারণ্যক উপনিষৎ ।—৩য় অধ্যায়, ৮ম ব্রাহ্মণ ।

† টেনিসন প্রণীত ‘প্রিন্সেস’ (Princess) কাব্যে বর্ণিত আছে, কোন দেশের বিদুষী রাজকন্যা সূসভ্য দেশসমূহেও বর্বরজাতিস্থলত নরনারীর নানাবিধ অধিকারবৈষম্য ও নারীজাতির শিক্ষা, স্বাধীনতা প্রভৃতি বিষয়ে হীনদশা দেখিয়া মনোহত হন এবং পিতার নিকট হইতে তদীয় রাজ্যান্তর্গত এক নিভৃত স্থান চাহিয়া লইয়া তথায় এক প্রকাণ্ড বিদ্যালয় প্রতিষ্ঠা করিয়া তদীয় দুইজন শিক্ষিতা

ভারতীয় রমণী—তাহাদের অতীত, বর্তমান ও ভবিষ্যৎ ।

“স্বামীজি, আপনি বড় অদ্ভুতরূপে আমাদের অতীতের মহিমা-গৌরব আমাদের সমক্ষে প্রকাশ করিতে পারেন !”

স্বামীজি শান্তভাবে বলিলেন,—

“হাঁ, তাহার কারণ সম্ভবতঃ আমি জগতের ছোটো দিক্‌ই দেখিয়াছি। আর আমি জানি, যে জাতি সীতা-চরিত্র প্রসব করিয়াছে, ঐ চরিত্র যদি কেবল কাল্পনিকও হয়, তাহা হইলেও স্বীকার করিতে হইবে, নারীজাতির উপর সেই জাতির যেরূপ শ্রদ্ধা, জগতে তাহার তুলনা নাই। পাশ্চাত্য মহিলাগণের স্বক্ষে আইনের বজ্রবাধনে যে সব দিয় সংলগ্ন আছে, আমাদের দেশে ত সে সব মোটেই জানেও না।\* আমাদের নিশ্চিতই অনেক দোষও আছে, আমাদের সমাজে অনেক অশ্রায়ও আছে, কিন্তু এই সকল উহাদেরও আছে। আমাদের এটা কখন বিস্মৃত হওয়া উচিত নয় যে, সমগ্র জগতে প্রেম মর্দব ও সাধুতা বাহিরের কার্য্যে ব্যক্ত করিবার একটা সাধারণ চেষ্টা চলিয়াছে আর বিভিন্ন জাতীয় প্রথাগুলির দ্বারা যতটা সম্ভব ঐ সব ভাব প্রকাশ করা হইয়া থাকে। গার্হাস্থ্য ধর্ম্ম সম্বন্ধে আমি একথা অসঙ্কোচে বলিতে পারি যে, অশ্রান্ত দেশের

---

সহস্রাব্দী সাহায্যে শত শত নারীকে পুরুষাধিকৃত মর্কবিদ্যা শিক্ষা দিতে থাকেন। এই বিদ্যালয়ে অধ্যয়নকালে নারীগণকে সংসারের সমুদয় সংশ্রব ত্যাগ করিতে হইত। ইহার সমুদয় কার্য্যকলাপ নারীর দ্বারাই নির্বাহিত হইত, ত্রিসীমানায় কোন পুরুষের আসিবার অধিকার ছিল না। আসিলে প্রাণদণ্ড হইবে এইরূপ বিধান ছিল।

\* দৃষ্টান্ত—ভারতে স্ত্রীলোকের স্বতন্ত্র সম্পত্তি রাখিবার অধিকার অতি প্রাচীন কাল হইতে রহিয়াছে, কিন্তু ইউরোপে অতি অল্পদিন পূর্ব পর্য্যন্ত স্ত্রীলোকে তথাকার আইনানুসারে এরূপ স্বতন্ত্র স্ত্রীধন রাখিতে পারিতেন না।

## কথোপকথন ।

প্রথাসমূহ হইতে ভারতীয় প্রথাসমূহের নানা প্রকারে অধিক উপযোগীতা আছে ।”

“তবে স্বামীজি, আমাদের রমণীগণের মীমাংসিতব্য কোনরূপ সমস্যা আদৌ আছে কি ?”

“অবশ্যই আছে—অনেক সমস্যা আছে—সমস্যাগুলিও বড় গুরুতর । কিন্তু এমন একটাও সমস্যা নাই, ‘শিক্ষা’ এই মন্তব্যে লেখার সমাধান না হইতে পারে । প্রকৃত শিক্ষার ধারণা কিন্তু এখনও আমাদের মধ্যে উদয় হয় নাই ।”

“তাহা হইলে আপনি প্রকৃত শিক্ষার কি লক্ষণ করিবেন ?”

স্বামীজি ঈষৎদ্রুত সহকারে বলিলেন,—

“আমি কখন কোন কিছুই লক্ষণ নির্দেশ করি না । তথাপি এই ভাবে বর্ণনা করা যাইতে পারে যে, শিক্ষা বলিতে কতকগুলি শব্দ শেখা নহে ; আমাদের বৃত্তিগুলির, শক্তিসমূহের বিকাশকেই শিক্ষা বলা যাইতে পারে ; অথবা বলা যাইতে পারে—শিক্ষা বলিতে ব্যক্তিসকলকে এমন ভাবে গঠিত করা, যাহাতে তাহাদের ইচ্ছা সদিয়মে ধাবিত ও সুসিদ্ধ হয় । এইরূপ ভাবে শিক্ষিত হইলে আমাদের ভারতের কল্যাণ সাধনে সমর্থ্য নির্ভীকহৃদয়া মহীয়সী রমণীগণের অভ্যুদয় হইবে—তাহারা সজ্জমিতা, লীলা, অহল্যাবাই ও মীরাবাই \* এর পদাঙ্কানুসরণে সমর্থ্য হইবে—তাহারা পবিত্রা স্বার্থগন্ধশূভ্রা বীর রমণী হইবে—ভগবানের পাদপদ্ম স্পর্শে যে বীর্য

---

\* সজ্জমিতা—বৌদ্ধধর্মাবলম্বী সম্রাট ধর্ম্মাশোকের কন্যা । ইনি সম্রাট-ধর্ম্মাবলম্বন করিয়া স্বীয় ভ্রাতা মাহিন্দ্রের সহিত সিংহলে বৌদ্ধধর্ম প্রচার করেন ।

ভারতীয় রমণী—তাহাদের অতীত, বর্তমান ও ভবিষ্যৎ ।

লাভ হয় ; তাহারা সেই বীৰ্য্যশালিনী হইবে—সুতরাং তাহারা বীরপ্রসবিনী হইবার যোগ্য হইবে ।”

“তাহা হইলে, স্বামীজি, আপনার শিক্ষার ভিতর ধর্মশিক্ষাও কিছু থাকা উচিত, আপনি মনে করেন ?”

স্বামীজি গম্ভীরভাবে বলিলেন,—

“আমি ধর্মকে শিক্ষার ভিতরকার সার জিনিস বলিয়া মনে করি । এটা কিছু মনে রাখিবেন যে, আমি আমার নিজের বা অপর কাহারও ধর্মসম্বন্ধে মতামতকে ধর্ম বলিতেছি না । আমার বিবেচনায় অগ্ৰাণ্ড বিষয়ে যেমন, এ বিষয়েও তদ্রূপ শিক্ষয়িত্রী ছাত্রীর ভাব ও ধারণানুযায়ী শিক্ষা দিতে আরম্ভ করিবেন এবং

---

লীলা—লীলার বিষয় যোগবাশিষ্ঠ রামায়ণে বর্ণিত আছে । ইনি বিদুরথ রাজার মহিষী । সরস্বতী দেবীর আরাধনফলে ইনি স্বীয় পতির জীবাত্মাকে নিজ গৃহে অবরুদ্ধ রাখিতে, দেবীর সহিত স্বর্গাদি নানালোকে সৃক্ষশরীরে বিচরণ করিতে ও পরিশেষে ব্রহ্মজ্ঞান লাভে সমর্থ হইয়াছিলেন ।

অহল্যাবাই—হোলকার বংশ প্রতিষ্ঠাতা বিখ্যাত মলহর রাওএর পুত্রবধূ ছিলেন । তদীয় স্বামী তাঁহার খণ্ডরের জীবদ্দশায়ই প্রাণত্যাগ করায় এবং তাঁহার পুত্র অল্লাদিন রাজ্য পরিচালনার পরই উন্মাদগ্রস্ত হওয়ায় তাঁহাকে ইন্দোরের রাজ্যরূপে ১৭৬৫ খ্রীষ্টাব্দ হইতে ১৭৯৫ খ্রীষ্টাব্দ পর্য্যন্ত প্রায় ত্রিশ বৎসর মালব ও তাহার অধীনস্থ অনেক প্রদেশ শাসন করিতে হয় । ইনি অতিশয় ধর্মপরায়ণা, দয়ালীলা, প্রজার কল্যাণকাজিণী, বুদ্ধিমতী ও রাজ্যের হুশাসনে দক্ষা ছিলেন । ভারতের প্রায় সর্বত্রই তাঁহার নানাবিধ দেবালয়, রাস্তাঘাট প্রভৃতি কীর্্তি এখনও বিদ্যমান ।

মীরাবাই—ইনি রাজমহিষী ছিলেন । শ্রীকৃষ্ণকে কান্তভাবে উপাসনা, অস্ত্রপূরে সদা সর্বদা বৈষ্ণব সাধুগণের সঙ্গ এবং শ্রীকৃষ্ণোদ্দেশ্যে মধুর ও আধ্যাত্মিকভাবযুক্ত কবিতা ও সঙ্গীত রচনায় ইনি কালকটাইতেন । রাজার পুনঃ পুনঃ নিবারণ সত্ত্বেও তিনি মনকে কোনরূপে ভগবৎপ্রসঙ্গ হইতে নিবৃত্ত করিতে না পারিয়া পরিশেষে সংসারাত্মম পরিত্যাগ করিয়া শ্রীবৃন্দাবনে বাস করেন ।



## কথোপকথন ।

তাহাকে উন্নত করিবার এমন সহজ পথ দেখাইয়া দিবেন, যাহাতে তাহাকে খুব কম বাধা পাইতে হয় ।”

“কিন্তু ধর্মের দৃষ্টিতে যাহারা ব্রহ্মচর্য্যকে বাড়াইয়া জননী ও সহধর্ম্মিণীর সম্বন্ধ ত্যাগ করেন, এবং ব্রহ্মচারিণীদিগকে উচ্চাসন দেন, তাঁহারা রমণীগণের উন্নতিতে নিশ্চিত স্পষ্ট আঘাত করিয়াছেন ।”

স্বামীজি বলিলেন,—

“আপনার এটা স্মরণ রাখা কর্তব্য, ধর্ম্ম যদি রমণীগণের পক্ষে ব্রহ্মচর্য্যকে উচ্চাসন দিয়া থাকেন, পুরুষজাতির পক্ষেও ঠিক তদ্রূপই করিয়াছেন । আরও আপনার প্রশ্ন শুনিয়া বোধ হইতেছে, এ বিষয়ে আপনার নিজের মনেও যেন একটু কি গোলমাল রহিয়াছে । হিন্দুধর্ম্ম মানবাত্মার পক্ষে একটী—কেবল মাত্র একটী—কর্তব্য নির্দেশ করিয়া থাকেন—অনিত্যের মধ্যে নিত্যবস্তু সাংক্ষাৎকারের চেষ্টা । কিন্তু ইহা কিরূপে সাধিত হইতে পারে, তাহার একমাত্র পন্থা নির্দেশ করিতে সাহসী হন না । বিবাহ বা ব্রহ্মচর্য্য, ভাল বা মন্দ, বিত্তা বা মুখর্তা—যে কোন বিষয় ঐ চরম লক্ষ্যে লইয়া যাইবার সহায়তা করে, তাহানই সার্থকতা আছে । এই বিষয়ে হিন্দু-ধর্ম্মের সহিত বৌদ্ধধর্ম্মের বিশেষ প্রভেদ বর্ত্তমান—কারণ, বৌদ্ধধর্ম্মের প্রধান উপদেশ বহির্জগতের অনিত্যতা উপলব্ধি—আর মোটামুটি বলিতে গেলে ঐ উপলব্ধি একমাত্র উপায়েই সাধিত হইতে পারে । মহাভারতের সেই অল্পবয়স্ক যোগীর কথা আপনার কি মনে পড়ে ? যিনি ক্রোধজ্ঞাত তীব্র ইচ্ছাশক্তিবলে এক কাক ও বকের দেহ ভক্ষ্য করিয়া নিজ যোগবিভূতিতে স্পর্দ্ধান্বিত হইয়াছিলেন—মনে পড়ে কি, নগরে গিয়া প্রথমে রুগ্ন পতির শুশ্রূষাকারিণী এক নারী

ভারতীয় রমণী—তাহাদের অতীত, বর্তমান ও ভবিষ্যৎ ।

পরে ধর্মব্যাধের সহিত তাঁহার সাক্ষাৎ হইল,—যাহারা উভয়েই আজীবনতা ও কর্তব্যনিষ্ঠারূপ সাধারণ মার্গে থাকিয়া তত্ত্বজ্ঞান লাভ করিয়াছিলেন ?” \*

“তাহা হইলে আপনি এদেশের রমণীগণকে কি বলিতে চান ?”

“কেন, আমি পুরুষগণকে যাহা বলিয়া থাকি, রমণীগণকে ঠিক তাহাই বলিব । ভারত এবং ভারতীয় ধর্ম্মে বিশ্বাস ও শ্রদ্ধাস্থাপন কর, তেজস্বিনী হও, আশায় বুক বাঁধ, ভারতে জন্ম বলিয়া লজ্জিতা না হইয়া উহাতে গৌরব অনুভব কর, আর স্বরূপ রাখিও, আমাদের অপরাপর জাতির নিকট হইতে কিছু লইতে হইবে বটে, কিন্তু জগতের অগ্রাগ্র জাতি অপেক্ষা আমাদের সহস্রগুণে অপরকে দিবার আছে ।”

---

\* মহাভারত,—বনপর্ব, ধর্ম্মব্যাধ উপাখ্যান ।

# হিন্দুধর্মের সীমানা ।

( প্রবন্ধ ভারত, এপ্রিল, ১৮৯৯ । )

আমাদের প্রতিনিধি লিখিতেছেন,—

অগ্ন ধর্মাবলম্বীকে হিন্দুধর্মে আনয়ন সম্বন্ধে স্বামী বিবেকানন্দের মতাত্মক জানিতে তাঁহার সহিত সাক্ষাৎ করিবার জগ্ন সম্পাদক মহাশয়কর্তৃক আমি আদিষ্ট হইয়াছিলাম । একদিন সায়ংকালে গঙ্গাবক্ষে নৌকার ছাদে বসিয়া তাঁহার সহিত এইরূপ কথোপকথনের সুযোগ মিলিল । তখন সন্ধ্যা উত্তীর্ণ হইয়াছে—আমরা বেলুডঙ্গ রামকৃষ্ণ মঠের পোস্তার নিকট নৌকা লাগাইয়াছি—স্বামীজি মঠ হইতে নৌকায় নামিয়া আমার সহিত কথাবার্তা কহিতে আসিলেন ।

স্থান ও কাল উভয়ই পরম রমণীয় ছিল । মস্তকের উপর নগ্নমোলা শুভ্র কিরণ বিস্তার করিতেছিল—চারিদিকে কুলুকুলু-নাদিনী জাহ্নবী, আর একদিকে ক্ষীণালোকিত মঠভবন, পশ্চাতে তালবৃক্ষও ছায়াদানসমর্থ প্রকাণ্ড মহীকূহ সমন্বিত হইয়া বিরাজ করিতেছিল ।

আমিই প্রথমে কথাবার্তা আরম্ভ করিলাম, বলিলাম—“স্বামীজি, যাহারা হিন্দুধর্ম ছাড়িয়া অগ্ন ধর্ম গ্রহণ করিয়াছে, তাহাদিগকে হিন্দুধর্মে পুনর্গ্রহণ বিষয়ে আপনার মতামত কি জানিবার জগ্ন আপনার সহিত সাক্ষাৎ করিতে আসিয়াছি । আপনার কি মত, তাহাদিগকে পুনর্গ্রহণ করা যাইতে পারে ?”

## হিন্দুধর্মের সীমানা ।

স্বামীজি বলিলেন—

“নিশ্চিত । তাহাদের অনায়াসে পুনর্গ্রহণ করা বাইতে পারে, করাও উচিত ।”

তিনি মুহূর্তকাল গম্ভীরভাবে চিন্তা করিতে লাগিলেন, তারপর আবার বলিতে আরম্ভ করিলেন ।

তিনি বলিলেন,—

“আর এক কথা, তাহাদিগকে পুনর্গ্রহণ না করিলে আমাদের সংখ্যা ক্রমশঃ হ্রাস হইয়া যাইবে । যখন মুসলমানেরা প্রথম এদেশে আসিয়াছিলেন, তখন প্রাচীনতম মুসলমান ঐতিহাসিক ফেরিস্তার মতে ভারতে ৬০ কোটি হিন্দু ছিল, এখন আমরা বিশ কোটিতে পরিণত হইয়াছি । আর, কোন লোক হিন্দুসমাজ ত্যাগ করিলে ঐ সমাজের শুধু যে একটি লোক কম পড়ে মাত্র, তাহা নয়, কিন্তু তাহার একটি করিয়া শত্রু বৃদ্ধি হয় !”

“তারপর আবার হিন্দুধর্মত্যাগী মুসলমান বা খ্রীষ্টিয়ানের মধ্যে অধিকাংশই তরবারিবলে ঐ ঐ ধর্ম গ্রহণে বাধ্য হইয়াছে অথবা যাহারা ইতিপূর্বে ঐরূপ করিয়াছে তাহাদেরই বংশধর । ইহাদিগের হিন্দুধর্মে ফিরিয়া আসিবার পক্ষে নানারূপ আপত্তি উত্থাপন করা বা প্রতিবন্ধকতাচরণ করা স্পষ্টতঃই অগ্ৰায় । আর যাহারা কোন-কালে হিন্দুসমাজভুক্ত ছিল না, তাহাদের সম্বন্ধেও কি আপনি জিজ্ঞাসা করিয়াছিলেন ?—কেন—দেখুন না, অতীতকালে ঐরূপ লক্ষ লক্ষ বিধর্ষিগণকে হিন্দুধর্মে আনয়ন করা হইয়াছে আর এখনও সেক্রপ চলিতেছে ।”

“আমার নিজের মত এই যে, ভারতের অসভ্য জাতিসমূহ,

## কথোপকথন ।

ভারতবর্ষভূত স্থাননিবাসী জাতিসমূহ এবং মুসলমানাধিকারের পূর্ববর্তী আমাদের প্রায় সকল বিজেতৃবর্গের পক্ষেই ঐ কথা প্রযুক্ত হইতে পারে । শুধু তাহাই নহে, পুরাণসমূহে যে সকল জাতির বিশেষ উৎপত্তির বিষয় কথিত হইয়াছে, তাহাদের সম্বন্ধেও ঐ কথা খাটে । আমার মতে তাহারা বিধব্দা ছিল—তাহাদিগকে হিন্দু করিয়া লওয়া হইয়াছিল ।”

যাহারা ইচ্ছাপূর্বক ধর্মাস্তর পরিগ্রহ করিয়াছিল, কিন্তু এক্ষণে আবার হিন্দুসমাজে ফিরিয়া আসিতে চাহে, তাহাদের পক্ষে প্রায়-শ্চিত্তক্রিয়া আবশ্যক, তাহাতে কোন সন্দেহ নাই । কিন্তু যাহাদিগকে বলপূর্বক ধর্মাস্তরে লইয়া যাওয়া হইয়াছিল—যেমন কাশ্মীর ও নেপালে অনেক লোক দেখা যায়—অথবা যাহারা কখন হিন্দু ছিল না, এক্ষণে হিন্দুসমাজে প্রবেশ করিতে চায়, তাহাদের পক্ষে কোনরূপ প্রায়শ্চিত্ত ব্যবস্থা করা উচিত নহে ।”

আমি সাহসপূর্বক জিজ্ঞাসা করিলাম,—

“স্বামীজি, কিন্তু ইহারা কোন্ জাতি হইবে ? তাহাদের কোন না কোনরূপ জাতি থাকা আবশ্যক—নতুবা তাহারা কখন বিশাল হিন্দুসমাজের অন্তর্ভুক্ত হইয়া মিশিতে পারিবে না । হিন্দুসমাজে তাহাদের যথার্থ স্থান কোথায় ?”

স্বামীজি ধীরভাবে বলিলেন,—

“যাহারা পূর্বে হিন্দু ছিল, তাহারা অবশ্য তাহাদের জাতি ফিরিয়া পাইবে । আর নূতন যাহারা তাহারা নিজের জাতি নিজেরাই করিয়া লইবে ।”

তিনি আরও বলিতে লাগিলেন,—

## হিন্দুধর্মের সীমানা ।

“আপনার স্মরণ রাখা উচিত, বৈষ্ণবসমাজে ইতিপূর্বেই এই ব্যাপার ঘটিয়াছে এবং অহিন্দু ও হিন্দুধর্মের বিভিন্ন জাতি হইতে যাহারা ধর্মাস্তর গ্রহণ করিয়াছিল—সকলেই বৈষ্ণব সমাজের আশ্রয় লাভ করিয়া নিজেদেরই একটা জাতি গঠন করিয়া লইয়াছিল— আর সে জাতি বড় হীন জাতি নহে, বেশ ভদ্র জাতি । রামানুজ হইতে আরম্ভ করিয়া বাঙ্গালাদেশে চৈতন্য পর্য্যন্ত সকল বড় বড় বৈষ্ণব আচার্য্যই ইহা করিয়াছেন ।”

আমি জিজ্ঞাসা করিলাম,—

“এই নূতন যাহারা আসিবে, তাহাদের বিবাহ কোথায় হইবে?”

স্বামীজি স্থিরভাবে বলিলেন,—

“এখন যেমন চলিতেছে, নিজেদের মধ্যেই ।”

আমি বলিলাম,—

“তার পর নামের কথা । আমার বোধ হয়, অহিন্দু এবং যে সব স্বধর্মত্যাগী, অহিন্দু নাম লইয়াছিল, তাহাদের নূতন নামকরণ করা উচিত । তাহাদিগকে কি জাতিহৃৎক নাম বা আর কোন প্রকার নাম দেওয়া যাইবে?”

স্বামীজি চিন্তা করিতে করিতে বলিলেন,—

“অবশ্য নামের অনেকটা শক্তি আছে বটে ।”

কিন্তু তিনি এই বিষয়ে আর অধিক কিছু বলিলেন না ।

কিন্তু তারপর আমি যাহা জিজ্ঞাসা করিলাম, তাহাতে তাঁহার আগ্রহ যেন উদ্দীপ্ত হইল । প্রশ্ন করিলাম,—

“স্বামীজি, এই নবাগন্তকগণ কি হিন্দুধর্মের বিভিন্ন প্রকার শাখা হইতে নিজেদের ধর্মপ্রণালী নিজেরাই নির্বাচন করিয়া লইবে

## কথোপকথন ।

অথবা আপনি তাহাদের জন্ত একটা নিদিষ্ট ধর্মপ্রণালী নির্বাচন করিয়া দিবেন ?”

স্বামিজি বলিলেন,—

“একথা কি আবার জিজ্ঞাসা করিতে হয় ? তাহারা আপনাপন পথ আপনাই বাছিয়া লইবে । কারণ, নিজে নির্বাচন করিয়া না লইলে হিন্দুধর্মের মূলভাবটাই নষ্ট করা হয় । আমাদের ধর্মের সার এইটুকু যে, প্রত্যেকের নিজ নিজ ইষ্ট নির্বাচনের অধিকার আছে ।”

আমি এই কথাটি বিশেষ মূল্যবান্ বলিয়া মনে করিলাম । কারণ, আমার বোধ হয়, আমার সম্মুখস্থ এই ব্যক্তিটি জগতের বর্তমান অত্র সকল ব্যক্তি অপেক্ষা বৈজ্ঞানিকভাবে ও সহানুভূতির দৃষ্টিতে হিন্দুধর্মের সাধারণ ভিত্তিসমূহের আলোচনায় অধিক বর্ষ কাটাইয়াছেন আর ইষ্টনির্বাচনের স্বাধীনতারূপ তত্ত্বটি এত উদার যে, সমগ্র জগৎ ইহার মধ্যে অন্তর্ভুক্ত করা যাইতে পারে ।

তারপর কিন্তু অগ্ৰাণু বিষয়ের কথাবার্তা উঠিল । অবশেষে আমার নিকট সহন্যভাবে বিদায় গ্রহণ করিয়া এই মহান্ ধর্ম্যার্থ্য নিজের লণ্ঠন তুলিয়া মঠে ফিরিয়া গেলেন আর আমি গঙ্গার পথশূন্য পথ দিয়া, তত্পরিস্থ নানাবিধ আকারের নৌকাসমূহের মধ্য দিয়া যত শীঘ্র সম্ভব আমার কলিকাতার বাটীতে ফিরিলাম ।

# প্রশ্নোত্তর ।

( ১ )

( মঠের দৈনন্দিন লিপি হইতে সংগৃহীত )

প্র। গুরু কাহাকে বলিতে পারা যায় ?

উ। যিনি তোমার ভূত ভবিষ্যৎ বলে দিতে পারেন, তিনিই তোমার গুরু। দেখ না আমার গুরু আমার ভূত ভবিষ্যৎ বলে দিয়েছিলেন।

প্র। ভক্তিলভ কিরূপে হবে ?

উ। ভক্তি তোঁর ভিতরেই রয়েছে—কেবল তাঁর উপর কামকাঙ্ক্ষনের একটা আবরণ পড়ে আছে। ঐ আবরণটা সরিয়ে দিলে সেই ভিতরকার ভক্তি আপনিই প্রকাশিত হয়ে পড়বে।

প্র। আপনি বলে থাকেন, আপনার পায়ের উপর দাঁড়াও। এখানে ‘আপনার’ বলতে কি বুঝবে ?

উ। অবশ্য পরমাত্মার উপরই নির্ভর করতে বলা আমার উদ্দেশ্য। তবে এই “কাঁচা আমি”র উপর নির্ভর করবার অভ্যাস করলেও ক্রমে উহাতে আমাদিগকে ঠিক জায়গায় লয়ে যায়, কারণ, জীবাত্মা সেই পরমাত্মারই মায়িক প্রকাশ বই আর কিছুই নয়।

প্র। যদি এক বস্তুই যথার্থ সত্য হয়, তবে এই দ্বৈতবোধ—যা সদাসর্বদা সকলের হচ্ছে, তাহা কোথা থেকে এল ?

উ। বিষয় যখন প্রথম অনুভব হয়, ঠিক সে সময় কখন



## কথোপকথন ।

দৈতবোধ হয় না । ইন্দ্రిয়ের সহিত বিষয় সংযোগ হবার পর যখন আমরা সেই জ্ঞানকে বুদ্ধিতে আকৃষ্ট করাই, তখনই দৈতবোধ এসে থাকে । বিষয়ানুভূতির সময় যদি দৈতবোধ থাকতো, তবে জ্ঞেয় জ্ঞাতা সম্পূর্ণ স্বতন্ত্ররূপে এবং জ্ঞাতাও জ্ঞেয় হোতে স্বতন্ত্ররূপে অবস্থান কোরতে পারতো ।

প্র । সামঞ্জস্যভাবে চরিত্রগঠনের প্রকৃষ্ট উপায় কি ?

উ । যাঁদের চরিত্র সেই ভাবে গঠিত হয়েছে, তাঁদের মঙ্গল করাই এর সর্বোৎকৃষ্ট উপায় ।

প্র । বেদ সম্বন্ধে আমাদের কিরূপ ধারণা রাখা কর্তব্য ?

উ । বেদই একমাত্র প্রমাণ—অবশ্য বেদের যে অংশগুলি যুক্তিবিরোধী সেগুলি বেদশব্দবাচ্য নহে । অগ্ন্যাগ্নি শাস্ত্র যথা পুরাণাদি—ততটুকু গ্রাহ্য, যতটুকু বেদের অবিরোধী । বেদের পরে জগতের যে কোন স্থানে যে কোন ধর্ম্মভাবের আবির্ভাব হয়েছে, তা বেদে থেকে নেওয়া বুঝতে হবে ।

প্র । এই যে সত্য ত্রেতা দ্বাপর কলি চারিযুগের বিষয় শাস্ত্রে পড়া যায়, ইহা কি কোনরূপ জ্যোতিষশাস্ত্রের গণনাসম্মত অথবা কাল্পনিক মাত্র ?

উ । বেদে ত এইরূপ চতুষ্রুগের কোন উল্লেখ নাই, উহা পৌরাণিক যুগের কল্পনামাত্র ।

প্র । শব্দ ও ভাবের মধ্যে বাস্তবিক কি কোন নিত্য সম্বন্ধ আছে, না, যে কোন শব্দের দ্বারা যে কোন ভাব বোঝাতে পারা যায় ? লোকে কি ইচ্ছামত যে কোন শব্দে যে কোন ভাব জুড়ে দিয়েছে ?

## প্রশ্নোত্তর ।

উ । বিষয়টিতে অনেক তর্ক উঠতে পারে, স্থির সিদ্ধান্ত করা বড় কঠিন । বোধ হয় যেন, শব্দ ও ভাবের মধ্যে কোনরূপ সম্বন্ধ আছে, কিন্তু সেই সম্বন্ধ যে নিত্য, তাহাই বা কিরূপে বলা যায় ? দেখ না, একটা ভাব বোঝাতে বিভিন্ন ভাষায় কতরূপ বিভিন্ন শব্দ রয়েছে । কোনরূপ স্থূল সম্বন্ধ থাকতে পারে যা আমরা এখনও ধরতে পারছি না ।

প্র । ভারতের কার্য্যপ্রণালী কিরূপ হওয়া উচিত ?

উ । প্রথমতঃ সকলে যাতে কাজের লোক হয় এবং তাদের শরীরটা যাতে সবল হয়, সেইরূপ শিক্ষা দিতে হবে । এইরূপ দ্বাদশজন পুরুষসিংহে জগৎ জয় করবে—কিন্তু লক্ষ লক্ষ ভেড়ার পালের দ্বারা তা হবে না । দ্বিতীয়তঃ যত বড়ই হোক না কেন, কোন ব্যক্তিগত আদর্শ শিক্ষা দেওয়া উচিত নয় ।

তার পর স্বামীজি কয়েকটা হিন্দু প্রতীকের কিরূপ অবনতি হইয়াছে, তাহা বলিতে লাগিলেন । তিনি জ্ঞানমার্গ ও ভক্তিমার্গের বিভিন্নতা বুঝাইলেন । প্রথমোক্ত মার্গ প্রকৃতপক্ষে আর্ষ্যদের ছিল এবং তজ্জগুই উহাতে অধিকারিবিচারের বিশেষ কড়াকড় ছিল । দ্বিতীয় মার্গের উৎপত্তি—দাক্ষিণাত্য হইতে—অনার্য্যজাতি হইতে—সেই জগু উহাতে অধিকারিবিচার নাই ।

প্র । রামকৃষ্ণ মিশন ভারতের পুনরুত্থানকার্য্যে কোন্ অংশ অভিনয় করবে ?

উ । এই মঠ থেকে সব চরিত্রবান্ লোক বেরিয়ে সমগ্র জগৎকে আধ্যাত্মিকতার বস্তায় প্লাবিত করবে । এর সঙ্গে সঙ্গে অজ্ঞাত বিষয়েও উন্নতি হতে থাকবে । এইরূপে ব্রাহ্মণ ক্ষত্রিয় ও বৈশ্য-

## কথোপকথন ।

জাতির অভ্যুদয় হবে, শূদ্রজাতি আর থাকবে না । তারা যে সব কাজ এখন করছে, সে সব কলের দ্বারা হবে । ভারতের বর্তমান অভাব—ক্ষত্রিয়শক্তি ।

প্র । মানুষের জন্মান্তরে কি পশ্বাদি নীচঘোনি হওয়া সম্ভব ?

উ । খুব সম্ভব । পুনর্জন্ম কর্মের উপর নির্ভর করে । যদি লোকে পশুর মত কাজ করে, তবে সে পশুঘোনিতে আকৃষ্ট হবে ।

প্র । মানুষ আবার পশুঘোনি প্রাপ্ত হবে কিরূপে, তা বুঝতে পারছি না । ক্রমবিকাশের নিয়মে সে যখন একবার মানবদেহ পেয়েছে, তখন সে আবার কিরূপে পশুঘোনি প্রাপ্ত হতে পারে ?

উ । কেন, পশু থেকে যদি মানুষ হতে পারে, মানুষ থেকে পশু হবে না কেন ? একটা সভাই ত বাস্তবিক আছে—মূলেতে ত সবই এক ।

আর একবার এইরূপ প্রশ্নোত্তরকালে ( ১৮৯৮ খ্রীঃ ) স্বামীজি মূর্তিপূজার উৎপত্তি সম্বন্ধে এইরূপ মত প্রকাশ করেন । প্রথমতঃ বৌদ্ধ চৈত্য, পরে স্তূপ—তাহা হইতে বুদ্ধের মন্দির নির্মিত হইল । হিন্দুমন্দির সমূহের উৎপত্তি এই বৌদ্ধমন্দির হইতে ।

প্র । কুণ্ডলিনী বলিয়া বাস্তবিক কোন পদার্থ আমাদের স্থলদেহের মধ্যে আছে কি ?

উ । শ্রীরামকৃষ্ণদেব বলতেন, যোগীরা যাকে পদ্ম বলেন, বাস্তবিক তা মানবের দেহে নাই । যোগাভ্যাসের দ্বারা ঐগুলির উৎপত্তি হইয়া থাকে ।

প্র । মূর্তিপূজার দ্বারা কি মুক্তি লাভ হ'তে পারে ?

উ । মূর্তিপূজার দ্বারা সাংসারিকভাবে মুক্তি হ'তে পারে না—তবে

## প্রশ্নোত্তর ।

উহা মুক্তিলাভের গৌণ কারণ স্বরূপ, ঐ পথের সহায়ক । মূর্তিপূজার নিন্দা করা উচিত নয়, কারণ, অনেকের পক্ষে উহা অবৈতজ্ঞান উপলব্ধির জন্ম মনকে প্রস্তুত করে দেয়—ঐ অবৈতজ্ঞান লাভেই মানব মুক্ত হতে পারে ।

প্র । আমাদের চরিত্রের সর্বোচ্চ আদর্শ কি হওয়া উচিত ?

উ । ত্যাগ ।

প্র । আপনি বলেন, বৌদ্ধধর্মের তাহার দায়স্বরূপ ভারতে ঘোর অবনতি আনয়ন করেছিল—এটা কি করে হল ?

উ । বৌদ্ধেরা প্রত্যেক ভারতবাসীকে সন্ন্যাসী বা সন্ন্যাসিনী করবার চেষ্টা করেছিল । সকলে ত আর তা হতে পারে না । এইরূপে যে সে সাধু হওয়াতে সন্ন্যাসী সন্ন্যাসিনীর ভিতরে ক্রমশঃ ত্যাগের ভাব কমে আসতে লাগল । আর এক কারণ—ধর্মের নামে তিব্বত ও অগ্ন্যাগ্ন দেশের বর্বর আচার ব্যবহারের অনুকরণ । ঐ সকল স্থানে ধর্মপ্রচার করতে গিয়ে তাদের ভিতর ওদের দূষিত আচারগুলি ঢুকলো । তারা শেষে ভারতে সেগুলি চালিয়ে দিলে ।

প্র । মায়া কি অনাদি অনন্ত ?

উ । সমষ্টি ভাবে ধরলে অনাদি অনন্ত বটে, ব্যষ্টিভাবে কিন্তু সান্ত্ব ।

প্র । মায়া কি ?

উ । বস্তু প্রকৃত পক্ষে একটী মাত্রই আছে—তাহাকে জড় বা চৈতন্য যে নামেই অভিহিত কর না কেন । কিন্তু উহাদের মধ্যে একটী ছাড়িয়া আর একটীকে ভাবা শুধু কঠিন নহে ; অসম্ভব । ইহাই মায়া বা অজ্ঞান ।

## কথোপকথন ।

প্র। মুক্তি কি ?

উ। মুক্তি অর্থে সম্পূর্ণ স্বাধীনতা—ভালমন্দ উভয়ের বন্ধন থেকেই মুক্ত হওয়া। লোহার শিকলও শিকল, সোণার শিকলও শিকল। শ্রীরামকৃষ্ণদেব বলতেন,—“পায়ে একটা কাঁটা ফুটলে সেই কাঁটা তুলতে আর একটা কাঁটার প্রয়োজন হয়। কাঁটা উঠে গেলে দুটো কাঁটাই ফেলে দেওয়া হয়। এইরূপ সং-প্রবৃত্তির দ্বারা অসংপ্রবৃত্তিগুলিকে দমন করতে হবে—তারপর কিন্তু সংপ্রবৃত্তিগুলিকে পর্যন্ত জয় করতে হবে।”

প্র। ভগবৎরূপা ব্যতীত কি মুক্তিলাভ হতে পারে ?

উ। মুক্তির সহিত ঈশ্বরের কোন সম্বন্ধ নাই। মুক্তি আমাদের ভিতরে পূর্বে হ’তেই বর্তমান।

প্র। আমাদের মধ্যে বাহ্যকে ‘আমি’ বলা যায়, তাহা দেহাদি থেকে উৎপন্ন নয়, তার প্রমাণ কি ?

উ। অনাত্মার দ্বারা ‘আমি’ও দেহমনাদি থেকেই উৎপন্ন। প্রকৃত ‘আমি’র অস্তিত্বের একমাত্র প্রমাণ প্রত্যক্ষ উপলব্ধি।

প্র। প্রকৃত জ্ঞানী এবং প্রকৃত ভক্তই বা কাকে বলা যায় ?

উ। প্রকৃত জ্ঞানী তিনিই যার হৃদয়ে অগাধ প্রেম বিद्यমান আর যিনি সর্বাবস্থাতে অদ্বৈততত্ত্ব সাক্ষাৎকার করেন। আর তিনিই প্রকৃত ভক্ত, যিনি জীবাত্মাকে পরমাত্মার সহিত অভেদ-ভাবে উপলব্ধি করে অন্তরে প্রকৃত জ্ঞানসম্পন্ন হয়েছেন এবং সকলকেই যিনি ভালবাসেন, সকলের জগৎ যার প্রাণ কাঁদে। জ্ঞান ও ভক্তির মধ্যে যিনি একটীর পক্ষপাতী হয়ে অপরটীর নিন্দা করেন, তিনি জ্ঞানীও নন, ভক্তও নন, তিনি জুয়াচোর।

## প্রশ্নোত্তর ।

প্র। ঈশ্বরের সেবা করবার কি দরকার ?

উ। যদি ঈশ্বরের অস্তিত্ব একবার স্বীকার কর, তবে তাঁকে সেবা করবার যথেষ্ট কারণ পাবে। সকল শাস্ত্রের মতে ভগবৎসেবা অর্থে স্মরণ। যদি ঈশ্বরের অস্তিত্বে বিশ্বাসী হও, তবে তোমার জীবনের প্রতি পদক্ষেপে তাঁকে স্মরণ করবার হেতু উপস্থিত হবে।

প্র। মায়াবাদ কি অদ্বৈতবাদ থেকে কিছু আলাদা ?

উ। না—একই। মায়াবাদ ব্যতীত অদ্বৈতবাদের কোন ব্যাখ্যাই সম্ভবপর নহে।

প্র। ঈশ্বর অনন্ত—তিনি মানুষরূপ ধরে এতটুকু হতে পারেন কি করে ?

উ। সত্য বটে, ঈশ্বর অনন্ত, কিন্তু তোমরা যে ভাবে অনন্ত মনে কোচ্ছো, অনন্ত মানে তা নয়। তোমরা অনন্ত বলতে একটা খুব প্রকাণ্ড জড়সত্তা মনে করে গুলিয়ে ফেল্ছো। ভগবান্ মানুষরূপ ধরতে পারেন না বলতে তোমরা বুঝ্ছো, একটা খুব প্রকাণ্ড জড়ধর্ম্য পদার্থকে এতটুকু করতে পারা যায় না। কিন্তু ঈশ্বর ওহিসাবে অনন্ত নন—তাঁর অনন্তত্ব চৈতন্ত্যের অনন্তত্ব। সুতরাং উহা মানবাকারে আপনাকে অভিব্যক্ত করলে উহার স্বরূপের কোন হানি হয় না।

প্র। কেহ কেহ বলেন, আগে সিদ্ধ হও, তারপর তোমার কার্যে অধিকার হবে ; আবার কেহ কেহ বলেন, গোড়া থেকেই কর্ম্ম করা উচিত। এই দুইটা বিভিন্ন মতের সামঞ্জস্য সাধন কিরূপে হ'তে পারে ?

উ। তোমরা দুটা বিভিন্ন জিনিষে গোল করে ফেল্ছো। কর্ম্ম

## কথোপকথন ।

মানে মানবজাতির সেবা বা ধর্মপ্রচার কার্য। প্রকৃত প্রচারে অবশ্য সিদ্ধ পুরুষ ব্যতীত আর কারও অধিকার নেই। কিন্তু সেবাতে সকলেরই অধিকার আছে ; শুধু তা নয়, যতক্ষণ পর্যন্ত আমরা অপরের সেবা নিচ্ছি ততক্ষণ আমরা অপরকে সেবা করতে বাধ্য।

( ২ )

( ব্রুক্লিন নৈতিক সভা, ব্রুক্লিন, আমেরিকা । )

প্র। আপনি বলেন, সবই মঙ্গলের জন্ত ; কিন্তু দেখিতে পাই, জগতে অমঙ্গল, দুঃখ কষ্ট চতুর্দিকে পরিব্যাপ্ত রহিয়াছে। আপনার ঐ মতের সঙ্গে এই প্রত্যক্ষদৃষ্ট ব্যাপারের আপনি কিরূপে সামঞ্জস্য সাধন করিবেন ?

উ। যদি আপনি প্রথম অমঙ্গলের অস্তিত্ব প্রমাণ করিতে পারেন, তবেই আমি ঐ প্রশ্নের উত্তর দিতে পারি—কিন্তু বৈদান্তিক ধর্ম অমঙ্গলের অস্তিত্বই স্বীকার করেন না। সুখের সহিত অসংযুক্ত অনন্ত দুঃখ থাকিলে তাহাকে অবশ্য প্রকৃত অমঙ্গল বলিতে পারা যায়। কিন্তু যদি সাময়িক দুঃখকষ্ট হৃদয়ের কোমলতা ও মহত্ত্ব বিধান করিয়া মানুষকে অনন্ত সুখের দিকে অগ্রসর করিয়া দেয়, তবে তাহাকে আর অমঙ্গল বলা চলে না—বরং উহাই পরম মঙ্গল বলিতে পারা যায়। আমরা কোন জিনিষকে মন্দ বলিতে পারি না, যতক্ষণ পর্যন্ত না আমরা অনন্তের রাজ্যে উহার পরিণাম কি দাঁড়ায়, তাহার অনুসন্ধান করি।

## প্রশ্নোত্তর ।

ভূত বা পিশাচোপাসনা হিন্দুধর্মের অঙ্গ নহে । মানবজাতি ক্রমোন্নতির পথে চলিয়াছে, কিন্তু সকলেই একরূপ অবস্থায় উপস্থিত হইতে পারে নাই । সেই জন্ত দেখা যায়, পার্থিব জীবনে কেহ কেহ অগ্রাগ্র ব্যক্তি অপেক্ষা মহত্তর ও পবিত্রতর । প্রত্যেক ব্যক্তিরই—তাহার বর্তমান উন্নতিক্ষেত্রের সীমার মধ্যে—আপনাকে উন্নত করিবার সুযোগ বিद्यমান । আমরা নিজেদের নষ্ট করিতে পারি না, আমরা আমাদের অভ্যন্তরীণ জীবনীশক্তিকে নষ্ট বা দুর্বল করিতে পারি না, কিন্তু আমাদের উহাকে বিভিন্ন দিকে পরিচালিত করিবার স্বাধীনতা আছে ।

প্র । জাগতিক জড় পদার্থের সত্যতা কি কেবল আমাদের নিজ মনেরই কল্পনা নহে ?

উ । আমার মতে বাহ্য জগতের অবস্থা একটা সত্য আছে—আমাদের মনের চিন্তার বাহিরেও উহার একটা অস্তিত্ব আছে । সমগ্র প্রপঞ্চ চৈতন্যের ক্রমবিকাশরূপ মহান্ বিধানের অন্তর্ভুক্ত হইয়া উন্নতির পথে অগ্রসর হইতেছে—এই চৈতন্যের ক্রমবিকাশ জড়ের ক্রমবিকাশ হইতে পৃথক্ । জড়ের ক্রমবিকাশ চৈতন্যের বিকাশপ্রণালীর সূচক বা প্রতীকস্বরূপ, কিন্তু ঐ প্রণালীর ব্যাখ্যা করিতে পারে না । আমরা বর্তমান পার্থিব পারিপার্শ্বিক অবস্থায় বদ্ধ থাকায় এখনও অথগু ব্যক্তিত্বপদবী লাভ করিতে পারি নাই । আমরা যতদিন না সেই উচ্চতর অবস্থা লাভ করিব, যে অবস্থায় আমাদের অন্তরাত্মার পরমলক্ষণসমূহ প্রকাশার্থে আমরা উপযুক্ত যন্ত্ররূপে পরিণত হই, ততদিন আমরা প্রকৃত ব্যক্তিত্বলাভ করিতে পারিব না ।



কথোপকথন ।

প্র। যীশুখ্রীষ্টের নিকট একটা জন্মান্বিত শিশু আনিয়া জিজ্ঞাসা করা হইয়াছিল, শিশুটির নিজের কোন পাপবশতঃ অথবা তাহার পিতামাতার পাপ প্রযুক্ত সে অন্ধ হইয়া জন্মিয়াছে—আপনি এই সমস্তার কিরূপ মীমাংসা করেন ?

উ। এ সমস্তার ভিতর পাপের কথা আনিবার কোন প্রয়োজন ত দেখা যাইতেছে না—তবে আমাব দৃঢ় বিশ্বাস—শিশুটির এই অন্ধতা তাহার পূর্বজন্ম-কৃত কোন কার্যের ফলস্বরূপ। আমার মতে এইরূপ সমস্তাগুলি পূর্বজন্ম স্বীকার করিলেই কেবল ব্যাখ্যা করা যাইতে পারে।

প্র। আমাদের আত্মা কি মৃত্যুর পর আনন্দের অবস্থা প্রাপ্ত হয় ?

উ। মৃত্যু কেবল অবস্থার পরিবর্তন মাত্র। দেশ কাল আপনার মধ্যেই বর্তমান, আপনি দেশকালের অন্তর্গত নহেন। এইটুকু জানিলেই যথেষ্ট যে, আমরা ইহলোকে বা পরলোকে যতই আমাদের জীবনকে পবিত্রতর ও মহত্তর করিব, ততই আমরা সেই ভগবানের সমীপবর্তী হইব, যিনি সমুদয় আধ্যাত্মিক সৌন্দর্য্য ও অনন্ত আনন্দের কেন্দ্রস্বরূপ।

( ৩ )

( টোয়েন্টিয়েথ্ সেঞ্চুরি ক্লাব, বোস্টন, আমেরিকা । )

প্র। বেদান্ত কি মুসলমান ধর্ম্মের উপর কোনরূপ প্রভাব বিস্তার করিয়াছিল ?

উ। বেদান্তের আধ্যাত্মিক উদারতা মুসলমান ধর্ম্মের উপর

## প্রশ্নোত্তর ।

বিশেষ প্রভাব বিস্তার করিয়াছিল। ভারতের মুসলমান ধর্ম অত্যান্ত দেশের মুসলমান ধর্ম হইতে সম্পূর্ণ বিভিন্ন জিনিস। কেবল যখন মুসলমানেরা অপর দেশ হইতে আসিয়া তাহাদের ভারতীয় স্বধর্মীদের নিকট বলিতে থাকে যে, তাহারা বিধর্মীদের সহিত মিলিয়া মিশিয়া রহিয়াছে কিরূপে? তখনই অশিক্ষিত গোড়া মুসলমানের দল উত্তেজিত হইয়া দাঙ্গাহাঙ্গামা করিয়া থাকে।

প্র। বেদান্ত কি জাতিভেদ স্বীকার করেন?

উ। জাতিভেদ বৈদান্তিক ধর্মের বিরোধী। জাতিভেদ একটা সামাজিক প্রথা, আর আমাদের বড় বড় আচার্যেরা উহা ভাঙ্গিবার চেষ্টা করিয়াছেন। বৌদ্ধধর্ম হইতে আরম্ভ করিয়া সকল সম্প্রদায়ই জাতিভেদের বিরুদ্ধে প্রচার করিয়াছেন, কিন্তু যতই ঐরূপ প্রচার হইয়াছে, ততই জাতিভেদের নিগড় আরো দৃঢ়তর হইয়াছে। জাতিভেদ রাজনৈতিক ব্যবস্থাসমূহ হইতে উৎপন্ন হইয়াছে মাত্র। উহা বংশপরম্পরাগত ব্যবসায়ী সম্প্রদায়গুলির সমবায় (Trade guild)। কোনরূপ উপদেশ অপেক্ষা, ইউরোপের সহিত বাণিজ্যের প্রতিযোগিতায় জাতিভেদ বেশী ভাঙ্গিয়াছে।

প্র। বেদের বিশেষত্ব কি?

উ। বেদের একটা বিশেষত্ব এই যে, যত শাস্ত্রগ্রন্থ আছে, তন্মধ্যে একমাত্র বেদই বার বার বলিয়াছেন, বেদকেও অতিক্রম করিতে হইবে। বেদ বলেন; উহা কেবল অসিদ্ধাবস্থাক্রম মানবের জন্ম লিখিত। সিদ্ধাবস্থায় বেদের গণ্ডী ছাড়াইয়া যাইতে হইবে।

প্র। আপনার মতে প্রত্যেক জীবাত্মা কি নিত্য সত্য?

উ। জীবসত্তা কতকগুলি সংস্কার বা বুদ্ধির সমষ্টিস্বরূপ, আর

## কথোপকথন ।

এই বুদ্ধিসমূহের প্রতি মুহূর্তেই পরিবর্তন হইতেছে । সুতরাং উহা কখন অনন্তকালের জ্ঞাত সত্য হইতে পারে না । এই মায়িক জগৎ-প্রপঞ্চের মধ্যেই উহার সত্যতা । জীবাত্মা চিন্তা ও স্মৃতির সমষ্টি—উহা কিরূপে নিত্য সত্য হইতে পারে ?

প্র । বৌদ্ধধর্ম ভারতে লোপ হইল কেন ?

উ । বৌদ্ধধর্ম ভারতে প্রকৃতপক্ষে লোপ পায় নাই । উহা কেবল একটী বিপুল সামাজিক আন্দোলন মাত্র ছিল । বুদ্ধের পূর্বে যজ্ঞার্থে এবং অত্যাচার কারণেও অনেক জীবহত্যা হইত, আর লোকে প্রচুর মত্তপান ও মাংস ভোজন করিত । বুদ্ধের উপদেশের ফলে মত্তপান ও জীবহত্যা ভারত হইতে প্রায় লোপ পাইয়াছে ।

( ৪ )

( আমেরিকার হার্টফোর্ডে, ‘আত্মা, ঈশ্বর ও ধর্ম’ সম্বন্ধে একটি বক্তৃতার অবসানে শ্রোতৃবৃন্দ কয়েকটী প্রশ্ন করেন, সেই প্রশ্নগুলি ও তাহাদের উত্তর নিম্নে দেওয়া যাইতেছে । )

শ্রোতৃবৃন্দের মধ্যে জনৈক ব্যক্তি বলিলেন,—

যদি খ্রীষ্টীয় ধর্মোপদেষ্টৃগণ লোককে নরকাগ্নির ভয় না দেখান, তবে লোকে আর তাহাদের কথা মানিবে না ।

উত্তর । তাই যদি হয় তু না মানাই ভাল । যাহাকে ভয় দেখাইয়া ধর্মকর্ম করাইতে হয়, বাস্তবিক তাহার কোন ধর্মই হয় না । লোককে তাহার আত্মরূপী প্রকৃতির কথা কিছু না বলিয়া তাহার ভিতরে যে দেবভাব অন্তর্নিহিত রহিয়াছে, তাহার বিষয় উপদেশ দেওয়াই ভাল ।

## প্রশ্নোত্তর ।

প্র। প্রভু ( যীশুখ্রীষ্ট ) “স্বর্গরাজ্য এ জগতের নহে,” একথা কি অর্থে বলিয়াছিলেন ?

উ। তাঁহার বলিবার উদ্দেশ্য ছিল যে, স্বর্গরাজ্য আমাদের ভিতরেই রহিয়াছে। যাহাদীদের ধারণা ছিল যে, এই পৃথিবীতেই স্বর্গরাজ্য বলিয়া একটা রাজ্য প্রতিষ্ঠিত হইবে। যীশুর সে ভাব ছিল না।

প্র। আপনি কি বিশ্বাস করেন, আমরা পূর্ব পশু ছিলাম এক্ষণে মানব হইয়াছি ?

উ। আমার বিশ্বাস, ক্রমবিকাশের নিয়মানুসারে উচ্চতর প্রাণী-সমূহ নিম্নতর জীবসমূহ হইতে আসিয়াছে।

প্র। আপনি কি এমন কাহাকেও জানেন, যাহার পূর্ব জন্মের কথা মনে আছে ?

উ। আমার এমন কয়েকজন ব্যক্তির সহিত সাক্ষাৎ হইয়াছে যাহারা আমাকে বলিয়াছেন, যে, তাঁহাদের পূর্বজন্মের কথা স্মরণ আছে। তাঁহারা এমন এক অবস্থা লাভ করিয়াছেন, যাহাতে তাঁহাদের পূর্বজন্মের স্মৃতি উদিত হইয়াছে।

প্র। আপনি খ্রীষ্টের ক্রুশে বিদ্ধ হওয়া ব্যাপার কি বিশ্বাস করেন ?

উ। খ্রীষ্ট ঈশ্বরাবতার ছিলেন—লোকে তাঁহাকে হত্যা করিতে পারে নাই। যাহা তাহার ক্রুশে বিদ্ধ করিয়াছিল, তাহা একটা ছায়া মাত্র, মরুমরীচিকা স্বরূপ একটা ভ্রান্তি মাত্র।

প্র। যদি তিনি ঐরূপ একটা ছায়াশরীর নির্মাণ করিতে পারিতেন, তাহা হইলে তাহাই কি সর্বাপেক্ষা শ্রেষ্ঠ অলৌকিক ব্যাপার নহে ?

## কথোপকথন ।

উ । আমি অলৌকিক ঘটনাসমূহকে সত্যতাভের পথে সর্বো-  
পেক্ষা অধিক বিম্বকর বলিয়া মনে করি । বুদ্ধের শিষ্যগণ একবার  
তাঁহাকে তথাকথিত অলৌকিক ক্রিয়াকারী ব্যক্তির কথা বলিয়া-  
ছিল । ঐ ব্যক্তি স্পর্শ না করিয়া খুব উচ্চস্থান হইতে একটি  
পাত্র লইয়া আসিয়াছিল । কিন্তু বুদ্ধদেবকে সেই পাত্রটী দেখাইবা  
মাত্র তিনি তাহা লইয়া পদদ্বারা চূর্ণবিচূর্ণ করিয়া ফেলিলেন, আর  
তাহাদিগকে অলৌকিক ক্রিয়ার উপর ধর্মের ভিত্তি নিষ্কাণ করিতে  
নিষেধ করিয়া বলিলেন, সনাতন তত্ত্বসমূহের মধ্যে সত্যের অন্বেষণ  
করিতে হইবে । তিনি তাহাদিগকে যথার্থ আভ্যন্তরিক জ্ঞান-  
লোকের বিষয়, আত্মতত্ত্ব, আত্মজ্যোতির বিষয় শিক্ষা দিয়াছিলেন--  
আর ঐ আত্মজ্যোতির আলোকে অগ্রসর হওয়াই একমাত্র নিরাপদ  
পন্থা । অলৌকিক ব্যাপারগুলি ধর্মপথের কেবল প্রতিবন্ধক মাত্র ।  
সেগুলিকে সম্মুখ হইতে দূর করিয়া দিতে হইবে ।

প্র । আপনি কি বিশ্বাস করেন, যীশু শৈলোপদেশ (Sermon  
on the Mount) দিয়াছিলেন ?

উ । যীশু শৈলোপদেশ দিয়াছিলেন, ইহা আমি বিশ্বাস করি ।  
কিন্তু এ বিষয়ে অপরাপর লোকে যেমন গ্রন্থের উপর নির্ভর করেন,  
আমাকেও তাহাই করিতে হয় ; আর আমি ইহা জানি যে, কেবল  
গ্রন্থের প্রমাণের উপর সম্পূর্ণ আস্থা কবা যাইতে পারে না । তবে  
ঐ শৈলোপদেশকে আমাদের জীবনের পথপ্রদর্শকরূপে গ্রহণ করিলে  
আমাদের কোন বিপদের সম্ভাবনা নাই । আধ্যাত্মিক কল্যাণপ্রদ  
বলিয়া আমাদের প্রাণে যাহা লাগিবে, তাহাই আমাদিগকে গ্রহণ  
করিতে হইবে । বুদ্ধ খ্রীষ্টের পাঁচশত বর্ষ পূর্বে উপদেশ দিয়া

## প্রশ্নোত্তর ।

গিয়াছেন—তাঁহার বাক্যাবলী প্রেম ও আশীর্বাদপূর্ণ । কখন তাঁহার মুখ হইতে কাহারও প্রতি একটি অভিশাপবাণী উচ্চারিত হয় নাই—তাঁহার জীবনের মধ্যেও কাহারও অশুভানুধ্যানের কথা শুনা যায় না । জরতুষ্ট্র বা কংফুছের মুখ হইতেও কখন অভিশাপ-বাণী নির্গত হয় নাই ।

( ৫ )

( নিম্নলিখিত প্রশ্নোত্তরগুলি আমেরিকার বিভিন্ন বক্তৃতার অন্তে হইয়াছিল । সেই সকল বিভিন্ন স্থান হইতে এগুলি সংগৃহীত হইয়াছে । ইহাদের মধ্যে একটি আমেরিকার একখানি সংবাদপত্র হইতে সংগৃহীত । )

প্র । আত্মার পুনর্দেহধারণ সম্বন্ধীয় হিন্দু মতবাদটা কিরূপ ?

উ । বৈজ্ঞানিকদের শক্তি বা জড়-সাতত্য ( বা নৈরন্তর্য্য ) ( Conservation of energy or matter ) মত যে ভিত্তির উপর প্রতিষ্ঠিত, ইহাও সেই ভিত্তির উপর স্থাপিত । এই মতবাদ ( Conservation of energy or matter ) আমাদের দেশের জ্ঞানৈক দার্শনিকই প্রথম প্রকাশ করেন । তাঁহারা সৃষ্টি বিশ্বাস করিতেন না । ‘সৃষ্টি’ বলিলে বুঝায়,—‘কিছু না’ হইতে ‘কিছু’ হওয়া । ইহা অসম্ভব । যেমন কালের আদি নাই, তদ্রূপ সৃষ্টিরও আদি নাই । ঈশ্বর ও সৃষ্টি যেন দুইটা রেখার মত—উহাদের আদি নাই, অন্ত নাই—উহারা নিত্য পৃথক । সৃষ্টি সম্বন্ধে আমাদের মত এই যে, উহা ছিল, আছে ও থাকিবে । পাশ্চাত্যদেশীয়গণকে ভারত হইতে একটি বিষয় শিখিতে হইবে—পরধর্ম্ম-সহিষ্ণুতা । কোন ধর্ম্মই মন্দ নহে, কারণ, সকল ধর্ম্মেরই সারভাগ একই প্রকার ।

কথোপকথন ।

প্র। ভারতরমণীগণ তত উন্নত নহেন কেন ?

উ। বিভিন্ন যুগে যে অনেক অসভ্য জাতি ভারত আক্রমণ করিয়াছিল, প্রধানতঃ তাহার জন্তই ভারতমহিলা এত অনুন্নত । কতকটা ভারতবাসীর নিজের দোষ ।

এক সময় আমেরিকায় স্বামীজিকে বলা হইয়াছিল, হিন্দুধর্ম কখন অগ্রদর্শীবলদ্ব্যকে নিজধর্মে আনয়ন করে না তাহাতে তিনি বলিয়াছিলেন—যেমন প্রাচ্যভূভাগে ঘোষণার্থ বুদ্ধের বিশেষ একটা সমাচার ছিল, আমারও তদ্রূপ পাশ্চাত্যদেশে ঘোষণা করিবার একটা সমাচার রহিয়াছে ।

প্র। আপনি কি এদেশে ( আমেরিকায় ) হিন্দুধর্মের ক্রিয়াকলাপ অনুষ্ঠানাদির প্রবর্তন করিতে ইচ্ছা করেন ?

উ। আমি কেবল দার্শনিক তত্ত্ব প্রচার করিতেছি ।

প্র। আপনার কি মনে হয় না, যদি ভবিষ্যৎ নরকের ভয় লোকের সন্মুখ হইতে অপসারণ করা হয়, তবে তাহাদিগকে কোন-রূপে শাসন করা যাইবে না ?

উ। না ; বরং আমার মনে হয়, ভয় অপেক্ষা হৃদয়ে প্রেম ও আশার সঞ্চার হইলে সে চের ভাল হইবে ।

## হার্ভার্ড বিশ্ববিদ্যালয়ে স্বামী বিবেকানন্দ ।

( স্বামীজি ১৮৯৬ খ্রীষ্টাব্দের ২৫শে মার্চ আমেরিকার যুক্তরাজ্যের হার্ভার্ড বিশ্ববিদ্যালয়-সংস্থ গ্রাজুয়েট দার্শনিক সভায় বেদান্তদর্শন সম্বন্ধে এক বক্তৃতা দেন । বক্তৃতাবসানে শ্রোতৃবৃন্দের সহিত নিম্নলিখিত প্রশ্নোত্তর হইয়াছিল । )

প্র। ভারতে দার্শনিক চিন্তার বর্তমান অবস্থা কিরূপ, তাহা আমি জানিতে ইচ্ছা করি । এ সকল বিষয় আজকাল কি পরিমাণে আলোচিত হইয়া থাকে ?

উ। আমি পূর্বেই বলিয়াছি, ভারতের অধিকাংশ লোকই প্রকৃতপক্ষে দ্বৈতবাদী । অতি অল্পসংখ্যকই অদ্বৈতবাদী । সে দেশে প্রধান আলোচনার বিষয়—মায়াবাদ ও জীবতত্ত্ব । আমি এদেশে আসিয়া দেখিলাম, এখানকার শ্রমজীবীরা রাজনৈতিক জগতে বর্তমান অবস্থার সহিত বিশেষ পরিচিত, কিন্তু যখন আমি তাহাদিগকে জিজ্ঞাসা করিলাম, “ধর্ম বলিতে তোমরা কি বুঝ, অমুক অমুক সম্প্রদায়ের ধর্মমত কি প্রকার,”—তাহারা বলিল, “তাহা আমরা জানি না, আমরা চার্চে গিয়া থাকি মাত্র ।” ভারতে কিন্তু কোন চাষার কাছে গিয়া যদি আমি জিজ্ঞাসা করি, “তোমাদের শাসনকর্তা কে ?”—সে বলিবে, “তাহা আমরা জানি না, আমরা টেক্স দিয়া থাকি মাত্র ।” কিন্তু যদি তাহাকে তাহার ধর্ম সম্বন্ধে জিজ্ঞাসা করি, সে অমনি বুঝাইয়া দিবে, সে দ্বৈতবাদী, আর সে মায়্যা ও জীবতত্ত্ব সম্বন্ধে তাহার ধারণা বিস্তারিতভাবে বলিতে প্রস্তুত



## কথোপকথন ।

হইবে। তাহারা লিখিতে পড়িতে জানে না, কিন্তু এ সকল তাহারা সন্ন্যাসীদের নিকট হইতে শিখিয়াছে, আর ঐ সব বিষয় আলোচনা করিতে খুব ভালবাসে। সারা দিনের কাষের পর চাষারা গাছতলায় বসিয়া ঐ সব তত্ত্ব আলোচনা করিয়া থাকে।

প্র। কি হইলে ‘গোঁড়া হিন্দু’ হওয়া যায় ?

উ। বর্তমান কালে আহাৰ, পান ও বিবাহ সম্বন্ধে জাতিগত বিধিনিবেদ প্রতিপালন করিলেই ‘গোঁড়া হিন্দু’ হওয়া যায়। তার পর সে যে কোন মতে বিশ্বাস করুক, তাহাতে কিছু আসিয়া যায় না। ভারতে কখন বিধিবদ্ধ ধর্মমণ্ডলী বা চার্ট ছিল না সুতরাং গোঁড়া বা খাঁটি হিন্দুয়ানির মত গঠিত ও বিধিবদ্ধ করিবার জ্ঞাত একদল লোক কোন কালেই ছিল না। মোটামুটিভাবে আমরা বলিয়া থাকি, যাহারা বেদবিশ্বাসী, তাহারাই গোঁড়া বা খাঁটি হিন্দু ; কিন্তু প্রকৃতপক্ষে দেখিতে পাই, দ্বৈতবাদী সম্প্রদায়সমূহের অনেকেই কেবল বেদবিশ্বাসী না হইয়া পুরাণেই অধিক বিশ্বাস করিয়া থাকেন।

প্র। আপনাদের হিন্দু দর্শন গ্রীকদের ষ্টোয়িক \* দর্শনের উপর কিরূপ প্রভাব বিস্তার করিয়াছিল ?

উ। খুব সম্ভবতঃ আলেক্সান্দ্রিয়াবাসিগণের মধ্য দিয়া হিন্দু-দর্শন উহার উপর কিছু প্রভাব বিস্তার করিয়াছিল। পিথাগোরাসের উপদেশের মধ্য যে সাংখ্যমতের কিছু প্রভাব বিদ্যমান, এরূপ

---

\* সম্ভবতঃ ৩০৮ খ্রীষ্টপূর্বাব্দে গ্রীক দার্শনিক জিনো ( Zeno ) কর্তৃক এই দর্শন প্রচলিত হয়। ইহার মতে সুখদুঃখ ভালমন্দ সকল বিষয়ে সমভাবসম্পন্ন হওয়া ও সমস্ত হিরন্ময়ে সন্তুষ্ট হওয়াই মানব জীবনের পরম পুরুষার্থ।

## হার্ভার্ড বিশ্ববিদ্যালয়ে স্বামী বিবেকানন্দ ।

সন্দেহ করিবার কারণ আছে । যাহাই হউক, আমাদের ধারণা—  
সাংখ্যদর্শনেই বেদনিবন্ধ দার্শনিক-তত্ত্বসমূহকে যুক্তিবিচার দ্বারা  
সমন্বয় করিবার প্রথম চেষ্টা । আমরা, এমন কি, বেদে পর্য্যন্ত  
কপিলের নামোল্লেখ দেখিতে পাই—

“ঋষিং প্রসূতং কপিলং যন্তমগ্রে ।”

( শ্বেতাস্বতর উপনিষদ্ । )

“যিনি সেই কপিল ঋষিকে প্রথমে প্রসব করিয়াছিলেন ।”

প্র । পাশ্চাত্য বিজ্ঞানের সহিত এই মতের কি বিরোধ ?

উ । কিছুমাত্র বিরোধ নাই, বরং আমাদের সহিত পাশ্চাত্য  
বিজ্ঞানের মিল আছে । আমাদের পরিণামবাদ এবং আকাশ ও  
প্রাণতত্ত্ব ঠিক আপনাদের আধুনিক দর্শনের সিদ্ধান্তের মত ।  
আপনাদের পরিণামবাদ বা ক্রমবিকাশ আমাদের যোগ ও সাংখ্য-  
দর্শনের ভিতর রহিয়াছে । দৃষ্টান্তস্বরূপ দেখুন—পতঞ্জলি প্রকৃতির  
আপূরণের দ্বারা একজাতি অগ্নি জাতিতে পরিণত হইবার কথা  
বলিয়াছেন । “জাত্যন্তরপরিণামঃ প্রকৃত্যাপুরাৎ ।” তবে ইহার  
কারণ সম্বন্ধে তাহার সহিত পাশ্চাত্য বিজ্ঞানের মতভেদ আছে ।  
তাঁহার পরিণামের ব্যাখ্যা আধ্যাত্মিক । তিনি বলেন, ‘যেমন  
কৃষক তাহার ক্ষেত্রে নিকটবর্তী জলাশয় হইতে জলসেচনের  
ইচ্ছা করিলে তাহাকে কেবল জলাবরোধ দ্বারা তুলিয়া ফেলিতে  
হয় মাত্র । “নিমিত্তমপ্রয়োজকং প্রকৃতীনাং বরণভেদস্ত ততঃ  
ক্ষেত্রিকবৎ,” তদ্রূপ সকল মানবই পূর্ব হইতেই অনন্তশক্তিসম্পন্ন—  
কেবল এই সকল বিভিন্ন অবস্থাত্তরুরূপ দ্বার বা প্রতিবন্ধকরাশি  
তাহাকে বন্ধ করিয়া রাখিয়াছে । সেইগুলি সরাইয়া ফেলিলেই

কথোপকথন ।

তাঁহার সেই অনন্ত শক্তি মহাবেগে বাহির হইয়া অভিব্যক্ত হইয়া থাকে । তিৰ্য্যগ্জাতির ভিতর গৃঢ়ভাবে মনুষ্যত্ব লুকায়িত রহিয়াছে যখন শুভযোগ উপস্থিত হয়, তখনই সে মানবরূপে অভিব্যক্ত হয় । আবার যখন উপযুক্ত সুযোগ ও অবসর উপস্থিত হয়, তখনই মানবের মধ্যে যে জীৱন্ত বর্তমান, তাহা অভিব্যক্ত হয় । সুতরাং আমাদের আধুনিক নূতন মতবাদসমূহের সহিত বিবাদ করিবার বিশেষ কিছু নাই । দৃষ্টান্তস্বরূপ দেখুন, বিষয়প্রত্যক্ষের প্রণালী সম্বন্ধে সাংখ্যদের মতের সহিত আধুনিক শারীরবিধান ( physiology ) শাস্ত্রের মতভেদ খুব অল্প ।

প্র । কিন্তু আপনাদের জ্ঞানার্জনের প্রণালী বিভিন্ন ।

উ । হাঁ । আমরা বলি, মনের শক্তিসমূহকে একমুখী করাই জ্ঞানলাভের একমাত্র উপায় । বহির্বিজ্ঞানে বাহ্য বিষয়ের উপর মনকে একাগ্র করিতে হয়—আর অন্তর্বিজ্ঞানে মনের গতিকে আত্মাভিমুখীন করিতে হয় । আমরা মনের এই একাগ্রতাকে যোগ আখ্যা দিয়া থাকি ।

প্র । একাগ্রতার অবস্থায় কি এই সকল তত্ত্বের যাথার্থ্য স্বতঃসিদ্ধ হইয়া পড়ে ?

উ । যোগীরা এই একাগ্রতাশক্তির ফল অতি মহৎ বলিয়া বর্ণনা করিয়া থাকেন । তাঁহারা বলেন, মনের একাগ্রতার দ্বারা জগতের সমুদয় সত্য—বাহ্য ও অন্তর উভয় জগতের সত্যই—করামলকবৎ প্রত্যক্ষ হইয়া থাকে ।

প্র । অদ্বৈতবাদী সৃষ্টিতত্ত্ব সম্বন্ধে কি বলেন ?

উ । অদ্বৈতবাদী বলেন, এই সব সৃষ্টিতত্ত্ব ও অগ্ৰাণ্ণ যাহা

## হার্ভার্ড বিশ্ববিদ্যালয়ে স্বামী বিবেকানন্দ ।

কিছু, সবই মায়ার—এই আপাতপ্রতীয়মান প্রপঞ্চের—অন্তর্গত ।  
বাস্তবপক্ষে উহাদের অস্তিত্বই নাই । তবে আমরা যতদিন বদ্ধ,  
ততদিন আমাদেরকে এই দৃশ্যজাত দেখিতে হয় । এই দৃশ্যজাতের  
মধ্যে ঘটনাবলী কতকগুলি নির্দিষ্ট ক্রমানুসারে ঘটিয়া থাকে ।  
উহাদের অতীতে আর কোন নিয়ম বা ক্রম নাই, তথায় সম্পূর্ণ  
মুক্তি—সম্পূর্ণ স্বাধীনতা ।

প্র । অদ্বৈতবাদ কি দ্বৈতবাদের বিরোধী ?

উ । উপনিষদ্ প্রণালী-বদ্ধ-ভাবে লিখিত নহে বলিয়া,  
দার্শনিকেরা যখন কোন প্রণালীবদ্ধ দর্শনশাস্ত্র গঠনে ইচ্ছা  
করিয়াছেন, তখনই তাঁহারা উহাদের মধ্য হইতে নিজেদের  
অভিপ্রায়ানুযায়ী প্রমাণীভূত বচনাবলী বাছিয়া লইয়াছেন । সেই  
কারণে সকল দর্শনকারই উপনিষদকে প্রমাণরূপে গ্রহণ করিয়াছেন—  
নতুবা তাঁহাদের দর্শনের কোনরূপ ভিত্তিই হইতে পারিত না । কিন্তু  
আমরা দেখিতে পাই, উপনিষদের মধ্যে বিভিন্ন সর্বপ্রকার চিন্তা-  
প্রণালীই বিদ্যমান । আমাদের সিদ্ধান্ত এই যে, অদ্বৈতবাদ  
দ্বৈতবাদের বিরোধী নহে । আমরা বলি, চরমজ্ঞানে আরোহণের  
তিনটি সোপানের মধ্যে দ্বৈতবাদ একটা সোপান মাত্র । ধর্মের  
ভিতর সর্বদাই তিনটি সোপান দেখিতে পাওয়া যায় । প্রথম,  
দ্বৈতবাদ । তারপর মানব অপেক্ষাকৃত উচ্চতর অবস্থায় উপস্থিত  
হয়—উহা বিশিষ্টাদ্বৈতবাদ । আর—অবশেষে সে দেখিতে পায়  
যে সে জগদব্রহ্মাণ্ডের সহিত অভিন্ন । সুতরাং এই তিনটি পরস্পর  
পরস্পরের বিরোধী নহে, কিন্তু পরস্পর পরস্পরের সহায়ক ।

প্র । মায়া বা অজ্ঞানের অস্তিত্বের কারণ কি ?

## কথোপকথন ।

উ । কার্যকারণসংঘাতের সীমার বাহিরে ‘কেন’ এই প্রশ্ন জিজ্ঞাসা করা যাইতে পারে না । মায়াবাজ্যের ভিতরেই ‘কেন’ জিজ্ঞাসা করা যাইতে পারে । আমরা বলি, যদি প্রশ্নটিকে ত্রায়-শাস্ত্রসঙ্গত আকারে প্রকাশ করিতে পারা যায়, তবেই আমরা উহার উত্তর দিব । তৎপূর্বে আমাদের উহার উত্তর লাভের অধিকার নাই ।

প্র । সগুণ ঈশ্বর কি মায়ার অন্তর্গত ?

উ । হাঁ, তবে এই সগুণ ঈশ্বর মায়াবরণ মধ্য দিয়া দৃষ্ট, সেই নিগুণব্রহ্ম ব্যতীত আর কিছু নহে । মায়া বা প্রকৃতির অধীন হইলে সেই নিগুণব্রহ্ম জীবাত্মা শব্দবাচ্য আর মায়াধীন বা প্রকৃতির নিয়ন্তারূপে সেই নিগুণব্রহ্মই ঈশ্বর বা সগুণব্রহ্ম শব্দবাচ্য । যদি কোন ব্যক্তি সূর্য্যদর্শনার্থ এখান হইতে উঠে যাত্রা করে, তবে সে যতদিন না আসল সূর্য্যের নিকট পঁহুঁছিতেছে, ততদিন ইহাকে ক্রমশঃ বৃহত্তর হইতে বৃহত্তররূপে দেখিবে । সে যতই অগ্রসর হয়, সে যেন ভিন্ন ভিন্ন সূর্য্য দেখিতেছে বলিয়া মনে করিতে পারে, কিন্তু সে যে সেই এক সূর্য্য দেখিতেছে, তাহাতে আমাদের কোন সন্দেহ নাই । এইরূপ আমরা এই সব যাহা কিছু দেখিতেছি, সমুদয়ই সেই নিগুণব্রহ্মসত্তারই বিভিন্ন রূপ মাত্র, সুতরাং সেই হিসাবে তাহারা সত্য । ইহাদের মধ্যে কোনটাই মিথ্যা নহে, তবে আমরা এই পর্য্যন্ত বলিতে পারি যে, ওগুলি নিম্নতর সোপান মাত্র ।

প্র । সেই পূর্ণ নিরপেক্ষ সত্তাকে জানিবার বিশেষ প্রণালী কি ?

হার্ভার্ড বিশ্ববিদ্যালয়ে স্বামী বিবেকানন্দ ।

উ। আমরা বলি, দুইটি প্রণালী আছে। একটি অস্তিত্ব-ভাবগোচক বা প্রবৃত্তিমার্গ, অপরটি নাস্তিত্বগোচক বা নিরুত্তিমার্গ। প্রথমোক্ত মার্গে সমগ্র জগৎ চলিতেছে—এই পথে আমরা প্রেমের দ্বারা সেই পূর্ণ বস্তুতে পঁছরিবার চেষ্টা করিতেছি। যদি প্রেমের পরিধি অনন্তগুণে বাড়াইয়া যাওয়া যায়, তবে আমরা সেই এক সার্বজনীন প্রেমে উপনীত হই। অপর পথে ‘নেতি,’ ‘নেতি,’ অর্থাৎ ইহা নহে, ইহা নহে, এইরূপে সাধন করিতে হয়—যে কোন চিন্তের তরঙ্গ মনকে বহিস্থ করিতে চেষ্টা করে, এই প্রণালীতে তাহাকেই নিবারণ করিতে হয়। পরিশেষে মনটাই যেন মরিয়া যায়, তখন সত্য স্বয়ং প্রকাশিত হইয়া থাকে। আমরা এই অবস্থাকে সমাধি বা জ্ঞানাতীত অবস্থা বা পূর্ণ জ্ঞানাবস্থা বলিয়া থাকি।

প্র। ইহা তাহা হইলে বিষয়ীকে (জ্ঞাতা বা দ্রষ্টাকে) বিষয়ে (জ্ঞেয় বা দৃশ্যে) ডুবাইয়া দেওয়ার অবস্থা?

উ। বিষয়ীকে বিষয়ে নহে, বিষয়কে বিষয়ীতে ডুবাইয়া দেওয়া। বাস্তবিক এই জগৎ উড়িয়া যায়, কেবল আমি থাকি—একমাত্র কেবল আমিই বর্তমান থাকি।

প্র। আমাদের কয়েকজন জন্মান দার্শনিকের মত—ভারতের ভক্তিবাদ খুব সম্ভবতঃ পাশ্চাত্য প্রভাবের ফলস্বরূপ।

উ। আমি ইহাদের সহিত একমত নহি—এরূপ অনুমান মুহূর্তমাত্রও টিকিতে পারে না। ভারতীয় ভক্তি পাশ্চাত্যদেশের ভক্তির মত নহে। ভক্তি শব্দে আমাদের মুখ্য ধারণা এই যে, উহাতে ভয়ের ভাব আদৌ নাই—কেবল ভগবান্কে ভালবাসা। দ্বিতীয়তঃ, এইরূপ অনুমান সম্পূর্ণ অনাবশ্যক। ভক্তির কথা

## কথোপকথন ।

প্রাচীনতম উপনিষৎ-সমূহে পর্য্যন্ত রহিয়াছে ; ঐ উপনিষদগুলি খ্রীষ্টানদের বাইবেল গ্রন্থ হইতে অনেক প্রাচীন । সংহিতার মধ্যে পর্য্যন্ত ভক্তির বীজ রহিয়াছে । ভক্তি শব্দটাও একটা পাশ্চাত্য শব্দ নহে । বেদ-মন্ত্রে উল্লিখিত শ্রদ্ধা শব্দ হইতে ক্রমশঃ ভক্তিবাদের উদ্ভব হইয়াছিল ।

প্র । খ্রীষ্টধর্ম্ম সম্বন্ধে ভারতবাসীর কিরূপ ধারণা ?

উ । খুব ভাল বলিয়াই ধারণা । বেদান্ত সকলেই গ্রহণ করিয়া থাকে । ভারতে আমাদের ধর্ম্মশিক্ষাসম্বন্ধে অগ্রাগ্র দেশ হইতে একটা বিশেষত্ব আছে । মনে করুন, 'আমার একটা ছেলে আছে । আমি তাহাকে কোন প্রকার ধর্ম্মমত শিক্ষা দিব না— তাহাকে প্রাণায়াম শিখাইব, মনকে একাগ্র করিতে শিখাইব, আর একটু সামান্য প্রার্থনা শিখাইব—আপনারা প্রার্থনা বলিতে যেক্রপ বুঝেন, তাহা নহে, কেবল কতকটা এই ভাবের প্রার্থনা শিখাইব— “যিনি এই জগদ্রক্ষাণ্ডের সৃষ্টি করিয়াছেন, আমি তাঁহাকে ধ্যান করি—তিনি আমার মনকে জ্ঞানালোকে আলোকিত করুন \*”। তাহার ধর্ম্মশিক্ষা এইরূপ চলিবে, তারপর সে বিভিন্নমতাবলম্বী দার্শনিক ও আচার্য্যগণের মত গুনিতে থাকিবে । সে ইহাদের মধ্যে যাহার মত নিজের সর্ব্বাপেক্ষা উপযোগী বলিয়া মনে করিবে, তাঁহাকেই গ্রহণ করিবে—এই ব্যক্তিই তাহার গুরু হইবেন—সে শিষ্য হইবে । সে তাঁহাকে বলিবে, “আপনি যে দর্শন প্রচার করিতেছেন, তাহাই সর্ব্বোৎকৃষ্ট, অতএব আমাকে উহা শিক্ষা দিন ।” আমাদের মূল কথাটা এই যে, আপনার মত আমার উপযোগী

---

\* ঐ তৎসবিতুর্করণ্য ভর্গোদেবস্ত ধীমহি ধियो যোনঃ প্রচোদয়াৎ ।

## হার্ভার্ড বিশ্ববিদ্যালয়ে স্বামী বিবেকানন্দ ।

হইতে পারে না, আবার আমার মত আপনার উপযোগী হইতে পারে না । প্রত্যেকের সাধনপথ ভিন্ন ভিন্ন । আমার কনার সাধনপথ এক প্রকার, আমার পুত্রের অত্র প্রকার, আমার আবার সম্পূর্ণ বিভিন্ন প্রকারের হইতে পারে । সুতরাং প্রত্যেকেরই ইষ্ট বা নির্বাচিত পথ ভিন্ন হইতে পারে—আর এই সাধনপথের বিষয় প্রত্যেকেই নিজ নিজ অন্তরে গোপন রাখিয়া থাকেন । ঐ পথের বিষয় আমি জানি ও আমার গুরু জানেন—আর কাহাকেও আমরা উহা জানাই না ; কারণ, আমরা লোকের সঙ্গে অনর্থক বিবাদ করিতে চাহি না । উহা অপরের নিকট প্রকাশ করিলে তাহার কোন উপকার হইবে না ; কারণ, প্রত্যেকেই নিজ নিজ পথ বাছিয়া লইতে হইবে । এই কারণে সর্বসাধারণের নিকট কেবল সর্বসাধারণসম্মত দর্শন ও সাধনপ্রণালী সমূহই শিক্ষা দেওয়া যাইতে পারে । একটা দৃষ্টান্ত দিতেছি—অবশ্য দৃষ্টান্তটী শুনিলে হাসি আসিবে—এক পায়ে দাঁড়াইয়া থাকিলে তাহাতে হয়ত আমার উন্নতির সহায়তা হইতে পারে । এখন উহা আমার পক্ষে উপযোগী হইলেও, আমি যদি সকলকে এক পায়ে দাঁড়াইতে উপদেশ দিই, সকলেই আমার কথা শুনিয়া হাসিবে । এরূপ হওয়া খুব সম্ভব যে, আমি হয়ত দ্বৈতবাদী, আমার স্ত্রী হয়ত অদ্বৈতবাদী । আমার কোন পুত্র ইচ্ছা করিলে খ্রীষ্ট, বুদ্ধ বা মহম্মদের উপাসক হইতে পারে, উহা তাহার ইষ্ট । অবশ্য তাহাকে জাতিগত সামাজিক নিয়ম প্রতিপালন করিতেই হইবে ।

প্র । সকল হিন্দুই কি জাতিবিভাগে বিশ্বাসী ?

উ । বাধ্য হইয়া জাতিগত নিয়ম মানিতে হয় । আত্মা



## কথোপকথন ।

আপাততঃ না থাকিলেও, সামাজিক নিয়ম লঙ্ঘন করিবার জো নাই ।

প্র। এই প্রাণায়াম ও একাগ্রতার অভ্যাস কি সর্বসাধারণে করিয়া থাকে ?

উ। হাঁ, তবে কেহ কেহ অতি অল্পমাত্রই অভ্যাস করিয়া থাকে—যতটুকু না করিলে ধর্ম্মশাস্ত্রের আদেশ লঙ্ঘন হয়—ততটুকুই করিয়া থাকে । ভারতের মন্দিরসমূহ এখানকার চার্চের মত নহে । কালই সমুদয় মন্দির অন্তর্হিত হইতে পারে, লোকে উহার একান্ত অভাববোধ করিবে না । স্বর্গকাম বা পুত্রকাম হইয়া অথবা ঐরূপ অল্প কিছুর জন্ত লোকে মন্দির নিৰ্ম্মাণ করায় । কেহ হয়ত খুব একটা বড় মন্দির প্রতিষ্ঠা করাইল ও তথায় পূজার জন্ত কয়েকজন পুরোহিত নিযুক্ত করিয়া দিল, কিন্তু আমার তথায় যাইবার কিছুমাত্র প্রয়োজন নাই, কারণ, আমার যাহা কিছু পূজা পাঠ, তাহা আমার ঘরেই হইয়া থাকে । প্রত্যেক বাড়ীতেই একটা আলাদা ঘর থাকে—তাহাকে ঠাকুরঘর বা পূজাগৃহ বলে । দীক্ষা গ্রহণের পর প্রত্যেক বালক বালিকার জীবনে কর্তব্য—প্রথমে স্নান, তার পর পূজাহীন করা । আর তাহার পূজা বা উপাসনা—এই প্রাণায়াম ও ধ্যান এবং বিশেষ একটা নাম জপ করা । আর একটা বিষয়ে লক্ষ্য রাখিতে হয়—সাধনের সময় শরীরটাকে সোজা করিয়া রাখিতে হয় । আমাদের বিশ্বাস—মনের শক্তির দ্বারা শরীরটাকে সুস্থ রাখা যাইতে পারে । একজন এইরূপ পূজা করিয়া উঠিয়া গেল, আর একজন আসিয়া সেই আসনে বসিয়া পূজা করিতে লাগিল—সকলেই নিস্তর্র ভাবে নিজের নিজের পূজা করিয়া চলিয়া গেল । সময়ে সময়ে

## হার্ভার্ড বিশ্ববিদ্যালয়ে স্বামী বিবেকানন্দ ।

এক ঘরে তিন চারজন বসিয়া উপাসনা করে, কিন্তু প্রত্যেকেরই উপাসনাপ্রণালী হয় ত ভিন্ন ভিন্ন । এইরূপ পূজা প্রত্যাহ অন্ততঃ দুইবার করিয়া করিতে হয় ।

প্র । আপনি যে অদ্বৈত অবস্থার কথা বলেন, উহা কি কেবল আদর্শমাত্র, না কেহ ঐ অবস্থা প্রকৃতপক্ষে লাভ করিয়াছেন ?

উ । আমরা বলি, উহা প্রত্যক্ষের অন্তর্ভুক্ত ব্যাপার—আমরা বলি, ঐ অবস্থা উপলব্ধি করিবারই বিষয় । যদি উহা কেবল কথার কথা হইত, তবে ত উহা কিছুই নয় । বেদ ঐ তত্ত্ব উপলব্ধি করিবার জন্য তিনটী উপায়ের কথা বলিয়া থাকেন—শ্রবণ, মনন, নিদিধ্যাসন । এই আশ্রিতত্ত্ব প্রথমে শুনিতে হইবে, শুনিবার পর ঐ বিষয় বিচার করিতে হইবে—যেন অন্ধভাবে বিশ্বাস না করা হয়, বিচার করিয়া জানিয়া শুনিয়া যেন বিশ্বাস করা হয়, এইরূপে নিজ স্বরূপ বিচার করিয়া তবে উহার ধ্যানে নিযুক্ত হইতে হইবে—তখন উহা সাক্ষাৎকৃত হইবে । এই প্রত্যক্ষ উপলব্ধিই ষথার্থ ধর্ম । মতপোষণ ধর্মের অঙ্গ নহে । আমরা বলি, এই সমাধি বা জ্ঞানাতীত অবস্থাই ধর্ম ।

প্র । আপনি যদি কখন ঐ সমাধি অবস্থা লাভ করেন, তবে আপনি কি উহার সম্বন্ধে বলিতে পারিবেন ?

উ । না, কিন্তু সমাধি-অবস্থা বা পূর্ণ জ্ঞানভূমি যে লাভ হইয়াছে, তাহা আমরা জীবনের উপর উহার ফলাফল দেখিয়া জানিতে পারি । একজন মূর্খ নিদ্রাগত হইল—নিদ্রাভঙ্গে সে যে মূর্খ, সেই মূর্খই থাকিবে, হয় ত আরো খারাপই দাঁড়াইতে পারে । কিন্তু কেহ সমাধিস্থ হইলে, সমাধিভঙ্গের পর—সে একজন তত্ত্বজ্ঞ, সাধু,

## কথোপকথন ।

মহাপুরুষ হইয়া দাঁড়ায় । তাহাতেই বুঝা যায়, এই দুই অবস্থা কতদূর বিভিন্ন ।

প্র । আমি অধ্যাপক—র প্রশ্নের অনুসরণ করিয়া জিজ্ঞাসা করিতে চাই, আপনি এমন সব লোকের বিষয় জানেন কি না, যাহারা আত্ম-সম্মোহনতত্ত্বের ( Self-hypnotism ) কোনরূপ আলোচনা করিয়াছেন । অবশ্য প্রাচীন ভারতে নিশ্চিত এই বিজ্ঞার খুব চর্চা ছিল—এখন আর ততদূর নাই । আমি জানিতে চাই, যাহারা এখন উহার চর্চা করেন, তাঁহারা হালে ঐ তত্ত্ব সম্বন্ধে কি অভিপ্রায় ব্যক্ত করিয়াছেন এবং উহার কিরূপ অভ্যাস বা সাধন করিয়াছেন ।

উ । আপনারা পাশ্চাত্যদেশে যাহাকে সম্মোহনবিজ্ঞা ( Hypnotism ) বলেন, তাহা আসল ব্যাপারের সামান্য অঙ্গমাত্র । হিন্দুরা উহাকে আত্মাপসম্মোহন ( Self-de-hypnotization ) বলেন । তাঁহারা বলেন, আপনারা ত সম্মোহিত ( Hypnotized ) রহিয়াছেনই—এই সম্মোহিত ভাবকে দূর করিতে হইবে, বিগত-মোহ ( De-hypnotized ) হইতে হইবে ।

“ন তত্র সূর্য্যো ভাতি ন চন্দ্রতারকং

নেমা বিজ্ঞাতো ভাণ্ডি কুতোহয়মগ্নিঃ ।

তমেব ভাস্তমনুভাতি সর্ব্বং

তস্ত ভাষা সর্ব্বমিদং বিভাতি ॥”

“তথায় সূর্য্য প্রকাশ পায় না, চন্দ্রতারাও নহে ; বিজ্ঞাত তথায় প্রকাশ পায় না—এই সামান্য অগ্নির আর কথা কি ? তিনি প্রকাশ পাইতেছেন বলিয়াই সমুদয় প্রকাশিত হইতেছে ।”

## হার্ভার্ড বিশ্ববিদ্যালয়ে স্বামী বিবেকানন্দ ।

ইহা ত সম্মোহন ( Hypnotization ) নহে,—অপসম্মোহন বা বিগত-মোহীকরণ ( De-hypnotization ) । আমরা বলিয়া থাকি, অল্প সকল ধর্মই এই প্রপঞ্চের সত্যতা শিক্ষা দেয়, অতএব তাহারা এক প্রকার সম্মোহন প্রয়োগ করিতেছে । কেবল অদ্বৈতবাদীই সম্মোহিত হইতে চান না । একমাত্র অদ্বৈতবাদীই অল্পবিস্তর বুঝিয়া থাকেন যে, সর্ব প্রকার দ্বৈতবাদ হইতেই সম্মোহন বা মোহ আসিয়া থাকে । কিন্তু অদ্বৈতবাদী বলেন, এমন কি, অপরাবিদ্যা জ্ঞানে, বেদকে পর্য্যন্ত ছুঁড়িয়া ফেলিয়া দাও, সগুণ ঈশ্বরকে পর্য্যন্ত ছুঁড়িয়া ফেলিয়া দাও, এই জগদ্বক্ষাণ্ডটাকে পর্য্যন্ত ছুঁড়িয়া ফেলিয়া দাও, এমন কি তোমার নিজের দেহ-মনকে ফেলিয়া দাও—কিছুই যেন না থাকে—তবেই তুমি সম্পূর্ণরূপে মোহ হইতে মুক্ত হইবে ।

“যতো বাচো নিবর্তন্তে অপ্রাপ্যমনসা সহ ।

আনন্দং ব্রহ্মণো বিদ্বান্ ন বিভেতি কুতশ্চন ॥”

“যেখান হইতে মনের সহিত বাক্য তাঁহাকে না পাইয়া ফিরিয়া আসে, সেই ব্রহ্মের আনন্দকে জানিয়া আর কোন ভয় থাকে না ।”

ইহাই অপসম্মোহন ।

“ন পুণ্যং ন পাপং ন সৌখ্যং ন দুঃখং

ন মদ্বং ন যদ্বং ন বেদা ন যজ্ঞাঃ ।

অহং ভোজনং নৈব ভোজ্যং ন ভোক্তা

চিদানন্দরূপঃ শিবোহহং শিবোহহম্ ॥”

“আমার পুণ্য নাই, পাপ নাই, সুখ নাই, দুঃখ নাই ; আমার মদ্ব, যদ্ব, বেদ বা যজ্ঞ কিছুই নাই ; আমি ভোজন, ভোজ্য বা ভোক্তা নহি । আমি চিদানন্দরূপ শিব—আমিই শিব (মঙ্গলস্বরূপ) ।”

## কথোপকথন ।

আমরা সন্মোহনবিদ্যার ( Hypnotism ) সমুদয় তত্ত্ব অবগত আছি । আমাদের যে মনস্তত্ত্ববিদ্যা আছে, তাহা পাশ্চাত্য দেশ সবে জানিতে আরম্ভ করিয়াছে ; তবে হুঃখের বিষয়, এখনও সম্পূর্ণরূপে জানিতে পারে নাই ।

প্র । আপনারা Astral body কাহাকে বলেন ?

উ । আমরা উহাকে লিঙ্গশরীর বলিয়া থাকি । যখন এই দেহের পতন হয়, তখন অপর দেহপরিগ্রহ কিরূপে হয় ? শক্তি কখন ভূত ব্যতীত থাকিতে পারে না । সুতরাং সিদ্ধান্ত এই যে, দেহত্যাগের পরেও সূক্ষ্মভূতের কিয়দংশ আমাদের সঙ্গে থাকিয়া যায় । অভ্যাস্তরবর্তী ইন্দ্রিয়গণ ঐ ভূতসূক্ষ্মের সাহায্য লইয়া আর একটা দেহ গঠন করে—কারণ, প্রত্যেকেই নিজ নিজ দেহ গঠন করিতেছে—মনই শরীর গঠন করিয়া থাকে । যদি আমি সাধু হই তবে আমার মস্তিষ্ক জ্ঞানী সাধুর মস্তিষ্কে পরিণত হইবে । আর যোগীরা বলেন, এই জীবনেই তাঁহারা নিজ দেহকে দেবদেহে পরিণত করিতে পারেন ।

যোগীরা অনেক অদ্ভুত ব্যাপার দেখাইয়া থাকেন । রাশি রাশি মতবাদের অপেক্ষা সামান্য একটু অভ্যাসের মূল্য অনেক অধিক । সুতরাং আমি নিজে এটা-ওটা হইতে দেখি নাই বলিয়া সেগুলি মিথ্যা, এরূপ আমার বলিবার অধিকার নাই । যোগীদের গ্রন্থে আছে, অভ্যাসের দ্বারা সর্বপ্রকার অতি অদ্ভুত ফললাভ করিতে পারা যায় । নিয়মিত অভ্যাসের দ্বারা অতি অল্পকালের ভিতর অল্প স্বল্প ফললাভ করিতে পারা যায়—তাহাতে জানিতে পারা যায়, এ ব্যাপারের ভিতর কোনরূপ জুয়াচুরি নাই । আর সর্ব-

## হার্ভার্ড বিশ্ববিদ্যালয়ে স্বামী বিবেকানন্দ ।

শান্তেই যে সকল অলৌকিক ব্যাপারের উল্লেখ আছে, এই যোগীরা সেইগুলি বৈজ্ঞানিকভাবে ব্যাখ্যা করিয়া থাকেন । প্রশ্ন এই যে, প্রত্যেক জাতির ভিতর এই সব অলৌকিক কার্যের বিবরণ লিপিবদ্ধ হইয়া রহিয়াছে কিরূপে ? যে বলে, এ সমুদয় মিথ্যা, উহাদের ব্যাখ্যার কোন প্রয়োজন নাই, তাহাকে যুক্তিবাদী বিচারপরায়ণ বলিতে পারা যায় না । যত দিন না সেগুলিকে ভুল বলিয়া আপনি প্রমাণ করিতে পারিতেছেন, ততদিন সেগুলিকে অস্বীকার করিবার আপনার অধিকার নাই । আপনাকে প্রমাণ করিতে হইবে যে, এ গুলির কোন ভিত্তি নাই—তখনই আপনি ঐগুলি অস্বীকার করিবার অধিকারী হইবেন । কিন্তু তাহা ত আপনারা করেন নাই । অত্ৰ দিকে যোগীরা বলিতেছেন, সেগুলি বাস্তবিক অদ্ভুত ব্যাপার নহে, আর তাঁহারা আজকালও ঐ সব করিতে পারেন বলিয়া দাবী করেন । ভারতে আজ পর্য্যন্ত অনেক অদ্ভুত ব্যাপার সাধিত হইয়া থাকে—কিন্তু উহাদের মধ্যে কোনটাই অপ্ৰাকৃত শক্তির দ্বারা সাধিত হয় না । এই বিষয়ে অনেক গ্রন্থ আছে । আর যদি এ বিষয়ে আর কিছুই সাধিত না হইয়া থাকে, কেবল বৈজ্ঞানিকভাবে মনস্তত্ত্ব আলোচনার পক্ষে চেষ্টামাত্রও হইয়া থাকে, তবে উহার সমুদয় গৌরব যোগীদেরই প্রাপ্য ।

প্র । যোগীরা কি কি ব্যাপার দেখাইতে পারেন, তাহার দৃষ্টান্ত আপনি দিতে পারেন কি ?

উ । অত্ৰাণ্ড বিজ্ঞানের চর্চা করিতে হইলে তাহার উপর যতটা বিশ্বাসের প্রয়োজন হয়, যোগী তাঁহার যোগ-বিদ্যার উপর তাহা অপেক্ষা অধিক বিশ্বাস করিতে বলেন না । কোন বিষয় গ্রহণ

## কথোপকথন ।

করিয়া তাহার পরীক্ষা করিবার জ্ঞাত ভদ্রলোকে যতটুকু বিশ্বাস করিয়া থাকে, তিনি তাহা অপেক্ষা অধিক বিশ্বাস করিতে বলেন না । যোগীর আদর্শ অতি উচ্চ । মনের শক্তি দ্বারা যে সব ব্যাপার সাধিত হইতে পারে, তন্মধ্যে নিম্নতর বিষয়গুলি আমি দেখিয়াছি, সুতরাং উচ্চতর ব্যাপারগুলি যে হইতে পারে, এ বিষয়ে অবিশ্বাস করিবার আমার অধিকার নাই । যোগীর আদর্শ—সর্বজ্ঞতা ও সর্বশক্তিমত্তার সহায়তায় শাস্ত্রত শান্তি ও প্রেমের অধিকারী হওয়া । আমি একজন যোগীকে জানি—তঁাহাকে গোথ্রো সাপে কামড়াইয়াছিল—দংশনমাত্র তিনি অচৈতন্য হইয়া মাটিতে পড়িয়া গেলেন । সন্ধ্যার সময় তাঁহার আবার চৈতন্য হইল । যখন তাঁহাকে জিজ্ঞাসা করা হইল, কি হইয়াছিল, তিনি বলিলেন, “আমার প্রিয়তমের নিকট হইতে একজন দূত আসিয়াছিল ।” এই ব্যক্তির সমুদয় ঘৃণা, ক্রোধ ও হিংসার ভাব একেবারে দগ্ধ হইয়া গিয়াছে । কিছুতেই তাঁহাকে অনিষ্টের পরিবর্তে বৈরীতায় প্রবৃত্ত করিতে পারে না । তিনি সদাকাল অনন্ত প্রেমস্বরূপ হইয়া রহিয়াছেন, আর প্রেমের শক্তিতে তিনি সর্বশক্তিমান্ । এইরূপ ব্যক্তিই যথার্থ যোগী । আর এই সব শক্তির প্রকাশ—নানাবিধ অলৌকিক ব্যাপার সংসাধন—এগুলি গৌণমাত্র । ঐগুলি লাভ করা যোগীর প্রকৃত লক্ষ্য নহে । যোগীরা বলেন, যোগী ব্যতীত আর সকলেই দাসবৎ । খাদ্যের দাস, বায়ুর দাস, নিজ স্ত্রীর দাস, নিজ পুত্রকন্যার দাস, টাকার দাস, স্বদেশীয়দের দাস, নামঘণের দাস, আর এই জগতে ভিতরকার সহস্র সহস্র বিষয়ের দাস । যে ব্যক্তি এ সকল বন্ধনের কোন বন্ধনে আবদ্ধ নহে, সেই যথার্থ মানুষ, সেই যথার্থ যোগী ।

হার্ভার্ড বিশ্ববিদ্যালয়ে স্বামী বিবেকানন্দ ।

“ইহৈব তৈজিতঃ সর্গো যেথাং সাম্যে স্থিতং মনঃ ।

নির্দোষং হি সমং ব্রহ্ম তস্মাদ্ধৃক্ষণি তে স্থিতাঃ ॥”

“এখানেই তাঁহারা সংসারকে জয় করিয়াছেন, যাঁহাদের মন সাম্যভাবে অবস্থিত । যেহেতু ব্রহ্ম নির্দোষ ও সমতাপন্ন, সেই হেতু তাঁহারা ব্রহ্মে অবস্থিত ।”

প্র । যোগীরা কি জাতিভেদকে একটা বিশেষ প্রয়োজনীয় বিষয় বলিয়া স্বীকার করিয়া থাকেন ?

উ । না—জাতিবিভাগ অপরিণত চিত্তসমূহের শিক্ষালয়স্বরূপ মাত্র ।

প্র । এই সমাধিতত্ত্বের সহিত ভারতের গ্রীষ্মের কি কোন সম্বন্ধ নাই ?

উ । আমার ত কোন সম্বন্ধ আছে বলিয়া বোধ হয় না । কারণ, সমুদ্র-সমতলের পনের হাজার ফিট উপরে প্রায় স্নমেকতুল্য আবহাওয়াসম্পন্ন হিমালয় পর্বতে এই যোগবিদ্যার উদ্ভব হইয়াছিল ।

প্র । ঠাণ্ডা জলবায়ুতে কি যোগবিষয়ে সিদ্ধিলাভ করা সম্ভব ?

উ । খুব সম্ভব—আর জগতের মধ্যে ইহা যেমন কার্য্যে পরিণত করা সম্ভব, আর কিছুই তেমন নহে । আমরা বলি, আপনারা—আপনাদের মধ্যে প্রত্যেকেই—জন্ম হইতেই বৈদান্তিক । আপনাদের জীবনের প্রতিমূহূর্ত্তেই আপনারা জগতের সকল বস্তুর সহিত আপনাদের একত্ব ঘোষণা করিতেছেন । যখনই আপনাদের হৃদয় সমগ্র জগতের কল্যাণের দিকে ধাবিত হয়, তখনই আপনারা অজ্ঞাতসারে প্রকৃত বেদান্তবাদী হইয়া থাকেন । আপনারা নীতি-পরায়ণ—কিন্তু কেন নীতিপরায়ণ হইতেছেন, তাহার কারণ



## কথোপকথন !

আপনারা জানেন না, বেদান্তদর্শনই নীতিতত্ত্বের বিশ্লেষণ করিয়া মানবকে জ্ঞানপূর্বক নীতিপরায়ণ হইতে শিখাইয়াছে। উহা সকল ধর্মের সারস্বরূপ।

প্র। আপনি কি বলেন যে, আমাদের পাশ্চাত্য জাতিদের ভিতর এমন একটা অসামাজিক ভাব আছে, বাহাতে আমরাদিগকে এত বহুবাদী ও অনৈক্য-প্রবণ করিয়াছে, আর বাহার অভাবে প্রাচ্যদেশীয় লোক আমাদের অপেক্ষা অধিকতর সহানুভূতিসম্পন্ন ?

উ। আমার মতে পাশ্চাত্য জাতি অধিকতর নির্দয়স্বভাব আর প্রাচ্যদেশীয় ব্যক্তিগণ সর্বভূতের প্রতি অধিকতর দয়াসম্পন্ন। কিন্তু তাহার কারণ কেবলমাত্র এই যে, আপনাদের সভ্যতা খুব আধুনিক। কোন স্বভাবকে দয়ানুভূতির বশে আনিতে গেলে তাহাতে কিছু সময়ের আবশ্যক করে। আপনাদের শক্তি যথেষ্ট, কিন্তু শক্তি-সংগ্রহ যে পরিমাণে চলিয়াছে, সেই পরিমাণে হৃদয়ের শিক্ষা চলে নাই। আর বিশেষতঃ মনঃসংব্রমের শক্তিও খুব অল্প পরিমাণেই অভ্যস্ত হইয়াছে। আপনাদিগকে সাধু ও ধীরপ্রকৃতি করিতে অনেক সময় লাগিবে। কিন্তু ভারতের প্রত্যেক রক্তবিন্দুতে এই ভাব প্রবাহিত। যদি আমি ভারতের কোন গ্রামে গিয়া তথাকার লোককে রাজনীতি শিখাইতে চাই, তাহারা তাহা বুঝিবে না ; কিন্তু যদি তাহাদিগকে বেদান্ত উপদেশ করি, তাহারা অমনি বলিবে, “হাঁ স্বামিন্ এখন আপনার কথা বুঝিতেছি—আপনি ঠিক বলিতেছেন।” আজ পর্য্যন্তও ভারতের সর্বত্র সেই বৈরাগ্য বা অনাসক্তির ভাব দেখিতে পাওয়া যায়। আমরা এক্ষণে খুব ভ্রষ্ট হইয়া পড়িয়াছি, কিন্তু এখনও বৈরাগ্যের প্রভাব এত অধিক

## হার্ভার্ড বিশ্ববিদ্যালয়ে স্বামী বিবেকানন্দ ।

বিগমান যে, রাজারাজড়াদের পর্যাণ্ত রাজ্য ত্যাগ করিয়া বিনা সম্বলে দেশের চারিদিকে ঘুরিয়া বেড়ান সম্ভবপর ।

কোন কোন স্থানে সাধারণ গ্রাম্য বালিকা পর্যাণ্ত চরকার সূতা কাটিতে কাটিতে বলিয়া থাকে, “আমাকে দৈতবাদের কথা বলিও না—আমার চরকা পর্যাণ্ত ‘সোহং’ ‘সোহং’ ‘আমিই সেই ব্রহ্ম’ ‘আমিই সেই ব্রহ্ম’ বলিতেছে ।” এই সব লোকের সহিত গিয়া কথাবার্তা কহুন, আর আমাদিগকে জিজ্ঞাসা করুন, তাহারা এইরূপ বলিয়া থাকে, অথচ ঐ পাথরটাকে প্রণাম করিতেছে কেন । তাহারা বলিবে, “আপনারা ধর্ম বলিতে মতবাদমাত্র বুঝিয়া থাকেন, কিন্তু আমরা ধর্ম বলিতে বুঝি, প্রত্যক্ষ অনুভূতি ।” তাহাদের মধ্যে কেহ হয়ত বলিয়া উঠিবে, “আমি তখনই যথার্থ বেদান্তবাদী হইব, যখন আমার সম্মুখ হইতে সমগ্র জগৎ অন্তর্হিত হইবে—যখন আমি সত্যদর্শন করিব । যতদিন না তাহা হইতেছে, ততদিন আমার সহিত সাধারণ অজ্ঞ ব্যক্তির কোন প্রভেদ নাই । সেই জন্তই আমি এই সব প্রস্তরমূর্তির উপাসনা করিতেছি, মন্দিরে যাইতেছি, যাহাতে আমার প্রত্যক্ষানুভূতি হয় । আমি বেদান্ত শ্রবণ করিয়াছি বটে, কিন্তু আমি সেই বেদান্তপ্রতিপাদ্য আত্মতত্ত্বকে দেখিতে, উহার প্রত্যক্ষ অনুভব করিতে ইচ্ছা করি ।”

“বাগ্ বৈখরী শব্দবরী শাস্ত্রব্যাখ্যানকৌশলম্ ।

বৈদ্যং বিদ্যাং তদ্বজ্জয়ে ন তু মুক্তয়ে ॥”—শঙ্কর ।

“অনর্গল শব্দোদগীরণময়ী সনাক্যযোজনা, শাস্ত্রব্যাখ্যা করিবার বিভিন্ন কৌশল—এ সব কেবল পণ্ডিতদের আমোদের জন্ত, উহার দ্বারা মুক্তিলাভের কোন সম্ভাবনা নাই ।”

## কথোপকথন ।

যদি আমরা ব্রহ্মসংস্কার করিতে পারি, তবেই আমরা মুক্তিলাভ করিব ।

প্র। আধ্যাত্মিক বিষয়ে সর্বসাধারণের এই স্বাধীনতার সহিত জাতিভেদ-স্বীকারের কি বিরোধ নাই ?

উ। অবশ্যই বিরোধ আছে । লোকে বলিয়া থাকে, জাতিভেদ থাকা উচিত নহে, এমন কি, যাহারা বিভিন্ন জাতিভুক্ত, তাহারাও বলে, জাতিবিভাগ একটা খুব উঁচুদরের জিনিষ নয় । কিন্তু তাহারা সঙ্গে সঙ্গে ইহাও বলে যে, আমাদের ইহা অপেক্ষা ভাল অথবা কোন জিনিষ দাও, তবে আমরা উহা ছাড়িয়া দিব । তাহারা বলিয়া থাকে, তোমরা ইহার বদলে আমাদেরকে কি দিবে ? জাতিভেদ কোথায় নাই ? তোমাদের দেশে তোমরাও ত এইরূপ একটা জাতিবিভাগ গড়িবার ক্রমাগত চেষ্টা করিতেছ । কোন ব্যক্তি কিছু অর্থসংগ্রহ করিতে পারিলেই বলিয়া বসে, আমিও ঐ বড় মানুষ কয়েক শতের মধ্যে একজন । আমরাই কেবল একটা স্থায়ী জাতিবিভাগ গঠনে সমর্থ হইয়াছি । অপর দেশীয়েরা উহার জন্ত চেষ্টা করিতেছে, কিন্তু সফল হইতে পারিতেছে না । আমাদের সমাজে অবশ্য কুসংস্কার ও মন্দ জিনিষ যথেষ্ট আছে । আপনাদের দেশের কুসংস্কার ও মন্দ জিনিষগুলি আমাদের দেশে চালাইয়া দিতে পারিলেই কি সব ঠিক হইয়া যাইবে ? জাতিভেদ আছে বলিয়াই এই ত্রিশ কোটি লোক এখনও খাইবার এক টুকরা রুটি পাইতেছে । অবশ্য রীতিনীতি হিসাবে ইহা যে অসম্পূর্ণ, তাহাতে কোনই সন্দেহ নাই । কিন্তু এই জাতিবিভাগ না থাকিলে আপনারা পড়িবার জন্ত একখানিও সংস্কৃত বই পাইতেন না । এই জাতিবিভাগের

## হার্ভার্ড বিশ্ববিদ্যালয়ে স্বামী বিবেকানন্দ ।

দ্বারা এমন একটা দৃঢ় প্রাচীরের সৃষ্টি হইয়াছিল যে, উহার উপর বহিরাক্রমণের শত প্রকার তরঙ্গাঘাত আসিয়া পড়িয়াছে, অথচ কোন মতেই উহাকে ভাঙ্গিতে পারে নাই। এখনও সেই প্রয়োজন দূর হয় নাই, সেই জন্ত এখনও জাতিভেদ রহিয়াছে। সাত শতবর্ষ পূর্বে বৈরূপ জাতিবিভাগ ছিল, এখন আর সেরূপ নাই। যতই উহার উপর আঘাত লাগিয়াছে, ততই উহা দৃঢ়তর আকার ধারণ করিয়াছে। এটা কি লক্ষ্য করিয়াছেন যে, একমাত্র ভারতই কখন পররাষ্ট্রবিজ্ঞানে নিজ দেশের বাহিরে বহির্গত হয় নাই? মহাসম্রাট অশোক বিশেষ করিয়া বলিয়া গিয়াছিলেন যে, তাঁহার উত্তরাধিকারীরা কেহ যেন পররাষ্ট্রবিজ্ঞানের চেষ্টা না করে। যদি অপর জাতি আমাদের নিকট শিক্ষক পাঠাইতে চায়, পাঠা'ক কিন্তু তাহারা যেন আমাদের বাস্তবিক সাহায্য করে, আমাদের জাতীয় সম্পত্তিস্বরূপ ধর্ম্মভাবের বিরুদ্ধে অনিষ্টসাধনের চেষ্টা না করে। এই সব বিভিন্ন জাতিরা হিন্দুজাতিকে জয় করিতে আসিল কেন? হিন্দুরা কি অপর জাতির কোন অনিষ্ট করিয়াছিল? তাহারা যতটুকু সাধ্য, জগতের উপকারই করিয়াছিল। তাহারা জগৎকে বিজ্ঞান, দর্শন ও ধর্ম্ম শিখাইয়াছিল এবং পৃথিবীর অনেক অসভ্য জাতিকে সভ্য করিয়াছিল। কিন্তু তাহারা উহার পরিবর্তে প্রতিদান পাইয়াছিল—রক্তপাত, অত্যাচার ও ছুই কাফের,—এই অভিধান। বর্তমান কালেও পাশ্চাত্যজাতীয় ব্যক্তিগণ কর্তৃক লিখিত ভারতসম্বন্ধে গ্রন্থাবলী এবং তথ্য যাহারা ভ্রমণ করিতে গিয়াছেন, তাঁহাদের লিখিত গল্পগুলি পড়ুন—দেখিবেন, তাঁহারাও হিন্দুদিগকে “হিদেরন” অপদেবতার ঘৃণ্য উপাসক বলিয়া গালি

## কথোপকথন ।

দিয়াছেন । কোন্ অনিষ্টের প্রতিশোধ লইবার জন্ত ভারতবাসীদের এখনও এইরূপ অযথা নিন্দাবাদ করা হইয়া থাকে ?

প্র । সভ্যতাসম্বন্ধে বৈদান্তিক ধারণা কিরূপ ?

উ । আপনারা দার্শনিক—আপনাদের মতে অবশ্য এক তোড়া টাকা থাকা না থাকা লইয়া মানুষে কখনও প্রভেদ হইতে পারে না । এই সব কল কারখানা ও জড় বিজ্ঞানের মূল্য কি ? উহাদের একটীমাত্র ফল এই যে, উহারা চতুর্দিকে জ্ঞানবিস্তার করিয়া থাকে । আপনারা অভাব বা দারিদ্র্য-সমস্তা পূরণ করিতে পারেন নাই, বরং অভাবের মাত্রা আরও বাড়াইয়াছেন মাত্র । কলকজায় কখন দারিদ্র্য-সমস্তার সমাধান চইতে পাবে না । উহাদের দ্বারা কেবল সংগ্রাম বাড়িয়া যায় মাত্র, প্রতিযোগিতা তীব্রতর হইয়া থাকে । জড় প্রকৃতির কি স্বতন্ত্র কোন মূল্য আছে ? কোন ব্যক্তি যদি তারের মধ্য দিয়া তাড়িতপ্রবাহ চালাইতে পারে, আপনারা অমনি গিয়া তাহার স্মৃতিচিহ্ন স্থাপনে উদ্যোগী হন কেন ? প্রকৃতি কি লক্ষ লক্ষ বার এই ব্যাপার সাধন করিতেছেন না ? সবই কি প্রকৃতিতে পূর্ব হইতেই বর্তমান নাই ? উহা আপনি পাইলে তাহাতে কি লাভ হইল ? উহাত পূর্ব হইতেই তথায় রহিয়াছে । উহার একমাত্র মূল্য এই যে, উহা আমাদের ভিতরকার উন্নতি-বিধান করিয়া থাকে । এই জগৎটা একটা ব্যায়ামাগারতুল্য—ইহাতে জীবাগ্নাগণ কশ্মের দ্বারা আপনাদিগেরই উৎকর্ষসাধন করিতেছে, আর এই উৎকর্ষসাধনের ফলেই আমরা দেবস্বরূপ বা ব্রহ্মস্বরূপ হইয়া থাকি । সুতরাং কোন্ বিষয় ভগবানের কতটা প্রকাশ, ইহা জানিয়াই প্রত্যেক বিষয়ের মূল্য বা সারবত্তা নির্ধারণ

## হার্ভার্ড বিশ্ববিদ্যালয়ে স্বামী বিবেকানন্দ ।

করিতে হইবে । সভ্যতা—মানবের মধ্যে ঈশ্বরত্বের এইরূপ প্রকাশ ।

প্র । বৌদ্ধদের কি কোন প্রকার জাতিবিভাগ আছে ?

উ । বৌদ্ধদের কখনই বড় বিশেষ জাতিবিভাগ ছিল না, আর ভারতে বৌদ্ধসংখ্যা অতি অল্প । বুদ্ধ একজন সমাজসংস্কারক ছিলেন । তথাপি আমি বৌদ্ধ দেশসমূহে দেখিয়াছি, তথায় জাতি-বিভাগ সৃষ্টির জন্য প্রবল চেষ্টা হইয়াছে, কিন্তু ঐ চেষ্টা সফল হয় নাই । বৌদ্ধদের জাতিবিভাগ কার্য্যতঃ কিছুই নহে, কিন্তু তাহারা আপনাদের মনে মনে উচ্চ জাতি বলিয়া গর্ব্ব করিয়া থাকে ।

বুদ্ধ একজন বেদান্তবাদী সন্ন্যাসী ছিলেন । তিনি একটা সম্প্রদায়ের প্রতিষ্ঠা করিয়াছিলেন, যেমন আজকালও অনেক নূতন সম্প্রদায় প্রতিষ্ঠিত হইয়া থাকে । যে সব ভাবগুলি এক্ষণে বৌদ্ধধর্ম্ম বলিয়া অভিহিত, সেগুলি তাঁহার নিজের নহে । সেগুলি তাহা অপেক্ষা অনেক প্রাচীন । তিনি একজন মহাপুরুষ ছিলেন—ঐ ভাবগুলির মধ্যে শক্তিসঞ্চার করিয়াছিলেন । বৌদ্ধধর্ম্মের নূতনত্ব উহার সামাজিক ভাগ । ব্রাহ্মণ ও ক্ষত্রিয়েরাই চিরদিন আমাদের আচার্য্যের আসন অধিকার করিয়া আসিয়াছেন—অধিকাংশ উপনিষদই ক্ষত্রিয়গণের লেখা—আর বেদের কর্ম্মকাণ্ডভাগ ব্রাহ্মণদের কীর্ত্তি । সমগ্র ভারতে আমাদের যে সকল বড়বড় আচার্য্য হইয়া গিয়াছেন, তাঁহাদের মধ্যে অনেকেই ক্ষত্রিয় ছিলেন—তাঁহাদের উপদেশও উদার ও সার্বজনীন, কিন্তু দুইজন ছাড়া ব্রাহ্মণ আচার্য্য-গণের মধ্যে সকলেই অনুদারভাবাপন্ন । ভগবানের অবতার বলিয়া পূজিত রাম, কৃষ্ণ, বুদ্ধ—ইহারা সকলেই ক্ষত্রিয় ছিলেন ।

## কথোপকথন ।

প্র। সম্প্রদায়, অনুষ্ঠান, শাস্ত্র—এ সকল কি তত্ত্ব-সাক্ষাৎকারের সহায়ক ?

উ। তত্ত্ব-সাক্ষাৎকার হইলে, লোক সব ছাড়িয়া দেয় । বিভিন্ন সম্প্রদায়, অনুষ্ঠান ও শাস্ত্র যতটা সেই অবস্থায় পঁছরিবার উপায় স্বরূপ হয় ততটা উহাদের উপকারিতা আছে । কিন্তু যখন উহাদের দ্বারা ঐ সহায়তা না পাওয়া যাইবে, তখন অবশ্য উহাদিগের পরিবর্তন সাধন করিতে হইবে ।

“ন বুদ্ধিভেদং জনয়েদজ্ঞানাং কৰ্ম্মসঙ্গিনাম্ ।

যোজয়েৎ সৰ্ব্বকৰ্ম্মাণি বিদ্বান্ যুক্তঃ সমাচরন্ ॥

সক্তাঃ কৰ্ম্মণ্যবিদ্বাংসো যথা কুৰ্ব্বতি ভারত ।

কুর্যাদবিদ্বান্ তথাসক্তশ্চিকীর্ষুলোকসংগ্রহম্ ॥”

অর্থাৎ জ্ঞানী ব্যক্তি অজ্ঞানীদের অবস্থার প্রতি ঘৃণা প্রদর্শন করিবেন না, আর তাহাদের নিজ নিজ সাধনপ্রণালীতে তাহাদের বিশ্বাস নষ্ট করিবেন না, কিন্তু যথার্থভাবে তাহাদিগকে পরিচালিত করিবেন, এবং তিনি স্বয়ং যে অবস্থায় অবস্থিত, সেই অবস্থায় পঁছরিবার পথ প্রদর্শন করিবেন ।

প্র। বেদান্তে আমিত্ব \* চারিজনীতির বিরূপ ব্যাখ্যা করিয়া থাকে ?

উ। প্রকৃত অবিভাজ্য আমিত্বই সেই পূর্ণব্রহ্ম—মায়ার দ্বারাই

\* ইংরাজিতে Individual শব্দটা আছে । ঐ শব্দে “অবিভাজ্য” ও “ব্যক্তি” এই দুইটি ভাব নিহিত । স্বামীজি যখন উত্তর দিতেছেন, যে “ব্রহ্মই প্রকৃত Individual,” তখন প্রথম ভাবটি অর্থাৎ উপচয় অপচয়হীন অবিভাজ্যতার প্রতি লক্ষ্য করিয়াছেন । তার পর বলিতেছেন যে, সেই সত্তা মায়ার পৃথক পৃথক ব্যক্তির স্বাকার ধারণ করিয়াছেন ।

## হার্ভার্ড বিশ্ববিদ্যালয়ে স্বামী বিবেকানন্দ ।

উহা পৃথক্ পৃথক্ ব্যক্তির আকার ধারণ করিয়াছেন । কেবল আপাততঃ এইরূপ বোধ হইতেছে মাত্র—প্রকৃতপক্ষে উহা সদাই সেই পূর্ণব্রহ্মস্বরূপ । প্রকৃতপক্ষে এক সত্তাই বর্তমান—মায়া দ্বারাই উহা বিভিন্নরূপে প্রতীয়মান হইতেছে । মায়াতেই এইরূপ ভেদ বোধ হইয়াছে । কিন্তু এই মায়ার ভিতরেও সর্বদাই সেই একের দিকে ফিরিয়া যাইবার চেষ্টা রহিয়াছে । প্রত্যেক জাতির চরিত্র-নীতির ভিতর ঐ চেষ্টাই অভিবাঙ্ক হইয়াছে, কারণ, ইহা জীবাত্মার প্রকৃতিগত প্রয়োজন । সে ঐরূপ চেষ্টাবলে ঐ একত্ব লাভ করিতেছে—আর একত্বলাভের এই চেষ্টাকেই আমরা চারিত্র্যনামে অভিহিত করিয়া থাকি । অতএব আমাদের সর্বদা নীতিপরায়ণ হওয়া আবশ্যক ।

প্র । চারিত্র্যনীতির অধিকাংশই কি বিভিন্ন ব্যক্তির সম্বন্ধ লইয়াই ব্যাপ্ত নহে ?

উ । চারিত্র্যনীতির সবটাই ঐ । পূর্ণব্রহ্ম কখন মায়ার গভীর ভিতর আসিতে পারে না ।

প্র । আপনি বলিলেন, ‘আমি’ই সেই পূর্ণব্রহ্ম—আমি আপনাকে ঐ সম্বন্ধে জিজ্ঞাসা করিতে যাইতেছিলাম—এই ‘আমি’র জ্ঞান আছে কি না ?


উ । ‘আমি’টা সেই পূর্ণব্রহ্মের প্রকাশস্বরূপ, আর এই ব্যক্ত অবস্থায় তাহাতে যে প্রকাশশক্তি কার্য্য করে, তাহাকেই আমরা ‘জ্ঞান’ বলি । অতএব সেই পূর্ণব্রহ্মের জ্ঞানস্বরূপে ‘জ্ঞান’ শব্দের প্রয়োগ যথাযথ প্রয়োগ নহে, কারণ, পূর্ণাবস্থা আপেক্ষিক জ্ঞানের অতীত ।



## কথোপকথন ।

প্র। আপেক্ষিক জ্ঞান কি পূর্ণ জ্ঞানের অন্তর্ভুক্ত ?

উ। হাঁ—এক ভাবে আপেক্ষিক জ্ঞানকে পূর্ণ জ্ঞানের অন্তর্ভুক্ত বলিতে পারা যায়। যেমন একটা মোহর ভাঙাইয়া তাহা হইতে পয়সা সিকি ছয়ানি টাকা প্রভৃতি সর্বপ্রকার মুদ্রা করিতে পারা যায়, তদ্রূপ ঐ পূর্ণ অবস্থা হইতে সর্বপ্রকার জ্ঞান উৎপাদন করা যাইতে পারে। উহা অতিজ্ঞান, জ্ঞানাতীত বা পূর্ণ জ্ঞানাবস্থা—সাধারণ জ্ঞান অজ্ঞান উভয়ই ইহার অন্তর্ভুক্ত। যে ব্যক্তি ঐ অবস্থা লাভ করে, আমাদের পরিচিত ‘জ্ঞানাবস্থা’টীও তাহার সমাকল্পে থাকে। যখন সে জ্ঞানের এই অপর অবস্থা, অর্থাৎ আমাদের সাধারণ জ্ঞানাবস্থার গ্রায় অবস্থা, অনুভব করিবার ইচ্ছা করে তখন তাহাকে এক ধাপ নামিয়া আসিতে হয়। এই সাধারণ জ্ঞান একটী নিম্নতর অবস্থা—মায়ায় ভিতরেই কেবল এইরূপ জ্ঞান হওয়া সম্ভব।



সম্পূর্ণ ।





